

Aposel

Jesus Urgun igane ipalu wo ibola

¹ O Tiofilas, n̄aisag buk malmalan n̄igire man, melmel fidian Jesus fun igane dugo tamolpein ipitenanai na yan niñen o n̄igireg yaug, ² saen ibi-sawamag Anut giran̄en na yau an san niñen̄ itout a. Gamugo imat dugo Urgun san dabai lo aposel ipilianai an ru kagin irupidaig duloñ a. ³ Agog in̄sen mateñ lo idug, fon kumaen imasag nal 40 ilon lo saen wei mi tamol amaiak naod na ilasa se ya. Saen an lo in̄ kumaen imado amaiak dal wei mi lo kuai te ikubiai dile ya, an lo in̄ ilod lo rumok a. Ago dugo Anut san kagin panek* niñen o dam irupidaig duloñ a. ⁴ Nal ta in̄ in̄anen megeloum dida dutumanig anañ diani dugo, ru kagin en irupidai, “Jerusalem ta abisei na wa, tia, lou panek a n̄aineg Bai añ añane wan in̄san promis ipanan̄ an ilasa wo malam agane gup añane wa. Añ gubak mi ru promis an niñen o n̄ai n̄abol ilasa se yan alon̄ la ya. ⁵ Jon you nam fulanek ipidinai se ya. Gug nal wei tia dop, añ Awan Urgun nam fulanek añane wa. Agop Urgun san dabai añ da wa.”

Anut Jesus in̄aneg, lak na yau a

Mak 16:19-20; Luk 24:50-53

⁶ Nal ta saen in̄ Jesus dida dutumani man, aposel adi dusumianig dubol, “Tubun en, dugo, oñ gamu en mañ Isrel tamolpein fon tumanama wak i? Ago

* **1:3:** Kingdom

dop manşiganema kiŋ kagin ipanama wak boi, nek ibol wagam Dawid san saen lo igane yak igo won a.”

⁷ Ago tag awad yabig ibol, “Mel ilasa wak san saen, agod ata nal mok ate mel an ilasa wan Bai inşen ilon nam igansi la ya, ak gug anşem mel an san saen aloŋ san niŋen o ilon ta yen na da. ⁸ Gug saen Urgun an tinim fo idu dan, an dabai anşane dop Jerusalem, Judea, Sameria na, agod tan titin wadan fidian lo dam anşanem manşau ŋai niŋeg o an tamolpein naod na abol ilasa wa.”

⁹ Ago ibol go itout an aposel malad lo mi tan ibiseig, isidag, timtaen lo imianuk dugo dile san tia ya.

¹⁰ Jesus ibisawai dugo malad ti ibol go isudag keit lo abanş dile man, tamol uraru biouŋ milkouk didiri ak dilasa kisaek oŋ go, giranşed na dutur dugo dil a. ¹¹ Agog dubol, “Anş Galili tamol, ata wo ente atur dugo malam keit lo isida dak i? Anş Jesus ibisawanş go kumaen panu na yau an ale ya. Jesus nek emaiak yau ago mi dal nek kisaek an mitep afon lo imul ipalu dop ale wa.”

Mataias Judas aben inşane wo dupiliani a

¹² Agog aposel adi Did Oliv dibiseig, dumul Jerusalem na diau. Dal an kilomita kisaek igo wonş. ¹³ Jerusalem na dilasag, ab a lo dumado dan san galuŋ ta lak na yak lo disida ya. Tamol saen an lo ante dumado se yak yanşadi:

Pita, Jon, Jems inş Andru da, Filip inş Tomas da, Bartolomiu inş Matyu da, Jems Alfeus nanun, Saimon, tamol a Rom gabman paen na imado wo imoi dan, agod Judas Jems nanun. ¹⁴ Tamol

an pempem dugudani wo dutumani se ya. Jesus tinan Maria, in pein aenkadi, agod Jesus tein muroun dam dida dutumani a.

¹⁵ Nal ta saen an lo ilo rumok adi dutumanig, nuḥod 120 igo woḥ dugo, Pita imasag ¹⁶ ibol, “Teig muroug, ru en alon, wagam Urgan Dawid awan lo Judas niḥen o ibol ak nuḥon ilasa ya. Judas Jesus san ager inḥal go, dal ikubiai dileg dida diaug Jesus diabi a. ¹⁷ Judas dam inḥ aposel urat igane wo Jesus ipiliani a, inḥ dam nek id igo mi a.”

¹⁸ (Inḥiganen sewak naon moni dupani an nam tan kilaken ta idad inḥane ya. Atna yau idug, luan ipuk go tinḥaen igulani idu ya. ¹⁹ Agog ru en Jerusalem ilon lo tamolpein fidian dulonḥ tag, inḥ tan an muroud ru lo Akeldama dubol da. Yanḥak an fun: dar san tan.)

²⁰ “Isrel sad bar san buk lo ru igo digireg yen da, ‘Inḥsan ab an tubabun a.

Talpein ta ifun san tia ya.’

Bar neinta buk an lo yen dan dam igo ibol:

‘Tamol sen ta aben inḥanep, inḥsan urat awan igane wa.’

²¹ “Ago yak niḥen o tamol ta tipilianip Judas aben inḥane wa. Tamol a saen fidian id Jesus da tator dugo inḥ dam dida tator na yan mi titarpasaip luluḥad lo tamol kisaek tipiliani wa. ²² Agop id tamol dugon fun lo Jon fulanek igane dugo ida tator go ipalug saen Jesus ibisawad an mi ka tipiliani wa. An lo saen id Jesus fon kumaen imasa dugo tile yan san ru tamolpein turupidai dan, tamol a tupiliani dan luad isap, urat an id sisem tigane wa.”

²³ Agog tamolpein a dutumanig dumado dan in tamol uraru yanad dupate ya. Ta Josef, tamol an Barsabas dubol da. Ago dugo yan an neinta Jastas. Agod ta man yan Mataias. ²⁴⁻²⁵ Uraru an ninedi wo gadin lo Jesus igo dusumiani, “Tubun en, on tamolpein fidian ilod ulon. Ago yak ninen o tamol uraru en dugon Judas aben in anep aposel urat igane wo pilianip kubiai panama. Man dugo, Judas aben a in san mok an lo yau wo in san aposel urat ibisei a, agog gamu in san urat an awan kawan yen da.” ²⁶ Dugudani itout, agog pat kititik fo Mataias Josef da yanadi digire ya. Pat an disinig gab lo didiri. Ago gug gab an dukudumsig, pat fo Mataias yan an inug idu ya. Ago tag Mataias aposel 11 an luad te diganeg, dida urat digane ya.

2

Urgun idu ya

¹ Pentikos nal idu, agog ilo rumok adi fidian dupalug, kisaek mi dutumanig dumado dugo, ² lili an ta nek ibol tim tubun geig ifure dak igo won ab lo dumado dan ilon lo isaldug ilon igane itau. ³ Agog mel ta yai balen wei mi igo won du furak diaug tamol a dumado yan gurma fo ided ided yau dugo dile ya. ⁴ Tamolpein fidian Urgun ilod in anefuteg an lo Urgun dabai ipidinai an fom in anen anen tamolpein sen ak sad muroud ru funfun lo din in se ya.

⁵ Aria, saen an lo Juda tamolpein gob sad tan fidian lo dumado dugo, ante Anut ubou an dile na yan tan an fidian dibiseig Pasova tumanek san anan diani wo Jerusalem na diaug dilasag

dumado se ya. ⁶ Saen liliñan an duloñ man, Juda tamolpein wei mi dususag dutumani a. Fidian dupalu yan anen anen inşigned muroud ru lo aposel adi diñiñeñ dugo duloñ se ya, ago man inñ fidian durut saian geig a. ⁷⁻⁸ Ago dugo dumasa saian go sed nug dusumiani, “Tamol diñiñeñ dan fidian Galili tamol ak gug, en dugo wonñ dugo id fidian idsad muroud ru anen anen taloñ dak i? ⁹⁻¹¹ Id fidian tan asau ak sensen lo tupalu ya. Gug Anut mel tutubun igane yak id anen anen idsiganed muroud ru lo dubol dugo taloñ da. Id aenkadi Patia, Media, Ilam na, agod aenkadi Mesopotemia, Judea, Kapadosia na tupalu ya. Aenkadi Pontas, Esia na, agod aenkadi Frisia, Pamfilia na dupalu ya. Aenkadi Igipta na, agod Libia san tan kilaken aenta Sairini giraneñ na, agod aenkadi Rom na dupalu ya. Aenkadi Juda mok, go aenkadi man Juda tia gug Juda sad ubou lo diau da. Agod aenkadi Krit na, aenkadi Arebia na dupalu ya. Id a fidian tupalu yan idsed awad anen anen taloñ da.” ¹² Inñ fidian dumasa saian go ilod weiwei geig se ya, ago dugo sed nug dusumiani, “Kulob en san fun mok dugo mok ak i?”

¹³ Gug aenkadi aposel adi kukok ad diganeg dubol, “Tamol en nag wain tubun mi duluk boi.”

Pita tamolpein malan tubun ak ru irupidai a

¹⁴ Ago dugo Pita aposel 11 dida dumado yak imasag, awan tubun mi awad yabig ibol, “Anñ Juda tamolpein, agod anñ fidian Jerusalem na amado dan, kudom agure uyanan pe, mel en fun nşifulale dop aloñ a. ¹⁵ Tamol emaiak wain duluk abol den ta duluk na ya. Tia, gamu man 9 klok tidom lo mi

a. ¹⁶ Ak niñen o kankan agane. Abañ e ale den wagam profet Joel igo ibol:

¹⁷ “Anut ibol, ‘Saen wadan ipalu wo sumeik dop, ñai ñaineğ Urgun tamolpein fidian sad tinid fo ñuwali idup diñane wa.

Nanuk tamol ak, in nanuk pein ak dam profet ru dubol ilasa wa.

Añanem pinein foudi ak malad ñutun dile wa.

Añanem tamol busumadi ak ñionğ lo ñionğamin diñane wa.

¹⁸ Saen an lo dop ñaisag urat pein, urat tamol dam, tinid fo

ñaineğ Ur ñuwali idup diñane wa.

An lo dop in dam profet ru dubol ilasa wa.

¹⁹ Ñai keit lo kulob girager naon sensen ñigane wan ñukubiai ale wa.

Ago dop tan na dam kulob tutubun sensen ak kob igo wonğ ñigane dop ale wa.

An man dar, yai, agod yaikas malan bilkas nuñon ak ilasa wa.

²⁰ Ad inñan naon ibilisap tidom onğ ilasa dop, kalam dam malan ibilisap, daran pe dar onğ ilasa dugup,

Tubun en san nal tubun ak girager anda idu wa.

²¹ Ago dop tamolpein ensauta a gadiñ lo Tubun en ibinawai o duwagiñ dan,

inğ tamolpein an fidian patud ipasi wa.’

²² “O Isrel tamolpein, kudom agure! Anut añ naom na ikubiaig ale yak, inğ Nasaret tamol Jesus an uyan ipani a. An dugo wonğ i? Anut sen kulob girager agod urat dababai funfun kob igo wonğ tamol an lo idiri dugo ale na ya. Melmel an añ

lulunjam lo tamol an tuon lo dilasa dugo an an fidian alon a. ²³ Wagam mok Anut ilon uyanan ak, Jesus an banim lo yau a. Ansem tamol saiadi ak dida atumanaig an inşad binawek da Jesus aigim fo abali a. An an mitep ago agane wo yan Anut wagam mi ilon uyanan a, man dugo, in ilon nek ago yen a. ²⁴ Gug maten Jesus yabituani san tia tag Anut in ifufunig, fon kumaen imasag maten san madai tuon lo ipasi a. ²⁵ Wagam mi Dawid sen dam Jesus ninen o igo ibol,

‘Tubun ak pempem mi nai naog na itur da, an nai nile da.

In nai sinireg na imado dugo dabai ipanag dan lo,
tamolpein nai dimiriranag san tia ya.

²⁶ Ak ninen o nai ilog tubun mi uyan dugo nai awag, ru ilo uyan san ibol ilasa da.

Nai tinig dam on binawag an mala nouk lo mi ititiano imado da.

²⁷ Man dugo, on naisag njutug Ades lo biseip ante ta yen na wa.

On onjane Tamol Gun ak ulefuni dop ta igan na wa.

²⁸ On nai kumaen san dal kubiai panag a.

On nai da tumado wak lo nai uyasusai dam panag pe tinig inane fute wa.’ ”

²⁹ “O teig muroug, an alon ak ru e nurupaian den ru rumok, id tubud baged Dawid imat go disare ya. Agod inşan mutou yen dan pempem tile da.

³⁰ Gug Dawid man profet ta. An ninen o in ilon ak, Anut ru lak na geig nam promis ipani an lo, mitep inşan malan kubulan ta kin iganep, inşan aben inane wa. ³¹ Anut mitep dugo igane wan

Dawid ilon tag, Kristus mitep fon kumaen imasa wak ninen o ibol. Fun an lo dam ibol, Anut Kristus Ades lo ibiseig ta imado na ya, ago dugo tinin dam ta igan na ya. ³² Anut Tubun ak Jesus nek amaiak materj lo ifufunig, kumaen imasa da ya. Agod mel an man fidian sema malama lo mile ya. ³³ Anut Jesus injaneg yanjan tubun geig anda giranen won ak lo imado da. Anut gubak mi injanen Awan Urgun Jesus ipani wo promis ru ipani a. Aria, gamu promis an nunon ilasag Urgun inane ya. Ago dugo Jesus sen Urgun an man tinima fo iwali idu ya, ago dugo an mel en ale dugo kududom ilon a. ³⁴ An alon ak Dawid insen kumaen panu na ta isuda na ya. Ago bo man in igo ibol,

‘Tubud njasag Tubun en irupei:

giraneg won ak lo masip, mado dugup,

³⁵ onsa ager adi on nje paen na njidirai a.’ ”

³⁶ “Ago yak ninen o tamolpein fidian Isrel ilon lo yak kuai tem njurupaian da, ru rumok e njurupaian den an ilom lo rumok o yan amoi san fun man tia ya. Jesus nek a afunig aigim fo abali an, Anut ipilianig in Kristus agod Tubun ak dam igane ilasa ya.”

³⁷ Saen tamolpein ago dulon dugo, ru an bubed isue saian geig a, ago tag Pita aposel aenkadi dida dusumianaig dubol, “O teim taoma, man dugo mok migane wak i?”

³⁸ Agog Pita awad yabig ibol, “Fidian ananem aupasek anen anen patum apanip, apalup Jesus Kristus yanjan lo suguek anane wa. Ago tap Anut ananem aupasek fidian ipare idup Awan Urgun ipanan a. Urgun man insan lou panek, an kawan

naon an tia anjane wa. ³⁹ Promis e Urgan ninjen o yan man anjsami, anjanem malam kubulam sadi, agod tamolpein asau asau fidian injsad dam mi a. Awo, tamolpein a fidian idsad Tubud Anut igiai an promis an san nunjon dijane wa.”

⁴⁰ Pita ru tubun mok ibol go ru kagin wei mi irupidai se ya. In ilod dibilisa wo dabai geig iganeg ibol, “An sem patum apasi. Kabelan tamol saiadi Jesus dufuni ak sad naon panek ipalu dan anj dam anjane banau.” ⁴¹ Agog tamolpein wei mi Pita san ru ilod lo rumok go suguek dijane se ya. Nal an lo tamolpein 3 tausen igo wonj ilo rumok adi luad disa ya.

Kris sad naok naok

⁴² Kris foudi an aposel adi sad ru dulonj o diau se ya. Jesus ilod isou san ninjen o kisaek mi dutumanig, dumado dugo, ananj dam kisaek mi diani dop dugudani se ya. ⁴³ Aposel adi Anut san dabai lo kulob girager funfun digane se ya. Ago dugo tamolpein fidian durut saian geig a. ⁴⁴ Ilo rumok adi fidian sad kankan kisaek mi a. Ta mel dugon tia dugo ta aman da man, turan mel lo katuk an ibinawi se ya. ⁴⁵ Aenta injaned tan kilaken, melmel aenta dam didaen lo didirig, san moni dijaneg, tamolpein melmel lo katuk adi an dipidinaig sed ibinawai a. ⁴⁶ In fidian ilod kisaek mi nal fidian gudanek digane wo tempel lo dutumani se ya. Injsiganed ab ate tet mi dutumanig yousai lo agod ilod kisaek lo dam ananj diani se ya. ⁴⁷ Anut yanjan diabisa dugo tamolpein ilo rumok adi sad kagin dileg yanjad diabisa se ya. Agog Tubun en nal

pempem tamolpein a patu pasek ipidinai dan ilo rumok adi luad te idirai se ya.

3

Pita tamol njen itubabun ak ikubune ya

¹ Nal ta Pita Jon da 3 klok guraian gudanek san saen njen o tempel lo diau a. ² Tempel sumeik dupani dugo tamol ta tinan tinjaen lo mi njen saian ak disini diaug, tempel dalawan yanjan “Dalawan Siњаokan” dubol dan, ate digansig imado dugo dile ya. Tamol an pempem ago disini diaup imado dop, tamolpein tempel lo diau dumul dan moni o igudanai da. ³ Tamol an Pita in Jon da diladu wo dugo yil tag moni ta amad da tap dupani wo igudanai a. ⁴ Ago tag urarum malad ti ibol go dile dugo Pita irupei, “Mala ipalup, liama!” ⁵ Agog tamol an ilon lo Pita Jon da mel ta dupani wo digane dak ago ibol tag, malan yaug yil a.

⁶ Agog Pita ibol, “Nai pat silva gol da amag tia ya. Gug mel a nai amag da yan gamu njupano wa. Jesus Kristus Nasaret tamol an yanjan lo masap wau.”

⁷ Agog Pita tamol an banin won ak lo yabig, imasa itur o ibinawi a. Saen in ago igane yan tamol an njen aten, njen njudun an fidian dabai kisaek on a. ⁸ Agog tamol an isokalik go, fun iganeg itor ila iso se ya. Agog itor dugo isokalik on go, Anut yanjan yabisag Pita Jon da dida tempel ilon lo diladu ya.

⁹ Agog tamolpein fidian tempel lo dumado yan in itor dugo Anut yanjan yabisa dugo dile ya. ¹⁰ In dile dulon ak, tamol an imug tempel san dalawan

siñaokan ante imado na yan nek ama ya. In itor uyanan an niñen o dirut saian a.

Pita tempel lo tamolpein ru irupidai a

¹¹ Tempel ilon lo aben ta Solomon san Madok Aben dubol dan ate tamol an Pita Jon da ibiaig, dida ditor se ya. Tamolpein fidian mel a tamol an lo ilasa yan niñen o dumasa saian go inşad na dumaspalug diau a. ¹² Saen Pita ago yil tag irupidaig ibol, “O Isrel tamol adi, an ata wo kulob en aleg amasa saian i? Ata wo ago aliama dak i? Nag an ilom lo mañsiganema dabai lo, tia, mañsiganema Anut kagin lo tamol en nien mukubune abol dak i? ¹³ Tia, Abraham, Aisak, Jakob inşad Anut, id baged muroud sad Anut, inanen urat tamol Jesus yanak tubun geig ak ipani a. Gug an tamol an gurman adi banid lo dufuni imat o agane ya. Pailat ipasi wo ibol gug an amoig Pailat naon na patum apani a. ¹⁴ In bo tamol gun agod itaot ak gug an in amoi a. An tamol ta talpein ifuni imat ak Pailat ipasip ipan an o asumiani a. ¹⁵ An tamol a id kumaed tumado san fun amaiak afunig imat a. Ak gug Anut mater an lo ifufunig, afon kumaen imasa da ya. Agog kulob an mañ malama nam mile ya. ¹⁶ Ilo rumok Jesus yan an lo yan mi tamol e alon uyanan dugo leil apani den nien dabai ilasa ya. Jesus yan an lo, agod ilo rumok a in id ilod lo igane ilasa dan lo dam, kubunek en inane ya, ago dugo nien gamu dabai pasik an an fidian ale a.”

¹⁷ “O teig muroug nai nalon ak, kulob a an anşam gurman adi dida Jesus lo agane yan, an fidian an an lo ago agane ya. ¹⁸ Anut profet adi awad lo wagam ibol, inanen Kristus muruan isini wo

ibol. Ak ninjen o dal an lo inanen ru ibol ak nunjon ilasa ya. ¹⁹ Ago yak ninjen o ananem kagin saiak saiak patum apanip, ilom ibileksap, Anut naom apani. Ago tap ananem aupasek fidian ipare idu wa, an lo dop ilo maror agod yaes bilabal san saen Tubun en iganep an o ilasa wa. ²⁰ An mi tia ya, Anut Kristus e an o ipiliani en idinip ipalu wa, nek Jesus ema ya. ²¹ In kumaen panu na imado dop yaup, Anut mel fidian ibilisap foun ak dilasa san saen ilasa wa. Anut ago igane wo wagam mok inanen profet gun adi awad lo ibol a. ²² Man dugo, Moses igo ibol, 'Anut ananem Tubun en, nek naj idinag go nupalu yak ago mi profet ta ansganem dar lo yak igane ilasap idinip ipalu wa. Ru fidian irupaian dan kagin apani wa. ²³ Talpein ta in profet an awan ilon o imoi dan, Anut talpein an in san tamolpein lo ikudip pitiñinek saian geig ak ipani wa.'

²⁴ "Rumok, Samuel sen dam agod profet aenkadi njen aban duri an fidian ru gamu saen en san dubol ilasa na ya. ²⁵ An man profet adi an sad malad kubuladi, an lo promis a Anut profet an sad awad lo ibol an, agod kontrak a ananem tubum bagem ipidinai an san nunjon dam ananemi a. Anut ru en wagam Abraham irupeig ibol, 'Onane mala kubulan lo tan en san tamolpein fidian bar diñane wa.' ²⁶ Saen Anut inanen urat tamol tan en lo igane ilasa man, imug mi an sam na igane ipalu ya. In bar ipan an o ipalu ya, ago dugo bar an igo ya, in idiran pe an anen anen sem adan sap ananem kagin saiak saiak patum apani wa."

4

Pita in Jon da Kaunsil naod na dutur a

¹ Saen Pita in Jon da tempel lo tamolpein ru durupidai dugo, pris adi, tempel titianek tamol sad gurman, in pris warou a Sadyusi dubol dan aenta dida sad na dupalu ya. ² In tinjaed saian geig a. Man dugo, Pita Jon da Jesus imat gug fon kumaen imasa yak san ru tamolpein naod na durupidai dulon se ya. In manau ago dupiterjanai dan lo tamolpein dulon ak, Jesus lo tamol dumat dak, fon ka dumasa wa. ³ Ago tag duburou gug aban tidom idu la yak ninen o subanek ab lo didirai a. In ilod lo man aposel adi ante dien pe tidom lom mi gup kot dupidinai a. ⁴ Gug tamolpein a insad ru dulon an lulunad lo wei mi ilod lo rumok a. Tamolpein an ilo rumok adi luad disag, tamol itumanaig sad sutek faiv tausen igo won a.

⁵ Tidomig Juda sad tirnek tamol adi, matu gurman adi, agod kubiaen san girek manau adi dam Jerusalem na dutumani a. ⁶ Pris gurman Anas, agod Kaiafas, Jon, Aleksandra, agod tamol aenta pris gurman san gugoi lo yan dam dida dutumani a. ⁷ Agog aposel adi digiaig dupalug, naod na dutur dugug dushmanai, “An dabai dugomaiak lo, tia, yanak dugomaiak lo ananeg, tamol en akubuneg uyan ak i?”

⁸ Ago dugo Urgun Pita ilon in anefuteg awad yabi, ⁹ “An gurman, an ilo munanek san kulob ta lo tamol nien itubabun ak uyan ilasa yan ninen sumiaek lo adirama tap, agod en dugo won dugo kubunek inane yan dam man asumianama tap, ¹⁰ aria, ru en alon uyanan. Kulob en Nasaret tamol Jesus

Kristus inanen yanjan san dabai lo ilasa ya. Tamol amaiak an aigim fo abalig afuni imat ak gug, Anut matej lo ifufunig fon kumaen imasa da ya. In lo mi tamol e an naom na itur den kubunek inane dugo kulob an san nunon ale ya. ¹¹ Jesus nek amaiak ninen o Anut ru igo ibol,

‘Pat nek a ab bek tamol adi dumoi dan,
nek amaiak ab tinin fidian yabi sakar da.’

¹² In mi lo patu pasek ale wa. Man dugo, tan en fidian lo man Anut yanjak sen ak ta lo id tamolpein fidian patu pasek ka tinane wan ta ipanad na ya, tia, nek Jesus yanjan lo mi a.”

¹³ Kaunsil adi dile yak, Pita Jon da malak malak ru dabai anda nam durupidai a, uraru an tamol kawan, in skul ta digane na ya. An ago dile man durut saian geig a. Agog an kankan ipidinai ak, tamol uraru an gubak mi Jesus da dumado dutor an dile dulong a. ¹⁴ Ak man ru ta dubol san tia ya. Man dugo, Pita Jon da tamol dukubune yan sinjired na mi itur dugo leil dupani da. ¹⁵ Ago tag kaunsil adi tamol utol an didinaig, tumanek aben dubiseig patun fo dilasa gug in sed mi pasak nam dinjinej se ya. ¹⁶ In sed mi nug dusumiani, “Id tamol uraru en dugo tiginiai ak i? Id kubol ilasa yan sewak tabel san tia ya, man dugo, tamolpein fidian Jerusalem na dumado dan kulob girager e tamol uraru en digane yen dulong la ya. Id tatot san tia ya. ¹⁷ Id mel en tabituani wa, kabelan ru en yaup tubun banau. Ago yak ninen o tamol uraru en kudod tabi uyanan a. In afon talpein ta naon na Jesus yanjan ta dupate na wak ninen o ru kagin turupidai a.”

¹⁸ Agog Pita Jon da digiaig, diladug ru dabai nam durupidai, “An afon Jesus yanjan lo tamolpein ru ta

arupidai na wak, agod yanjan an lo dam manau ta mok apitenjanai na wa.”

¹⁹ Gug Pita Jon da awad diabig dubol, “Ansem mi mel en abitinaep ale wa. Dugon Anut malan lo uyan aki? Dugo, anjanem awam kagin mupani wak i? Tia, Anut awan kagin mupani wak i? ²⁰ Man dugo, man mel sema malama lo mile yak kudoma lo malon ak ninen o awama itau san tia ya.”

²¹⁻²² Tamol njen imat gug Pita Jon da dukubune yan inisan anajar 40 irinani tag tamolpein fidian melmel ilasa yan ninen Anut yanjan diabisa se ya. An lo Juda sad kaunsil dal ta dilep lo bu dupidinai san tia ya. Ago tag ru kagin dabai geig mi dupidinaig, dubusawaig diau a.

Ilo rumok adi dabai dinjane wo dugudani a

²³ Saen dubusawaig dilasa yan Pita Jon da dumul turad muroud sad na diau a. Agog pris gurman, in gurman aenta, ru dubol an awad aban durupidaig dulon a. ²⁴ Ru an dulon tag fidian Anut igo dugudani, “Tubun en, on mi tan, you, beig, keit, agod mel mel fidian lo dien dan san Taman. ²⁵ Urgan lo onse man tubum bagem Dawid onane urat pinein awan lo ubol dugo gamu nunon mile da.

‘Ata wo tan fidian sad tamolpein tinjaed saian di?

Ata wo tamolpein an palan dumari gug nunon tia yak i?

²⁶ Tan en san kin fidian yu digane wo tawan dumado da, ago dugo tirnek tamol fidian dutumanig, Tubun en inanen Pilianek Tamol da ager digane wo digane da.’

²⁷ Rumok, ru amaiak ente Jerusalem na nunon ilasa ya. Herod in Pontius Pailat da, tamolpein Juda tia yan agod Juda tamolpein aben ente dumado dan dida dutumanig, onane urat tamol gun ak Jesus onse piliani an, palaŋ an dumari se ya. ²⁸ Tamol adi an onse wagam mi onane ilobol in dabai da lo ilasa wo ubol an, ago mi digane ya. ²⁹ Aria, Tubun en, gamu ru saiak tinid dumisilani san dupaiama an onane kududo ilon la ya. An ilo sou gane dop onane urat tamol adi dabai panamap maŋ rurek tia yan lo onane ru mabol ilasa wa. ³⁰ On onane tuo watep onane urat tamol gun ak Jesus yan an lo, tamolpein subam ad da yak kubuniaip, kulob girager dirip dilasap, kulob dababai tamolpein dil pe durut saian an dam gane wa.”

³¹ Gudane k itout go ab a lo dutumani an ibuk ila iso ya. Ago dugo Urgun fidian bubed ilon awan isag, Anut san ru tamolpein naod na dubol ilasa wo tinid ta irer na ya.

Ilo rumok adi melmel fidian lo nug dubunawi se ya

³² Ilo rumok adi fidian in sad kankan agod in sad ilod dam kisaek mi a. Ta in san biouŋ biouŋ an in siganen mi ago ibol man tia ya. Tia, fidian melmel nug duwae dupani se ya. ³³ Ago dugo ru dabai tubun anda yak lo, aposel adi Tubun ak Jesus kumaen imasa yak san bilaluŋ dubal ilasa se ya. Agod Anut san ilo panek tubun mi an in fidian tinid fo iwali idu ya. ³⁴ In luluŋ ad lo talpein ta mel ta lo katukan ta imado na ya. Man ata wo? Nal kadi lo, talpein ensauta a ab ad da boi, tia,

tan kilaken ad da yak ta, an didaen lo diganeg san moni dijaneg, disini dupalu ya. ³⁵ Agog moni an aposel adi njed fun na didirsi a, ago dugo aposel adi ditarpaleg talpein enti mel ta lo katuk adi an dubinawai se ya.

³⁶ Saen an lo in lulunad lo tamol ta yanjan Josef imado da. In Livai san gugoi lo ilasa ya, gug injanen tinan man nui yanjan Saiprus dubol dan ante igansi a. Aposel adi yanjan neinta dupanig Barnabas dubol da. (Yanjan an fun man, Ilo Yabisa San Tamol.) ³⁷ Aria, inſan tan kilaken idad go moni an injaneg isini yaug aposel adi njed fun na igansi a.

5

Ananaias in Safaira da

¹⁻² Tamol ta yanjan Ananaias, iwon yanjan Safaira. In tan kilaken idad yau dugo san moni aenta inſen yabi a. Pein in tamol da awad kisaek. Agog aposel adi njed fun na moni aenta idirsi dugo irawaig igo ibol, “Moni fidian nek ebo ya.” ³ Ago tag Pita Ananaias irupeig ibol, “Ananaias, ata wo Satan ulefuni dugo ilo iduduwig, sewak ganeg Urgun naon kubiani ak i? Tan a udad yau an san moni wadan wabi da. ⁴ Saen tan gamugo udad yau man on muroun mado ya. San moni nane yan man onse ilo nam gane wo ago ka gane wa, an ta rumok na i? An lo mel dugon kankan ipano yan lo kagin saian igo gane yak i? On tamol adi ta rawai na ya. Tia, on Anut rawi wo gane ya.”

⁵ Saen Ananaias ru an ilon man gamu nam yau idug imat a. Tamolpein fidian ru an dulon go tubun mi durut direr a. ⁶ Agog pinein dupalug,

inſan sisanun yamel nam dubuluwig dijaneg kuai te dilasag diaug disare ya.

⁷ Murnag, ad mitilaen kitek 3 auwa igo yan, iwon pein ak ipalug iladu ya. Muruan ilasa man ta ilon na ya. ⁸ Agog Pita isumianig ibol, “Ak dugo, on onjane iwo da tan adad yau ak naon emaiak anjane yak i?”

Ago dugo awan yabig ibol, “Awo, moni minjane yak nek ago mi ipanan a.”

⁹ Pita imasag Safaira irupe, “On iwo da ilom kisaek go Tubun en san Ur naon akubianig ale wo agane ya. Dugo, an ilom isou ak ago ka aganep muruan ta ale na wak abol i? Ulon, pinein a on iwo disare yak sad njed awan dalawan te ilasa da, gamu on dam dijniliop kuai te alasap au a.”

¹⁰ Agog gamu nam pein an dam Pita naon na yau idug imat a. Ago dugo pinein diladug inſan sisanun dile tag dijaneg diaug iwon tamol ak giranen na disare ya. ¹¹ Ilo rumok adi fidian, tamolpein aenkadi dam, ru an dulon go tubun kasik direr a.

Aposel adi tamolpein wei mi dukubuniaia

¹² Aposel adi kulob girager wei kasik tamolpein luluſad lo digane se ya. Ago dugo ilo rumok adi Solomon san Madok Aben ilon lo dutumani na ya. ¹³ Tamolpein patun fo yak ilo rumok adi yanjadi diabisa yak gug, diaup dida dutumanai san ninen o fidian direr pasik a. ¹⁴ Ago bo man tamolpein wei mi ilod dibilisag, Tubun en ilod lo rumok go ilo rumok adi luad disa se ya. ¹⁵ Aposel adi kulob girager dabai anda digane se yan lo, tamolpein muroud muroud subam ad da yan dal gigin te dijal dususap dien se ya. Aenkadi kapal fo,

aenkadi gadab fo dien se ya. Agop saen Pita ipalug irinjanai dop san tirarou ituanai dop lo uyadi wo dubol. ¹⁶ Jerusalem gigin na panu dien dan san tamolpein wei kasik dilasa ya. Inaned samun subam adi da yan, ur saian amad da yan dijal dupalug, an fidian uyadi.

Gurman adi aposel muruan dupidinai a

¹⁷ Juda sad pris malan te ak, Sadyusi a giranen na dumado dan dida, an fidian aposel adi sad urat dile tag, turak susai tinjaed inane fute ya. ¹⁸ An lo in aposel adi duburoug, subanek ab lo didirai a. ¹⁹ Ak man tidom lo Tubun en san enjel ipalug subanek ab san dalawan ipasig, aposel adi injal go patun fo dilasa ya. ²⁰ Agog irupidaig ibol, “Aup, tempel san tumanek aben lo atur dop, kagin foun emaiak san ru fidian tamolpein arupidaip dulong a.”

²¹ Agog aposel adi enjel awan durig, salsog in tempel lo diladug fun diganeg tamolpein ru durupidai dulong se ya.

Nek nal an lo mi pris malan te yak, turadi dida Juda gurman fidian adi digiaig, Juda sad Kaunsil tumanek tubun ak diabi a. Agog subanek ab lo aposel adi dijal pe dupalu wo tempel san titianek tamol didinaig diau a. ²² Gug saen subanek ab lo dilasa man, aposel adi naod tia tag dumul diaug, kaunsil adi durupidai, ²³ “Saen subanek ab lo milasa man dalawan fidian itau. Titianek tamol tawan dutur ak gug, saen dalawan mupasi man tamol an ta meil na ya.”

²⁴ Pris gurman adi, in tempel titianek tamol adi sad gurman dida ru an dulong go dumasa saian.

Mel an kankan ipidinaig ilod weiwei se ya, so muruan ilasa wo dak niñen o ilod isou se ya.

²⁵ Agog tamol ta ipalug irupidai, “An tamol a subanek ab lo adirai an tempel san tumanek aben lo dutur dugo tamolpein manau dipitejanai da.”

²⁶ Ago tag tempel titianek tamol sad gurman inanen tempel san aikatuk adi dida diaug, aposel adi diñal go Juda sad Kaunsil sad na diau a. Saen aposel adi diñal man pasak nam diñal a. Kabelan silei nam mi dop, tamolpein tinjaed saian pe pat nam dufu banau.

²⁷ Aposel adi diñal go dupalug kaunsil naod na dugunaig dutur a. Ago dugug pris malan te yak sumianek ipidinai, ²⁸ “Man geg sakar geig mupanañ a. An afon tamol an yanñan lo ru ta abol ilasa na wo mabol a. Gug gamu an Jerusalem ilon lo anñsam pitejanek an mi abisa aguni da. Agop tamol a imat an inanen materñ san ai wadan man buroma fo agane wo agane da.”

²⁹ Ago tag Pita aposel aenkadi dida pris malan te yan awan diabig dubol, “Man tamol awad kagin mupani san tia ya, tia, Anut awan mi muri mupani wa. ³⁰ An Jesus aigim fo abalig afuni imat ak gug, id tubud baged sad Anut materñ lo ifufunig kumaen imasa da ya. ³¹ Anut inaneg giranñen won ak lo imado da. Agod dabai ipanig, idsad gurman, idsad patun pasek tamol dam imado da. Anut saen ipanad dan lo, id Isrel tamolpein naod Jesus tupanip ilod ibileksap, an lo idaned aupasek ipare idu panad a. ³² Man inñsan materñ, imasa yan malama lo mile ya. Ago yak niñen ru an tamolpein naod na mabol da. Urgun dam inanen urat lo melmel en fidian niñen o ibol da. Ago dugo Anut

Urgun nek an tamolpein a fidian inſan awan kagin dupani dan ipidinaí a.”

³³ Juda Kaunsil adi ru an dulon go tinæed tubun mi saian tag, aposel adi dufu dumat o ilod tubun mi ibol a. ³⁴ Gug Farisi ta yaſan Gameliel, in kubi-aen san girek maſau ta, agod tamolpein fidian in yaſan diabisa yan, in imasag itur dugo aposel adi tumanek dibiseip patun fo dilasa wo ibol a.

³⁵ Agog kaunsil irupidaig igo ibol, “O Isrel tamol, an tamol en afu dumat o agane dan kagin agane. ³⁶ Wari na geig tamol ta Teudas inſen tubun o igane. Agog sawar kitek 4 handet igo won nien fo dutor. Gug dufuni imat dugo inſan sawar an ditalaig dufurak diau dugo, ager yabisa yan nunon tia ya. ³⁷ An tinin te, yaſa kubunek san saen lo, Galili tamol ta yaſan Judas, tamol aenkadi in al go urat pinein on nien fo dutor. Gug in dam dufuni imat. Agog inſan sawar an ditalaig dufurak diau a. ³⁸ Ago yak niſen o nſurupaian da, tamol en abusawaip ka diau a. Kubol a digane dan tamol sad kankan lo tap man, milaen tiap itout a. ³⁹ Ak gug an Anut san man, an tamol emaiak abituanai san ta idaisuda na wa. An lo dop abituanai o agane tap, an Anut da nug abi dak ago sem ilian a!”

⁴⁰ Kaunsil adi inſan ru dulon go ilod inane ya. Ago tag aposel adi digiaig diladug bu mi dupidinaí a. Agog Jesus yaſan fon ta dupate na wo geg sakar geig digane ya. Ago gug dubusawaig diau a. ⁴¹ Aposel adi ilod uyan dugo kaunsil sad tumanek ab dibiseig dilasa ya. Ata wo, in Jesus yaſan o tamolpein naod na muruan disini wo Anut ipilianai a. ⁴² Nal pempem tempel san tumanek aben lo, ab

ab lo dam, bilalun uyan ak tamolpein dupitenjanai se ya. Bilalun uyan ak lo Jesus mi in Kristus an tamolpein durupidaig dulon a.

6

Tamol 7 aposel dubunawai o dipilianai a

¹ Murnag ilo rumok adi wei mi dilasa se yan, lulunad lo tamolpein malan uraru dumado ya. Saen an lo, Juda tamolpein a Grik ru dubol dan, in Juda tamolpein a Hibru ru dubol dan dida nug lo muruan ilasa ya. Man dugo, Juda Grik ru dininon dan igo dubol, nal anak anak lo aposel adi anan ditarpaleg duwae dak gug insiganein pein suos ilod ta isou na da. ² Ago tag aposel 12 an ilo rumok adi fidian digiaig dutumanaig durupidai, “Man anan waek san urat migane dop lo Anut san ru mufulale wan mibisei dop, an uyan tia ya. ³ Ago yak ninen o teid taod, tamol 7 lulunam lo Urgan amad da yak, kankan milaen ak, agod yanad uyan ak mi apilianaip urat an banid lo tigane wa. ⁴ Gug man gudanek mi, agod ru fulalek san urat dam mi leil mupani wa.”

⁵ Tamolpein fidian ru an dulon go aposel sad kankan ninen o ilod uyanan a. An lo tamol ta yanon Stiven dipiliani a. In ilon rumok dabai, agod Awan Urgan ilon inane fute ya. Ta yanon Filip, ta Prokoras, ta Naikena, ta Taimon, ta Parmenas, agod Antiok tamol ta yanon Nikolas, in Juda tia yak gug Juda ubou lo yau da. ⁶ Ilo rumok adi tamol 7 an aposel naod na didirai ilasa ya. Agog aposel adi in o Anut dugudanig banid gurnad fo digane ya.

⁷ Agog Anut san ru ifurak go, tamolpein wei mi duloŋ a. Jerusalem na ilo rumok adi dilasag wei kasik a. Agog pris adi wei mi dam ilod lo rumok go, ilo rumok san dal duri dupani a.

Juda sad gurman Stiven diabi a

⁸ Aria, Stiven man Anut san ilo panek, inŋsan dabai dam in lo yen a. An lo in tamolpein luloŋad lo kulob girager funfun agod mel tutubun durut saian san dam wei mi igane ilasa se ya. ⁹ Gug Juda tamol aenkadi Stiven lo siai digane. Tamol an ubou ab yaŋan “Tamol kawan dumado dak” dubol dan sad tamol. Tamol an inŋsad panu Sairini, in Aleksandria da. Agod Silisia in Esia da provins uraru an sad tamol dam Stiven lo ager diabisa ya. Tamol amaiak fun diganeg Stiven lo ru nam yu digane ya. ¹⁰ Gug Stiven san kankan milaen geig dugo Urgun san dabai lo dam in inŋan a, an lo in anen ru niŋen o in dutur dabai san ta idaisuda na ya.

¹¹ Ago tag tamol aenkadi pasak nam diŋal go, ru sewak igo dubol ilasa wo durupidai a. “Stiven in Moses Anut da lo misilanek ru ibol dugo maŋ awan malon a,” ago dubol o durupidai a.

¹² Agog tamol an diaug ru sewak an lo tamolpein, matu gurman adi, agod kubiaen san girek maŋau dam ilod dusueg an lo tiŋaed saian geig a. Agog tamolpein an dupalug Stiven diabig, Kaunsil sad na diŋane diau a. ¹³ Kaunsil malad lo itur dugo, tamol Stiven tinin lo dusupale san di-giaig, diladug ru sewak igo dubol, “Tamol en idsad tempel gun an, Moses san kubiaen da niŋedi wo ru saian pempem ibol da. ¹⁴ Maŋ malon dugo ibol, Nasaret tamol a Jesus dubol dan tempel iratitale

dop, Moses san kubiaen id ipanad an dam ibileksa dop idirad pe tamol kagin senamo ak turi wa.”

¹⁵ Ru an dubol dugo Kaunsil dumado yan malad ti ibol go Stiven leil dupani dugo, inanen naon enel ta naon igo won dile ya.

7

Stiven Kaunsil ru irupidai a

¹ Juda Kaunsil ru an fidian dulon go itout gug pris malan te an Stiven isumiani, “Dugo, ru a dupano dan fidian rumok ak i?”

² Ago tag Stiven ru naon irupidaig igo ibol, “Teig taog, tamag muroug, kududom agure! Id tubud baged Abraham wagam geig Mesopotemia na imado dugo, saen an lo in gamugo Haran na yau dugo, Anut lalaman anda yan naon na ilasa ya. ³ Agog irupei, ‘Tan en biseip, onane murou murou dam busawaip tan nukubiai pano wan lo wau.’ ⁴ Agog Kaldia tan ibiseig yang taun a Haran dubol dan te imasi a. Murnag Abraham taman imat dugo Anut idinig tan e lo amado den ente ipalug, imasi a. ⁵ Saen an lo Anut tan en samun kabelan ta Abraham sen tinin o ipani man tia ya. Gug Anut mitep tan en Abraham in malan kubulan dida ipidinaip sed ninedi wo ibol a. Gug Abraham saen an lo nanuk tia imado dugo Anut promis an ipani a. ⁶ Anut igo ibol, ‘On mala kubulan mitep tan sen ak lo tamolpein gol ak igo won ante dumado wa. Ante dam in urat bigabeg adi dilasa wa. Agop anaar 4 handet lo tan an san tamolpein saian dupidinaip muruan wei mi disini wa. ⁷ Gug nai tamolpein a muruan ago dupidina

dan naon muruan geig ak nupidinai a. Ago dugup onjane mala kubulan tan an dibiseip, tan en lo naj ubou ag dile wa.’ ⁸ Agog Anut Abraham kontrak ipani a, kontrak an san kob man, nanuk tamol ak tinid sunjulon dutute wa. Murnag Abraham iwon inj Aisak igansig ubou kisaek yau dugo Abraham tinin sunjulon itute ya. Murnag, Aisak san nanun Jakob ilasa ya. Ago mi Jakob san nanuk 12 dilasa ya. Inj idsad tubud baged.”

⁹ “Josef tein muroun Josef ninjen o turak dususa ya. Inj dile saian an lo Igipta na urat bigabeg imado wo dijaneg didaen lo digane yau a. Ak man Anut Josef da dumado na ya. ¹⁰ Insan muruan fidian lo ibinawig patun ipasi a. Anut Josef kankan milaen mi ipani an lo Farou Igipta sad kin Josef ipitianig ilon ipani a. Agog Farou Josef tamol tubun iganeg Igipta tan, injan ab lo melmel fidian dam kagin ipani na ya.

¹¹ “Murnag Igipta tan yaug Kenan na geg an kadag tubun ak idug, tamolpein fidian muruan disini se ya. Id baged muroud ananj dile wo aban diabi se ak gug ananj tia ya. ¹² Gug saen Jakob Igipta na ananj yen dan san ru tim ilon man, nanun muroun, id baged muroud, idinaig malmalan geig inj atna diau a. ¹³ Murna ananj itout go fon dumul Igipta na diau gug, Josef tein muroun naod na sen fun ifulaleg, Farou dam saen an lo Josef tinan taman, tein muroun ninjedi wo ru ilon a. ¹⁴ Agog Josef taman san na ru igane yaug, injanen samun fidian injal pe dupalup Igipta na dumado wo ibol. Fidian dupalu yak sad sutek 75. ¹⁵ Agog Jakob imasag Igipta na yau a. Atna mi dumado

dugo Jakob id baged muroud 12 an dam dumat a. ¹⁶ Insad sisanun disini diaug Sekem na tan kilaken ta wagam Abraham Hamor sad gugoi banid lo idad inane yan lo disiriai a.

¹⁷ “Anut Abraham promis a gubak mi ipani an nunon ilasa wo sumeik dugo, idsad tamolpein Igipta na dumado yan igileg wei kasik a. ¹⁸ Saen an lo kin foun ta ilasag imado dugo Igipta kagin ipani na ya. Ak gug kin an Josef ninen injaon geig a. ¹⁹ Idsad tubud baged irawai ifu dugo, muruan tubun mi ipidinai se ya. In isodudunaig an lo inaned nanuk foudi ak kuai tem didiraig, dumat a.

²⁰ “Saen an lo Moses ilasa ya. Anut malan lo nanuk an sinjakan mok a. Kalam utol tinan taman dida dumado dugo kagin dupani a. ²¹ Gug saen kuai te digane man, Farou nanun pein njanjal an inane, insinan nanuk on kagin ipani na ya. ²² Moses Igipta sad manau fidian mi inane, tamol tubun ak ilasa ya. Insan ru bilabol dabal dugo, urat dugon igane yan dam dabal anda ya.

²³ “Moses san anajar 40 dugo, nal ta ilon man tein taon Isrel tamolpein yil o ibol go yau. ²⁴ Yau dugo naon fo na Igipta tamol ta Isrel tamol ta tinin ifini saian dugo ile ya. Ago tag Isrel tamol an ibinawig, naon ifulig Igipta tamol an ifuni imat a. ²⁵ Insan ilon man, Isrel tamolpein Anut in ibinawai o idinig ipalu yan dulon ak ibol, ak gug tamolpein an ta dulon na ya. ²⁶ Nal tinin te man, Isrel tamol uraru nug dufuni dugo yil tag, maror igansi wo yang irupidai, ‘Alon, an nug tein taon, en ata wo nug tinin malan asue wo agane dak i?’

²⁷ “Gug neinta wagai fun igane yan, Moses

isopasig gigin na yang ipei, 'Enti on man kagin panama dop ru tulek tamol mado wo ibol i?' ²⁸ Ak dugo, nor Igipta tamol funi imat ago mi nai dam funag n̄amat o gane dak i?' ²⁹ Moses ru an ilon tag isol go yang Midian tan lo tamol gol ak on imado na ya. Atna imado dugo nanuk tamol ak uraru dilasa ya.

³⁰ "Afon ananar 40 yang itout gug, Anut san enel Moses naon na ilasa ya. Did Sinai giranen na tan kawan ak lo ai nanunan ta yai ided go inani dak on ile ya. ³¹ Moses aban ago ileg imasa saian tag, yaup sumeikan pe ile uyan o ibol go yau a. Saen yang sumeik ipani man, Anut awan ilon, ³² 'Nai on bage murou Abraham, Aisak, Jakob sad Anut.' Moses ru an ilon man irer dugo tubun mi isuruwor se ya. Irut irer an ninen o aban ile man imoig, malan ikilakila. ³³ Agog Anut ibol, 'Onsa sendal pasi. Man dugo, tan fo utur dan gun a. ³⁴ Nai aban n̄ile yak n̄aisag tamolpein Igipta na muruan saian geig ak disini da. In̄sad ilo tinan dam n̄alon go n̄ubunawai o n̄upalu ya. Ak ninen o nai on n̄idinop afon Igipta na umul wau da wa.' "

³⁵ Stiven in̄inen dag ibol, "Moses nek amaiak Isrel tamolpein gubak mi ninen o dumoi go dubol, 'Enti on man̄sam gurman iginio yak i? Enti on man̄sama tulek tamol iginio yak i?' Anut sen mok Moses in̄sad gurman, agod in̄sad patu pasek tamol dam idinig yau a. Anut enel yai balen lo yan awan lo ago igane ya. ³⁶ Moses nek an tamolpein in̄al go Igipta dibisei a. Igipta na, agod Beig Daran lo, Anut san dabai lo kulob girager funfun naod na igane se ya. Ananar 40 tan kawan ak lo dam ago igane se ya. ³⁷ Moses in̄sen geig Isrel tamolpein irupidai,

‘Anut ηai idinag go ηupalu yak ago mi profet ta idinip ipalu wa. Tamol an mitep anſiganem dar lo ilasa wa.’ ³⁸ Saen Isrel tamolpein tan kawan ak lo dutumani an, Moses dam dida dutumani a. Inj idsad tubud baged dida dumado ya. Agog Moses did Sinai fo isidag, eηel da diηiηeη a. Agog Anut ru kumaen san an ipani a, agog Moses afon ru an id ipanad a.

³⁹ “Gug idsad baged muroud Moses awan dumoig, inj Igipta na dumul diau wo ilod tubun mi ibol a. ⁴⁰ Ago tag Aron durupeī, ‘Oη maη tubud diri panamap, dumug dop muraep mau a. Tamol Moses dubol dan injiliad go Igipta tibiseig tupalu yan, ata inane dugo ta ipalu na da, an ta taloη na ya.’ ⁴¹ Inj atna makau mitilaen diganeg yai digane pani dugo, mel a sed banid nam digane yak niηen muguruη tubun ak digane ya. ⁴² Ago tag Anut patun ipidinaig, an lo inaned ilod ibol ago patui keit lo yan yaηad diabisa se ya. Kulob digane an profet sad girek lo wagam profet ta ru naon kisaek igire a:

‘O Isrel tamolpein, dugo, anaηar 40 tan kawan ak lo, anſam lou panek apanag,
agod makau afup ηai yai agane panag se yak i? Tia geig a.

⁴³ Ab sel asini ator se yan anſam tubud Molok san asini se ya.

Ago dugo anſam tubud Refan san mitilaen patui an asini ator se ya.

Mitilaen an yaηad lo ubou ale wo asuwi idu ya.

Ago yak niηen o ηai ηukudaη pe aup, asau mi Babilon aen ate geig amado wa.’

44 “Id baged muroud Anut san ab sel a in dida dumado yan ikubiai pidinai an diabi dugo, tan kawan ak ate da disini dutor na ya. Ab sel an nek Anut Moses ikubiaig ile yak ago mi dususe ya, Moses dugon ile yan fom ab sel an diabi a. 45 Murnag ab sel an id baged muroud in tamad banid lo dijaneg, Josua dida diaug yu diabisag tamolpein sen ak sad tan lo dukudaig diau a. Agog in sad tan banid na dijaneg ya. Ab sel an ago yen dugo yang Dawid san saen idu ya. 46 Dawid iganeg Anut in o ilon uyan geig a. Agog Dawid igudanig, Jakob san Anut ab ta ilon lo imado san yabi pani wo isumiani a. 47 Gug Dawid ab an ta yabi na ya. Solomon in ab an yabi a.

48 “Gug Anut a lak na geig an, in ab a tamol banid nam diabi ak lo ta imado na da. Wagam mi profet adi sad girek lo ta igo ibol,

49 “Tubun en ibol, keit man niasag kalik kin san a, agod tan man nai ngeg aten yen san aben. Enso ab abi panag ak i?

Aben dugon lo yaes nabal ak i?

50 Ak dugo, mel an fidian nai banig nam njigane ya, an ta rumok na i? ”

51 Agog Stiven Juda Kaunsil ipidai, “An gurmam sakar geig. Ilom gob. Anut san ru ibol dan kududom itau geig a. An nek ibol ananem tubum bagem igo won a, man dugo, in dam Awan Urgun pempem diabiani na ya. 52 Arupaiag, dugo, gubak mi profet ta imado dugo ananem tubum bagem profet an tinin ta dumisilani na yak i? In profet adi ensauta a malad milaedi go Tamol Itaotan in san palu yan ninen profet ru dubol ilasa yan dufu dumat a. Agod an gamu tamol amaiak in bo

aņanem turam mok ak gug ager banid lo aganeg sisem afuni imat a. ⁵³ Aņ nek en, Anut san kubiaen eņel sad banid lo aņane yak gug kagin ta apani na ya.”

Stiven pat nam dufuni imat a

⁵⁴ Saen kaunsil adi ru an duloņ man, tiņaed tubun mi imumari dugo Stiven gamad dirati pani se ya. ⁵⁵ Gug Stiven tinin Urgun iņanefuteg malan keit lo isidag, Anut san girager ile ya. Ago dugo Jesus Anut giranen won ak lo itur dugo ileg ibol, ⁵⁶ “Ale. Nai keit awan ipasig Tamol Nanun Anut giranen won ak lo itur dugo ņile da.”

⁵⁷ Fidian disasaitout go kududod diafutani a. Agog fidian mi dumaspalug, ⁵⁸ Stiven diabig Jerusalem gigin na dirae dilasag, fun diganeg pat nam dufuni a. Tamol pat dubal san iņ biouņ dupasig pinein ta Sol dubol dak kagin ipidinai o ņien fun na didirsi a. ⁵⁹ Pat nam dufuni dugo, Stiven Tubun en igudani, “O Tubun en Jesus, ņaineņ ņutug ņane!” ⁶⁰ Agog yau idug fon igudanig igo iwagin, “Tubun en, iņaned aupasek en san pani naon aņ lo fuli san man umoi.” Ago ibol go imat a.

8

Sol ilo rumok adi misilanek ipidinai a

¹⁻² Sol ante imado dugo Stiven san materj ileg, ilon uyan. Ilo rumok tamol aenkadi Stiven disareg, ilod tubun mi saian go awad tubun mi ditata se ya. Nek saen an lo mi Jerusalem na ilo rumok adi fun diganeg, Jesus yaņan o muruan tubun mi disini se ya. Agog dufufurak go aenkadi Juda na aenkadi Sameria na diaug dumado ya. Ak man

apospel adi Jerusalem na dumado ya. ³ Gug Sol man midaen ititale wo yaes ifuni a. Ab ab idu isida dugo Kris tamolpein injal go iraug subanek ab lo idirai se ya.

Filip Sameria na Anut san ru ifulale ya

⁴ Ilo rumok adi a dufufurak go gidigheid diau na yan, aben dugo ate diau an Anut san ru dufulale se ya. ⁵ Filip Sameria na yaug, taun tubun ak ta ilon lo iladug ante sad naod na ru Kristus ninen o ibol ilasa se ya. ⁶ Saen tamolpein doup tubun inſan ru dulon dugo, kulob girager igane yan dile man, inſan ru fidian dulon uyan o kududod dugure ya. ⁷ Ur saian awad tubun mi disasai dugo, tamol tinid lo yak dubiseig dilasa ya. Tamolpein njed itubabun, agod a dutor saian saian dan wei mi uyad isusa ya. ⁸ Ago man taun an ilon lo yousai yen go tubun kasik.

⁹ Aria, taun an lo kiai tamol ta yaſan Saimon imado ya. Inſan sewak an lo nal kitek milaen mi Sameria tamolpein iginiaig dumasa saian. Inſen mi in tamol tubun ak se pitianoſi san ru ago ibol. ¹⁰ Agod taun an sad tamolpein fidian, a yaſad ad da yan, agod a yaſad tia yan dam, kududod dugure ya. Ago dugo dubol, “Tamol en man, tubud san dabai a yaſan Dabai Tubun Ak dubol dan, tamol emaiak inſen.” ¹¹ Nal milaen mok inſan nawir an lo irawaig, tamolpein fidian in awan paen na dumado dugo durut saian geig a. ¹² Gug saen pein, tamol dam Filip awan lo bilaluſan uyan ak san ru Anut san kagin panek ninen o, agod Jesus Kristus yaſan ninen o dam dulon man, in ilod lo rumok a. Agog suguek diſane ya, tamol in pein da mi

a. ¹³ Saimon sen dam ilon lo rumok go suguek injane ya. Agog Filip njen fo itor dugo kulob girager funfun Filip igane dugo ileg njenen o irut saian geig a.

¹⁴ Saen aposel adi Jerusalem na dumado yan Sameria tamolpein Anut san ru diñane yak du-
lon tag, Pita Jon da didinaig, inşad na diau a. ¹⁵ Sameria na dilasag, tamolpein Urgun diñane san njenen Anut dugudani a. ¹⁶ Man dugo, Urgun fufod na gamugo idu ya, tia, Tubun en Jesus yañan lo suguek diñane yan mi a. ¹⁷ Agog Pita Jon da tamolpein gurmad fo banid digane dugug, Urgun diñane ya.

¹⁸ Agog Saimon tamolpein Urgun aposel adi banid lo diñane dugo ile tag, moni injaneg, Pita Jon da sad na yang ibol, ¹⁹ “Dabai an ñai dam apanag. Agop tamol dugon banig gurman fo ñigane dan Urgun injane wa.”

²⁰ Ak man Pita ru naon igo ibol go irupeı, “Onjane moni an ñanep, ida udeg wau. Ata wo? Onj ilo lo man lou panek e Anut ipanad den moni nam udad ñane wak ubol da. ²¹ Onj mañsama urat boi en lo onj yaña tia ya. Man dugo, onj ilo man Anut malan lo ta itaot na ya. ²² Ago yak njenen onsa kankan saian an umoi kisaek onj. Ago dop Tubun en onsa kankan saian gane yan ipasi wo gudani wa. Nap ilo sou naok ago bube ilon lo gane dan an bo subam an ipare idu pano wak boi. ²³ Man dugo, ñai ñilio dak, mala sek agod turak susai dam mi onj tini injanefute dugo, aupasek san subanek tamol mado da.”

²⁴ An lo Saimon inj Pita Jon da ru naon igo irupidai, “Gidad, an ñai ninjeg o Tubun en agudani.

Agop an lo muruan abol dan ηai fo na ta ilasa na wa.”

²⁵ Aria, Pita Jon da Tubun en dugo woη ibinawai an tamolpein durupidai duloη go iηsan ru dam dubol ilasa se ya. Saen urat an digane itout man, dumul go Jerusalem na diau a. Diau dumul dugo dal dal na, Sameria panu wei mi lo dam Anut san ru dufulale se ya.

Filip Itiopia tamol ta isugui a.

²⁶ Tubun en san eηel ta Filip irupeī, “Masap dal Jerusalem nag Gasa na idu yau an ηanep wau.” (Dal an tan kawan ak lo yen da.) ²⁷ Ago tag Filip eηel ibol ago mi igane. Dal na yau dugo Itiopia sad tamol gurman ta ile, tamol an iηanen nabun dusukali a. Tamol an Itiopia Kwin yanηan Kandesi san moni kagin ipani da. Inη Jerusalem na ubou ile wo yau ak ²⁸ fon imul sen fun panu lo yau da. Karis fo profet Aisaia san ru isuti dugo yau. ²⁹ Agog Urgun Filip irupeī, “Waup karis an sumeik ida au.”

³⁰ Ago tag Filip imaspalu oη yaug sumeik dugo, profet Aisaia san ru isuti dugo ilonη tag isumiani, “Dugo, ru suti dan fun kitek ulonη di?”

³¹ Inη ibol, “En dugop ηai ru en fun ηalonη ak i? Rumok talpein ta fun ifulale ak man nap ka ηalonη a.” Agog Filip iwagig isidag siniren na imasi a. ³² Ru girek boi emaiak isuti,

“Inη man sipsip dufuni wo diηane diau dak igo woη.

Inη nek ibol sipsip nanun fufulun dutute dop awan itau itur dak igo woη.

An lo awan kitek ipuk man tia ya.

³³ Inη miai tubun mok dupanig, inη o ru itaot dubol man tia ya. Kot aen kisaek mi digane.

Enti tamol an san malan kubulan niñedi wo ru ta ka inñeñ ak i? Talpein ta kisaek tia ya. Man dugo, inñsan madok tan en lo digane itout go lak na yau a.”

³⁴ Itiopia tamol gurman an Filip isumiani, “Profet inñ enti niñen o ibol dan, gidad ubol pe ñaloñ. Inñsen niñen o ibol, tia, talpein sen ta niñen o ibol i?” ³⁵ Ago dugug Filip girek nek en lo fun iganeg bilaluñ uyan ak Jesus niñen o yan ibol idug ilonñ a.

³⁶ Ru ifulale dugo dupalug you ta fun na dilasag, tamol gurman Filip irupei, “You ebe ya. Dugo, mel ta isubanag pe suguek ñiñane wan tia i?”* ³⁸ Ago man gurman an ibol dugo inñsan urat pinein karis yabituani a. Agog inñ Filip da you lo dudug Filip tamol an isugui a. ³⁹ Saen you dibiseig dilasa yan Tubun en san Ur Filip inñane yau. Tamol gurman an Filip ta ile na gug ilon youn isag inñsiganen na yau a. ⁴⁰ Agog Filip Asdod† na kuai isi a. Agog tureñ yabig panu panu lo Jesus san bilaluñ uyan ak ibol ilasa dugo itor nag Sisaria na ilasa ya.

9

Sol ilon ibileksag Jesus niñen o ilon lo rumok a Apo 22:3-16; 26:9-18

¹⁻² Saen an lo Sol inñ Tubun en san tamolpein ifu dumat o urer ipidinai dugo ibol itor se ya. Agog pris malan te ak san na yaug, girek ta igire pani wo isumiani a. Girek an Juda ubou ab sad

* **8:36:** Boi 37 Grik lo tia ya. Baibel aenta lo boi 37 igo ya. Ago tag Filip awan yabig ibol, Onñ ilo lo rumok mok tap, onñ ka suguek ñane wa. Agog tamol gurman an ibol, “Ñai Jesus Kristus inñ Anut nanun an ilog lo rumok.” † **8:40:** Grik ru lo taun an yañan Asotus

gurman adi Damaskus na yan ikubiai pidinai dop, tamol ta boi, tia pein ta boi, ilo rumok kagin a “Dal En” dubol* dugo diri dan abanad ile tap, ibiap isubanaip, dida Jerusalem na diau a.

³ Damaskus na yau wo dal inaneg yaug sumeik dugo gamu nam keit lo lilaman ta irakilawig, aban isapudadeg Sol ibuluwi a. ⁴ Agog yau idug tan na yen dugo awan ta iwagin dugo ilon, “O Sol! Sol! Ata wo nai malag sue dak i?”

⁵ Ago tag Sol isumiani, “Tubun en on enti?”

Ago dugo awan an ibol, “Nai Jesus nek a malag sued ama ya. ⁶ Aria, masap waup Damaskus na ladu. Ago gup dugo gane wan dubol ulon a.”

⁷ Tamol adi a Sol dida turen diabi dan dupartu-anig ru ta dubol san tia ya. Awan inin se yan bo dulon gug talpein nunon dile man tia ya. ⁸ Sol imasag malan ipuk gug aban ile san tia ya. Ago tag banin diabig dinaneg Damaskus na diau a. ⁹ Nal utol aban ile san tia ya. Agog anan dam, you dam tia imado ya.

¹⁰ Ilo rumok tamol ta yan an Ananaias Damaskus na imado se yan, malan nutun lo Tubun ak irupei, “Ananaias.” Agog Ananaias ibol, “Tubun en, nai ebo ya.”

¹¹⁻¹² Agog Tubun en irupei, “Masap, waup, ‘Dal itaot’ dubol dan ate Judas san ab lo Tarsus tamol ta yan Sol dubol dak ninen o sumiai. In man igudani dugo malan nutun lo mel ta igo ile ya, tamol ta yan an Ananaias ipalug gurman fo banin igane dugo aban fon ile da yak ago nion lo ile ya.”

* **9:1-2:** Imug tamolpein man ilo rumok adi sad kagin an ninen o yan an Dal En dubol se ya; murna gug yanak an Kris dubol da.

¹³ Ananaias ru naon irupeï, “O Tubun en, tamolpein wei mi tamol an ninen o dubol dugo ñaløj a. Kagin saiak saiak funfun oñane tamolpein Jerusalem na yan lo igane yak san ru durupaiaig dugo ñaløj a. ¹⁴ Gamu pris gurman adi awok dubol go ete Damaskus na ipalug, talpein enti oñ yaña lo ubou dile dan ibiap injal diau o ipalu ya.”

¹⁵ Gug Tubun en Ananaias irupeï, “Wau! Man dugo, ñai tamol an urat ag igane wo ñipiliani a. In tinin lo tamolpein Juda tia yan, inaned kinj dida, Isrel tamolpein dam naod na ñai yañag kuai te irupidaip ru ñai ninjeg o duloñ a. ¹⁶ Agod in ñai yañag o muruan tubun mi isini wan ñai ñukubiai pani wa.”

¹⁷ Agog Ananaias yang ab lo iladug, Sol gurman fo banin iganeg ibol, “O teig Sol, Tubun ak sen idinag go ñupalu ya. Jesus sen nek ete Damaskus na palu dugo dal na naon na ilasa amaiak, oñ afon abañ ule dop Urgun oñ tini inañefute wo idinag go ñupalu ya.” ¹⁸ Ago ibol ak gamu nam mel ta nek ibol iy tubulan igo won Sol malan lo yak ditapas tan na dudu ya. Agog malan ipuk go abañ fon ile ya. Ago man imasa itur go suguek inane ya. ¹⁹ Agog anañ yang tinin fon dawai da ya.

Sol Damaskus na Anut san ru ifulale da

Sol nal aenta Kris tamolpein dida Damaskus na dumado se ya. ²⁰ Agog imasag itaot Juda sad ubou ab fidian lo yang, Jesus san ru ifulale dugo ibol, “Jesus in Anut Nanun.” ²¹ Tamolpein fidian a in awan duloñ se yan durut saian geig go sed nug dusumiani dugo igo dubol se, “Dugo, tamol an inñen Jerusalem na tamolpein Jesus yañan dupate

dugo ifu dumat na yak nek emaiak i? Go in e ipalu yan tamolpein iburoup, injal pris gurman adi sad na diau wo ipalu yak i?" ²² Gug Sol san ru fulalek dabai geig ak ninen o, Jesus in Kristus an tamolpein fidian kuai te ikubiai pidinai a. An lo Juda tamolpein Damaskus na dumado dan durut saian dugo awan diabi san muruadi.

²³ Murnag saen kitek milaen mi yau dugo, Juda adi Damaskus na yan Sol dufuni wo dutumanig palañ an dumari. ²⁴ Ak man tamol ta pasak nam irupei ilon a. Tidom ad panu san dalawan te ager adi tawan digane se ya. Sol ipalu dop diabip dufuni imat san mi a. ²⁵ Gug nal ta tidom lo Sol san megeloum adi diñaneg, diaug sep fog udou lo duyuweg, patun fo idu ya.

Sol Jerusalem na imul yau a

²⁶ Sol Jerusalem na yang ilo rumok adi luad isa wo igane yak gug, in Sol gamu Tubun en san megeloum mok an ilod ta rumok na yan lo ilod weiwei a. In fidian in ninen o tubun mi direr a. ²⁷ Ak man Barnabas Sol inñaneg aposel adi sad na diau a. Agog Sol Tubun en Damaskus dal na ile yan, Tubun en ru irupei an dam irupidai dulon a. Agog Damaskus na Anut ru ifulale wo ta isuksuk na yan dam ibol idug dulon a. ²⁸ Atnag Sol aposel adi dida dumado dugo, Jerusalem ilon lo Tubun en san ru ifulale dugo itor se ya. Ilon fidian an ru ifulale dugo tinin ta irer na ya. ²⁹ Sol in Juda tamolpein Grik ru dubol dan dida diñinñ dugo nug aen ditog na ya. An ninen o dufuni imat o dal abañ dile se ya. ³⁰ Agog saen ilo rumok adi ru an

dulon tag, Sol dijaneg Sisaria na diaug Tarsus na didinig yau a.

³¹ Saen an lo Kris midaen Judea na, Sameria na, agod Galili na yan an fidian maror lo mi dumado na ya. Awan Urgan midaen dabai ipidinai dugo ilod yabisa se ya. Insan dabai lo midaen ilasag, tubun kasik. Agod Tubun en ninen direr dugo insan ilobol lo mi dumado dutor se ya.

Ainias in Dorkas da

³² Pita panu panu itor nag, nal ta Lida na Tubun en san tamolpein ate dumado dan yil o yau.

³³ Aben an ate yau nag tamol ta njen banin dumat ak ile ya. Tamol an yan Ainias. In anajar 8 njen aben ta ibisei na ya. ³⁴ Pita tamol an irupei, “Ainias, Jesus Kristus on ikubunio wo da. Masap, onane njen aben kubune.” Ainias ru an ilon go gamu nam imasag itur a. ³⁵ Saen tamolpein Lida na, Saron na dumado dan Ainias dileg Tubun en ninen o ilod lo rumok a.

³⁶ Jopa na pein ta yan Tabita, in Kris pein ta. (Grik ru lo yan Dorkas). Insan saen tubun mi man binawek urat mi igane da. Agod tamolpein filiad tia yak ibinawai se ya. ³⁷ Saen an lo subam injaneg imat, agog tinin dufulanig galun lak na yak lo diganeg yen. ³⁸ Jopa nap Lida na wau man asau tia ya. Ago yak njen o saen ilo rumok adi Jopa na yan Pita Lida na imado dak dulon tag, tamol uraru ru en disinig Pita san na diaug ilon dijaneg dugo durupe, “Gidad mansama na ririan palu.”

³⁹ Ago tag Pita tamol uraru an dida diau a. Saen dilasa yan Pita dijaneg galun lak na yan lo diau a. Ante man pein suos Pita dutur dulubanig ditata

dugo, Tabita gamugo imat dugo biouŋ iwei na yan dukubiai pani a.

⁴⁰ Agog Pita fidian idinaig patun fo dilasa dugug turun isaluwig igudani gug, idan sag naon Dorkas san sisanun ipani dugo irupej, “Tabita, masa!” Ago ibol dugo Tabita malan ipuk go Pita ileg imasa ya. ⁴¹ Pita banin iwate dugo yabig imasa itur a. Agog Kris tamolpein iŋ Kris suos dida igiaig, Tabita kumaen imado yan ikubiai dugo dile ya. ⁴² Ru an Jopa na ifurak go, tamolpein wei kasik Tubun en niŋen o ilod lo rumok a. ⁴³ Agog Pita Jopa na saen milaen mi tamol ta yaŋan Saimon ida dumado se ya. Tamol an makau suŋulon, melmel funfun suŋulod ikubune dop igane igos da.

10

Konilias Pita iwagi a

¹ Sisaria na tamol ta yaŋan Konilias, iŋ Rom sad yu gurman tubun a.* Inŋsan doup ititianai dan yaŋad “Italian Sawar”. ² Iŋ, iŋanen samun fidian dida Anut yaŋan lo ubou dile da. Juda tamolpein filiad tia yan ibunawai siŋaokan dop, pempem Anut igudani se ya. ³ Nal ta 3 klok guraian gudanek san saen lo malan ŋutun ta ile ya. Malan ŋutun an lo Anut san eŋel ta ipalug irupej, “Konilias!”

⁴ Konilias irer an lo malan ti ibol go eŋel an leil ipani dugo isumiani, “Tubun en. En dugo ya?”

Agog eŋel awan yabig ibol, “Anut oŋane gudanek ilon a. Agod oŋane binawek urat gane dan ileg, oŋ o ilon isou da. ⁵ Ago yak niŋen o tamol ta dinaip

* **10:1:** Iŋ keptan, 600 yu tamol ititianai a

Jopa na diaup, tamol ta yanjan Saimon Pita dijanep dida dupalu wa. ⁶ Inj tamol ta yanjan Saimon ida loŋ aen te dumado da. Tamol an memel funfun sunulod ikubune dop igane igos da.”

⁷ Eŋel Konilias ibisei yau dugo, Konilias yu tamol kisaek, agod inŋsan ab san urat pinein uraru dida igiaig dupalu ya. Yu tamol an dam Anut yanjan isini san tamol, agod in Konilias san biabi njanjal. ⁸ Agog memel ilasa yan naod na ibol idug, idinaig Jopa na diau a.

⁹ Salsog dal na diau dugo, ad titiŋaem itur an Pita igudani wo ab san fun ilabakan an fo isida ya.† ¹⁰ Imatigen saian go anan yani wo ilon tinin fidian ibol. Anan dineid dumado dugo Pita malan nŋtun ta ile ya. ¹¹ Malan isidag keit awan ipasig mel ta yamel oŋ ak gigin iwoiwo atem diabi dugo duyuweg tan na idu dugo ile ya. ¹² Yamel an fo bor, anakanak, mot, mudan naon funfun yil a. ¹³ Agog awan ta iwagiŋ go ibol, “Pita, masap mel an ufu idup wani.”

¹⁴ Ak man Pita ibol, “Tubun en, tia geig. Juda kagin lo mel ta nun dubol dan njan gubak mi njan man tia geig a.”

¹⁵ Ago tag awan an fon ibol, “Mel dugon Anut ikokan ibol ak, oŋ waliŋ ganep, nun ta ubol na wa.”

¹⁶ Mel naon kisaek an mi ilasa utol gug, fon memel an yamel anda imul keit lo yau a.

¹⁷ Pita malan nŋtun ile amaiak san fun kankan an igane dugo, Konilias tamol idinaig diau an Pita ab lo imado dan duloŋ tag dupalug ab awan te

† **10:9:** Inŋsad ab fidian sad fun man ilabakan. Inj pempem ate disida da.

dutur a. ¹⁸ Ab muroun duwagin go dubol, “Tamol ta etna yaŋan Saimon Pita imado di?”

¹⁹ Pita malan ŋutun amaiak kankan an iganed imado dugo Urgan irupei, “Ulon, tamol utol oŋ abaŋa diabi da. ²⁰ An lo udup, dida au. Ilo weiwei umoi. Man dugo, ŋaiseg ŋidinaig, oŋsa na dupalu ya.”

²¹ Ago tag Pita idug irupidai, “Tamol abaŋale dan ŋai nek en. An ata wo apalu yak i?”

²² Ago tag ru naon durupei, “Yu gurman tubun ak Konilias idinamag mupalu ya. In tamol itaot mok, Anut yaŋan lo ubou ile da. Juda tamolpein dam tamol an yaŋan disini da. Anut san eŋel gun ak ta ipalug oŋ igiop inŋan ab lo waup ŋiŋe dop ilon o ago eŋel an irupei a.” ²³ Ago tag Pita tamol utol an igiaig diladug atna dida dien a.

Anut ilo rumok san dalawan Juda tia yak ate diladu wo ipasi a

Tidom lom mi, Jopa na ilo rumok adi aenta Pita luan disag, tamol utol an dida diau a. ²⁴ Tidom kisaek dal na dien gug Sisaria na dilasa ya. Konilias inanen samun, turan muroun dam igiaig dupalu yan fidian Pita malan diganed dumado se ya. ²⁵ Pita ab lo iladu wo dugo Konilias yaug Pita naon na tubud igo won turun isaluwi pani a. ²⁶ Gug Pita banin idug yabisag irupei, “Masa, ŋai man tamol nek oŋ igo ya.”

²⁷ Pita Konilias ru irupei dugo ida ab lo diladug, tamolpein wei mi dumado dugo yil a. ²⁸ Agog Pita irupidai, “An alon ak. Juda sad kubiaen ibol ak, Juda tamolpein diaup tamolpein Juda tia yan dida ta mok dutumani na wa. Ak man Anut igo ikubiai

panag, naj tamol ta nun ak ta najol na wa. Ikok tia yak dam ta najol na wa. ²⁹ Ago yak ninen o saen naj nineg o ru gane man ta najoi na ya. Ata wo mok naj nineg o ru gane yak i?”

³⁰ Ago dugo Konilias ibol, “Nal utol yau la ya. Gamu saen nek igo 3 klok guraian najisiganeg ab lo nugudani dugo, gamu nam tamol kulos malan milkouk geig ak idirig naog na itur a. ³¹ Agog irupaiag, ‘Konilias, Anut onane gudanek ilon a. Agod binawek urat gane dan ile dugo on ilon isou da. ³² Talpein ta dinaip Jopa na diaup, tamol ta yanjan Saimon Pita ninen o dusumiai. In Saimon sen ak san ab lo imado da. Saimon an melmel sunulod ikubunep igane igos da. In lon aen te imado da.’ ³³ Ago yak ninen o gamu nam on palu wo ru nigane ya. Agog on gane fufeig palu ya. Gamu man fidian Anut malan lo mumado da. Ak ninen o Tubun en ru dugon rupaiama malon o ibol man, ubol dop malon o tinima migane da.”

Pita Konilias san ab samun ru irupidai a

³⁴ Agog Pita in san ninen fun iganeg ibol, “Gamu gug najon la ya. Rumok, Anut san kagin panek tamol fidian lo man naon kisaek mi a. ³⁵ Enti a Anut ninen o imat dugo, in san ilobol fom imado itor dak, gidad naon tinin sen ak an fidian injal a. ³⁶ Bilalun uyan ak Anut man Isrel tamolpein ipanama yan alon la ya. Bilalun an man in Jesus Kristus ipilianig, tinin log id Anut da maror tumado da. Ago dugo Jesus in tamolpein fidian sad Tubun a. ³⁷ An kulob Isrel tan lo ilasa yan alon a. Jon suguek iganeg itout go, Galili na mel an fun ilasa ya. ³⁸ Jesus Nasaret tamol Anut ipilianig, in

fo Urgun dabai da iganeg idu yan an alon a. In panu panu itor dugo binawek igane dugo, talpein enti ta ur saian sad gurman paen na dumado dan ikubunia se ya. Man dugo, Anut in da dumado na ya.

³⁹ “In binawek urat Juda sad tan lo, agod Jerusalem na dam igane se yan man malama lo mile ya. Agog aigim fo dibalig dufuni imat a. ⁴⁰ Gug nal utol itout an, Anut maten lo ifufunig kumaen imasag, man malama lo ilasag mile ya. ⁴¹ Tamolpein fidian ta dile na ya. Anut man mitep fun mufulale san ipilianama yan mi mile ya. Man nek kumaen imasa yan in da mani maluk na ya. ⁴² Agog Jesus sen ru dabai nam irupaiamag insan ru tamolpein naod na mufulale wa, ago gug idinamag mau a. Man tamolpein murupidaip, insen man tamol a tamolpein dumat la yan, agod a dumado dan dam, insad bitinaek tamol imado dak ago murupidaip dulon an ru kagin irupaiaama ya. ⁴³ Profet fidian in ninen o igo dubol ilasa, ‘Tamolpein a fidian in o ilod rumok dan, inanen yan an lo Anut insad aupasek ipare idu pidinai a.’ ”

Tamolpein Juda tia yan Urgun dinane ya

⁴⁴ Saen Pita inijen dugo, awan fom tamolpein a ru dulon dan Anut inanen Urgun iwali idug fidian dinane ya. ⁴⁵ Ilo rumok adi a tini sunulon tutek san mulon lo dudu yan Jopa na Pita luan disag dupalu yan, durut saian geig a. Man dugo, ilo panek kawan ak on Anut inanen Awan Urgun tamolpein Juda tia yan dam ipidinai a. ⁴⁶ Ata wo? Muroun ru funfun lo Anut yan an diabisa dugo dulon se ya. Ago dugug Pita imasag ibol, ⁴⁷ “Tamolpein

en id Urgun tinjane ago mi in dam dinjane ya. An ninjen o, dugo, suguek dinjane an ninjen o talpein ta yabitanai san ninjen ka ru ibol ak i?" ⁴⁸ Agog Pita tamolpein an Jesus Kristus yanan lo suguek dinjane wo ru dabai nam irupidai a. Agog nal aenta in dida dumado wo dusumiani tag atna dida dumado ya.

11

Pita melmel fidian ilasa yak san ru, a tini sunjulon tutek dinjane yan irupidai dulon a

¹ Tamolpein Juda tia yan Anut san ru dinjane yan san ru, aposel adi in ilo rumok adi Judea na dumado yan dam irupidai dulon a. ² Ago yak ninjen o saen Pita Jerusalem na ipalu man, Juda ilo rumok adi tinid sunjulon dutute an Pita ai dupanig ³ dupei, "On tamolpein tinid sunjulon ta dutute na yan dida atumanig, anan dam ani a."

⁴ Ago tag Pita malan njetun ile yak san ru ibol idu, ⁵ "Nal ta Jopa na njugudani dugo, malag njetun en njele ya. Keit lo mel ta yamel on gigin iwoiwo ate mi diabi dugug, duyuweg, naog na mok idu ya. ⁶ Yamel an fo man mudan naon funfun. Bor, mot, agod anakanak naon funfun dien a. ⁷ Agog awan ta irupaiag go ibol, 'Pita, masap, melmel an ufu idup wani.' "

⁸ "Ago tag najai nabol, 'Tubun en, tia geig. Mel dugon Juda sad kagin lo nun man najai gubak mi ta mok najani na ya.' "

⁹ "Ago dugo awan keit lo yan fon ibol, 'Mel dugon Anut ikok ibol dak, on wali ganep, nun ta ubol na wa.' ¹⁰ Mel naon kisaek an mi ilasa utol gug, fidian mi imul keit lo isida yau a."

11 “Ago ibol gug tamol utol Sisaria nag Konilias n̄aisag na idinaig dupalu yan ab n̄ai lo n̄umado yan san awan te dutur a. 12 Urgun n̄ai ilog weiwei n̄amoip, ririan in̄ dida mau wo ibol a. Ago tag Jopa na ilo rumok tamol 6 luag disag dida Sisaria na mau a. Agog fidian Konilias san ab lo miladu ya. 13 Agog Konilias irupaiamag Anut san en̄el in̄siganen ab lo ilasag in̄ da durupei an san ru ibol dugo malon̄ a. En̄el an irupeig igo ibol, ‘Talpein ta dinaip Jopa na diaup, tamol yan̄an Saimon Pita nin̄en o dusumiai. 14 Tamol a bilalun̄ irupaio wan lo on̄ agod on̄ane samun fidian dam patu pasek diñane wa.’

15 “N̄ai fun n̄iganeg ru n̄urupidai man, nek ibol fun mok lo Awan Urgun id tinid fo idug tiñane yak igo won̄, ago mi in̄ tinid fo dam idug diñane ya. 16 Ago dugug Tubun en ru ibol ak ilog isou, ‘Jon you nam suguek ipan̄an a, gug an̄ Urgun nam suguek an̄ane wa.’ 17 Agod an̄ kuai tem talon̄, Anut id Jesus Kristus ilod lo rumok go Urgun ipanad, ago mi tamolpein Juda tia yan ipidinai a. N̄ai tamol naok dugo yak pe, Anut ata ilon̄ ibol an̄ n̄utute wak i?”

18 Saen ru an̄ dulon̄ man, in̄ ru taidam ad tia ya, tia, Anut yan̄an diabisa dugo dubol, “An rumok tap, Anut ilon̄ yen man tamolpein Juda tia yan ilod ibileksap, kumaen̄ pempem yen san diñane wan san dal in̄ o dam ikasap yen da.”

Antiok na midaen̄ foun ak ilasa ya

19 Saen Stiven imat an̄ mala suek tubun kasik ilasag, ilo rumok adi dufufurak go aenkadi Saipras na, aenkadi Fonisia na, aenkadi Antiok na, diau dugo in̄ Juda tamolpein mi Jesus san

ru durupidai se ya. ²⁰ Ak man Saipras in Sairini da sad ilo rumok tamol aenkadi diaug, Antiok na tamolpein Juda tia yan Jesus Tubun en san ru dufulale dugo dulong se ya. ²¹ Tubun en san dabai in lo yen ak ninen o tamolpein wei kasik ilod dibilisag, Tubun en ilod lo rumok a.

²² Ru an yang Jerusalem na midaen dulong tag Barnabas didinig, Antiok na yau a. ²³ Saen Antiok na ilasag Anut san ilo panek kulob funfun midaen an lo igane dan ileg, ilon tubun mi uyanan a. Ago tag tan suek ru irupidai, "Pempem Tubun en awan kagin apani dop, ta mok abisei na wa. Gidad, muruan saian ak gup ilom tinim fidian in apani wa." ²⁴ Barnabas in tamol uyanan mok. In ilon Urgun agod ilo rumok inane fute g an lo in san urat lo tamolpein wei mi ilod ibileksag Tubun en san na diaug inanen tamolpein dilasa ya.

²⁵ Agog Barnabas Tarsus na Sol abanan yabi wo yau a. ²⁶ Saen in Sol ile man, inane g ida Antiok na dumul a. Ananjar kisaek midaen an lo tamolpein doup tubun dida dutumani dugo manau dipitenanai se ya. Antiok na ilo rumok adi yanjak Kris an malmalan mok dinane ya.

²⁷ Saen an lo Tubun en san profet aenkadi Jerusalem dibiseig Antiok na diau a. ²⁸ Profet ta yan an Agabas lulu ad lo imasag, mitep tan fidian lo kadag tubun idu wak ninen Urgun ikubiai pani dugo ibol a. (Murnag Klodias Rom sad Kaisa imado dugo Agabas awan aban an nunon ilasa ya.) ²⁹ An lo man ilo rumok adi inane d turad Judea na yan dubunawai o dubol a. ³⁰ Agog inane d filiad iri panim moni digane g Barnabas Sol da moni

dupidinaig disini diaug Jerusalem na ubou san gurman banid lo digane ya.

12

Herod Jems ifuni imat dugo Pita subanek lo igane ya

¹ Saen nek an lo mi Herod fun iganeg midaen ilon lo tamolpein malad isue. ² Inj ibol dugo Jon tein Jems sabiri nam dufuni imat a. ³ Saen ago igane dugo Juda tamolpein ilod uyanan ago ile tag, afon ibol dugo Pita diabi a. (Juda sad soubul gun bret yis an tia ak diani san saen lo Pita diabi.) ⁴ Pita diabig, subanek ab lo diganeg, yu tamol adi tawan an dumado se ya. Yu tamol malan iwoiwo, go malan kisaek kisaek san tamol dam iwoiwo. Malan ta tawan an dumado nap, diau dop, fon malan ta dupalu se ya. Herod inj Juda sad nal gun tubun ak Pasova dubol dan saen an itout gup, Herod Pita malak malak lo kot ipani wo ilon ago isou a. ⁵ Pita subanek ab lo imado dugo, Kris midaen Anut Pita ibinawi wo gadin dabai kasik digane se ya.

Anut Pita subanek lo ipasi a

⁶ Tidom a san salso lo Herod Pita kot ipani san saen ilasa ya. Pita banin neinta lo sein dususeg diaug, yu tamol banin aenta ida dususe kisaek a. Banin aenta man dijaneg sein nam yu tamol neinta dususe ago mi digane ya. Ago dugo insen man titiñaem yen. Yu tamol aenkadi man subanek ab san dalawan te tawan dutur go dumado se ya. ⁷ Aria tidom lak geig Tubun en san enjel ante itur dugo, san lilaman subanek ab an ilon igane ilalan

a. Agog enjel Pita giranjen ifunig malan ipuk gug irupei, “Masa kisaek oŋ!” Enjel ago ibol dugo, Pita banin njudun te sein dien an sed ditapas dudu ya.

⁸ Ago dugo enjel Pita irupei, “Oŋsa kulos sendal dam diri.” Pita nek ago mi igane dugo enjel ibol, “Oŋane madid san kulos njanep se ibuluwo gup, njeig aban uri.” ⁹ Agog Pita enjel an nien aban irig subanek ab san galuŋ dibiseig kuai te dilasa ya. Mel e ilasa den Pita san ilo sou lo man mel nuŋon tia ya, iŋ malan njutun mi ile dak ago ibol a. ¹⁰ Ago dugo Pita enjel da dupalug, yu gurman tawan aben malan te itur dan dirinani a. Agog tinin te itur an san aben dam dirinani a. Wadan geig subanek ab san dalawan tubun ain nam digane yan fun na dilasa ya. Dalawan sen ilon nam itapas, agog patun fo dilasa ya. Agog taun an san dal an dirig kitek taida dilag asau gug enjel Pita ibisei a.

¹¹ Ago dugo Pita ilon ipasti gug kankan injaneg ibol. “Gamu gug njalon ak, mel njai lo ilasa man rumok a. Tubun en inŋsan enjel idinig, ipalug njai ibinawag go Herod tuon lo, agod Juda sad daon panek ilod isou dan lo ipasag a.”

¹² Mel ilasa yan kankan an kitek igane gug, Jon yanjan neinta Mak dubol dan tinan Maria san ab lo yau a. Ab an lo Kris tamolpein wei kasik dususag dugudani dugo dumado se ya. ¹³ Pita dalawan ititi dugo, urat pein ta yanjan Roda, talpein dalawan ititi dak naon ile wo ipalu ya. ¹⁴ Saen Pita kulagun ilon go ilon tubun mok uyanan. Agog dalawan ipasi san ilon injaon. Pein an imaspalu yaug, tamolpein dugudanid dumado dan naod na Pita ab patun fo itur dan ninen o ibol a. ¹⁵ Ak man iŋ ilod

lo ta rumok na tag dupei, “On nag n̄neeo ifuno boi.” Ago bo man pein an kawan in̄neṅ on tag dubol, “An man Pita san mitilaen boi.”

¹⁶ Saen diṅneṅ se yan Pita dalawan nek ago mi ititi se ya. Ago yau na gug dalawan dupasi. Agog saen Pita dile man durut saian geig a. ¹⁷ Agog leiṅ tubun mi digane tag, awad itau wo banin nam toutou igane ya. Awad itau dugug, Tubun en in̄ subanek ab lo in̄aneg ilasa yan fun ifulale dugo duloṅ a. Agog irupidai, “Ru en Jems in̄ ilo rumok adi dida arupidai duloṅ.” Ago ibol go itout an ibisawaig, aben sen ta lo yau a.

¹⁸ Salso idug yu gurman a tawaṅ dutur an lulaṅad lo leiṅ tubun geig ak ilasa ya. Pita dugo yau an ta duloṅ na ya. ¹⁹ Herod ibol dugo aban̄an diabi ak gug tinin kitek diletu man tia geig a. Ago tag in̄ yu tamol adi tawaṅ dutur se yan isumianai uyanan. Ak man tia tag, ibol dugo yu tamol an dufu dumat a. Agog Herod Judea ibiseig, Sisaria na yaug, atna kitek imado ya.

Herod san mater

²⁰ Herod Taia Saidon da sad tamolpein niṅedi wo tiṅaen saian. Ago tag Taia Saidon da sad tamolpein dutumanig Herod dilep dusumiani wo diau a. Malan malan mok in̄ Blastus, Herod san ab san titianek, ilon diṅane wo diau a. Agop in̄ naod in̄anep Herod isumiani san a. Ago diganeg, in̄ dida ilod kisaek. An lo diaug, Herod in̄ dida maror dumado wo dusumiani a. Man dugo, in̄ Herod san tan lo anan̄ diṅane yan lo in̄san binawek o tinid digane ya.

²¹ Blastas Herod san na yaug, nal igane wak niŋen isumiani. Agog Herod nal igane yak fom inŋiganen kiŋ kulos iganeg, kiŋ san kalik fufo imasig, tamolpein ru irupidai a. ²² Tamolpein inŋsan ru duloŋ dugo disasaig dubol, “En tamol san kulagun tia ya. Tia, en tubud ta inŋiŋeŋ da.” ²³ Agog gamu nam Tubun en san eŋel ta Herod ifuniŋ ibili idu ya. Man dugo, inŋ tamol mi ibol ak imoi. Tia, awan itaug Anut yaŋan yabisa san imoi a. Agog kulilid inŋsan tiŋaen dianig imat a.

²⁴ Gug Anut san ru italbisig, ifurak go aben fidian lo yau a.

²⁵ Barnabas Sol da Jerusalem na ubou san gurman banid lo moni digane yan san urat digane itout gug, dumul go Antiok na diau a. Saen dumul an Jon yaŋan neinta Mak dubol dan diŋaneg dida diau a.

13

Urgun Barnabas inŋ Sol da ipilianaig idinaig diau a

¹ Antiok na midaeŋ ilon lo profet adi, agod girek maŋau adi dumado dan yaŋadi igo ya: Barnabas, Simion a yaŋan neinta Niger* dubol da. Lusias inŋ Sairini tamol. Manain man inŋ Herod da dilasag ditalbusi kisaek. Agod Sol sen dam mi a. ² Saen Tubun en yaŋan lo anaŋ geg diganeg dugudani dugo Urgun irupidai, “Ŋai urat ta amag da yak niŋen Sol Barnabas da apilianai apanag.” ³ Anaŋ geg diganeg dugudani na yan itout gug Barnabas

* **13:1:** Niger san fun man bilkas.

inḡ Sol da gurnad fo banid diganeg bilalunḡ urat banid lo digane gug didinaig diau a.

Barnabas Sol da Saipras na diau a

⁴ Barnabas inḡ Sol da Urgun idinaig Selusia na diaug wog dijaneg Saipras nui lo diau a. ⁵ Atna taun ta yaḡan Salamis dubol dak lo Juda sad ubou ab fidian lo Anut san ru dufulale se ya. Jon yaḡan neinta Mak, inḡsad urat an lo ibinawai se ya.

⁶ Nui an lo panu panu atem ru dufulale dugo diau nag taun Pefos na dilasa ya. Atna Juda tamol ta yaḡan Bar-Jisas, inḡ yaḡan neinta Grik lo Elimas dubol dan, imado se ya. Inḡ kiai tamol, agod profet sewak dam mi a. ⁷ Tamol an inḡ nui an san kiap da nug turan. Kiap an yaḡan Segius Polas, inḡ tamol kankan anda ya. Tamol gurman an Barnabas inḡ Sol da Anut san ru dufulale pani dop ilonḡ o imat tag igiaig inḡsan na diau a. ⁸ Ak man kiai tamol Elimas inḡ an imoi. (Inḡ yaḡan fun man: kiai tamol.) Inḡ tamol gurman Barnabas inḡ Sol da sad ru ilonḡ san imoi o igane dugo, Jesus o ilon ta rumok na yan ilon inḡane wo maeg igane ya. ⁹ Agog Sol yaḡan neinta Pol, Urgun buben inḡanefuteg malan ti ibol go Elimas ileg, irupei, ¹⁰ “Onḡ Satan san nanun, agod melmel dugon uyanan ak sad ager! Onḡ tini man ru sewak agod sewak kagin naon fidian inḡanefute ya. Onḡ pempem Tubun en san ru rumok an bilisap sewak onḡ gane da. ¹¹ Gamu Tubun en san tuon onḡ tini fo iganep ule wa. Onḡ mala itaup ad san lilaman ta ule na wa. Agop onḡ ago mado dop saen ipano yak fo gup abanḡ fon ule wa.”

Gamu na mi Elimas kakao malan yafutanig, malan tidom tubun go tamol ta ile nag banin te

yabi wo idab idab itor se ya. ¹² Tamol gurman mel ilasa yan ileg, Tubun en ilon lo rumok. Man dugo, Tubun en san ru ilon go buben imasag irut saian a.

Pisidia provins san taun tubun Antiok ante diau a

¹³ Pol turan dida Pafos nag diyawaig, Pamfilia distrik na taun ta yañan Pega ante dilasa ya. Nek ate gug Jon Mak ibisawaig imul Jerusalem na yau a. ¹⁴ Pega dubuseig Pisidia na taun ta yañan Antiok na diau a. Agog saen Sabat nal idug Juda sad ubou ab ta lo diladu ya. ¹⁵ Ante talpein ta malmalan ru kitek Moses san kubiaen isutig tinin te profet adi sad girek ta dusuti a. An itout gug ubou gurman adi Pol in Barnabas da sad na ru digane yang dubol, “An teik adi, an ru amam da dop man, tamolpein tan suek ru kitek arupidai o iloma ibol da.”

¹⁶ Ago tag Pol imasag, tamolpein malad lo banin yabisag, ru fun iganeg irupidai, “Isrel tamolpein, agod an aenkadi da Anut yañan abisa dan, kudu-dom apanag! ¹⁷ Isrel tamolpein sad Anut, id tubud baged ipilianai go, saen Igipta na subanek lo dumado dugo, iganeg malad kubulad wei mok igileg dilasa ya, ago dugo filiad tubun mi diñane ya. Anut inşiganen dabai tutubun ak lo injal go Igipta dibiseig dilasag diau a. ¹⁸ Agog anañar 40 tan kawan ak lo diau dugo, inşad kagin sisaiak ile yak bo man sen yabituani dugo bu ta ipidinai na ya. ¹⁹ Kenan tan lo tamolpein malan 7 dumado yan iratitalaig tan an inşaneg inşanen tamolpein ipidinaig an taman dumado ya.

²⁰ “Agog ananjar 450 itout dugo tamol tulek gurman† ipidinai a. Tulek tamol adi an paed na mi dumado dugo, yaug, profet Samuel san saen lo ilasa ya. ²¹ Agog Samuel in kin ta ipilianip ipidinai o dusumiani a. Ago tag Anut Samuel lo tamol ta Benjamin san gugoi lo Kis nanun yanjan Sol dubol dan, ipidinai a. Agog ananjar 40 inaned kin imado ya. ²² Agog Anut Sol ipasi yau dugo inanen aben lo Dawid kin igane ya. Anut Dawid ninen o igo ibol, ‘Nai Dawid, Jesi nanun inanen nao lalek nukubiani uyanan a, inanen buben nek ibol njasag on, an lo nai ilog ibol dak ago mi igane wa.’

²³ “Wagam mi mok Anut idsad tubud baged promis ipidinai ak inaned malad kubuladi lo patu pasek tamol ta ilasa wa. An lo gamu inanen promis ru an nunon ilasa ya, Anut Jesus idinig Isrel sad patu pasek tamol ilasa wo ipalu ya. ²⁴ Jesus urat gamugo fun igane dugo, Jon Isrel tamolpein naod na ru igo irupidaig ibol, ‘Ananem aupasek patum apanip, ilom abileksap, apalup suguek anane.’ ²⁵ Saen Jon inanen urat wadan ifutani wo sumeik dugo isumianai, ‘Anj nai enti abol dak i? Nai man tamol a malan agane dan tia ya. Tia, tamol an nai njieg aban fo ipalu da. Nai injan sendal san kam njupasi san ta idaisuda na ya.’

²⁶ “O teig muroug, Abraham malan kubulan, agod an tamolpein aenta Anut yanjan abisa dan kudom agure. Patu pasek san ru man Anut idsad na iganeg ipalu ya. ²⁷ Tamolpein Jerusalem na dumado dan, inaned gurman dida Jesus in patu pasek tamol an ta dile dulon na ya. An bo saen Jesus daon dupani wo dubol man, in profet sad

† 13:20: Jas

awad aban Sabat nal fidian lo dusuti dan nuḥon diganeg ilasa ya. ²⁸ Inj bo san muruan ta dile nag lo dufuni imat san tia yak gug, Pailat Jesus ifuni imat o dusumiani a. ²⁹ Agog saen ru Anut san buk lo melmel a inj niḥen o ibol an fidian digane itout man, aigim fo yak dupasig gib lo digane ya. ³⁰ Ak gug Anut Jesus mateḥ lo ifufunig afon kumaen imasa da ya. ³¹ Agog nal wei kasik Jesus tamolpein Galili nag ḥien fo Jerusalem na dupalu yan naod na ilasa dugo dile ya. Tamolpein an gamu Isrel tamolpein naod na Jesus rumok dile yan niḥen dubol ilasa dugo inṣan ru durupidai duloḥ da.

³² “Promis a Anut idsad tubud baged ipidinai an nuḥon ilasa ya, an niḥen o maḥ gamu bilaluḥ an misini mupalug murupaianḥ dugo aloḥ da.

³³ Promis an san nuḥon ta dile na ya, tia, Anut iganeg Jesus mateḥ lo imasag kumaen imado dan lo mi, id inḥaned malad kubuladi an niḥed o mi promis ru an nuḥon ilasa dugo tile ya. Ru ta Isrel sad bar yabek namba uraru lo yan igo ibol,

‘Oḥ ḥaineg Nanug mok;

Gamu saen en ḥai oḥ Tama ḥumado wa.’

³⁴ Agog Anut mateḥ lo ifufunip, fon kumaen imasap, fon imat pe igan san tia yak niḥen ru en ibol,

‘Ḥai aḥ bar gun ak ḥupanaḥ a. Nek imug ḥai Dawid promis ru ḥupani ak ago mi ḥupano mok a.’

³⁵ Ago man bar yabek sen ak san boi ta lo dam igo ibol,

‘Oḥ oḥane Tamol Gun ak ulefuni dop gib lo igan san tia ya.’

³⁶ “Dawid inṣan saen san tamolpein luluḥad lo Anut ilon yen ak fom urat igane se ya, agog saen

injsan urat igane itout man, imat a. Agog injanen bagen muroun sinired na disareg, injsan sisanun igan a. ³⁷ Ak gug tamol a Anut maten lo ifufunig kumaen imasa yan, tan ilon lo igan man tia ya.

³⁸ “Teig taog, n̄ai ilog ibol dak an fidian mel en alon uyanan a. Jesus nek emaiak lo Anut ka anjanem aupasek fidian ipare idu wa, ru amaiak gamu murupaian dugo alon da. ³⁹ An Moses san kubiaen lo itaot alasa san tia ya. Gug Jesus lo man, talpein in o ilon lo rumok dan Anut malan lo itaot ilasa wa. Melmel a kubiaen mi igane san ta idaisuda na yan, an fidian Jesus mi ka igane wa.

⁴⁰ Ago yak ninen o kagin agane. Profet adi ru dubol an an lo ilasa banau. In igo dubol,

⁴¹ ‘An ru kukok agane dan, ale.

Ilom weiwei dop arut pe adeg au.

Ata wo? N̄ai kulob ta ansam saen lo njigane wan ninen,

gidad enti ta mel an ninen durupaian an bo man,

an pempem ilom lo ta rumok na wa.’ ”

⁴² Saen Pol Barnabas da Juda sad ubou ab an dubusei dugo, tamolpein Sabat nal naod na yan lop fon dupalup ru naon ago mi ak dubol dop dulon o dusumianai a. ⁴³ Agog gurman adi tamolpein tumanek dibiseip diau o dubol dugo, Juda tamolpein, in a ta Juda na yak gug Juda sad ubou lo diau dan dam, Pol in Barnabas da njied fo diau a. Ago dugo uraru an tamolpein tan suek ru durupidaig dubol, “An Anut san ilo munanek ipanan dan lo atutou yau on a.”

⁴⁴ Ubou kisaek yang Sabat nal idu yan lo tamolpein kitek wei mi geig taun an lo dumado dan,

Tubun en san ru duloŋ o dususag dutumani an malan tubun geig a. ⁴⁵ Agog saen Juda adi aban ago dile man, turak tubun mi dususag ru saian geig ak nam ru dugon Pol ibol ilasa dan lo dipirgini se ya.

⁴⁶ Ago man Pol in Barnabas da ta dusuksuk nag ru naon igo durupidai, “Anut inŋsan ru malmalan an murupaian alon o ru kagin irupaia ma ya, gug anŋsam leil lo man an ibol tamolpein kumaen pem-pem yen dan diŋane san ta idaisuda na yak igo woŋ a. An Anut san ru amoi an niŋen o, maŋ gamu miriŋanaŋ pe Juda tia yak sad na mau a. ⁴⁷ Man dugo, Tubun en sen ru kagin irupaia ma ru en ipanama,

‘Nai niŋiniog on Juda tia yan sad sul mado wa.

An lo dop niŋisag patu pasek sini waup,
tamolpein a tan titin wadan fidian lo dumado
dan diŋane wa.’ ”

⁴⁸ Saen tamolpein Juda tia yan ru an duloŋ man, ilod tubun mi uyanan go, in bused lo Anut san ru lak na geig disini a. Agod tamolpein a Anut gubak mi kumaen pempem san diŋane wo ipilianai ama-ia k fidian ilod lo rumok a.

⁴⁹ Tubun en san ru taun an san panu susumeik an lo ifufurak go yau a. ⁵⁰ Ak man Juda tamolpein dumasag, taun an san tamol gurman ated dusue ya. In pein yaŋad anda yak Anut ubou an dile dan dam ated dusue ya. An lo Pol in Barnabas da muruan in madai da dupidinaig dukudaig, aben an dibisei a. ⁵¹ Tamolpein an Anut san kagin panek ru duloŋ o dumoi an niŋen o, aposel adi niŋed fo gufgaf an dipilti idug, Aikoniam na diau a.

52 Antiok na ilo rumok adi yousai agod Urgun da tinid inañefuteg dumado ya.

14

Pol in̄ Barnabas da Aikonium na ru dufulale ya

¹ Kagin naon kisaek an ago mi Aikoniam na ilasa ya. Pol in̄ Barnabas da Juda ubou ab lo ru dufulale uyanan mok an lo Juda adi agod Juda tia yan dam wei mi ilod lo rumok a. ² Gug Juda aenta Anut san ru dulon̄ o dumoi, agog tamolpein Juda tia yan ated dusueg, in̄sad kankan dukubulig an lo Pol in̄ Barnabas da dil saiadi. ³ Gug Pol in̄ Barnabas da atna saen kitek milaen mi dumado ya. In̄ ta direr na ya, tia, Tubun en san ru in̄anen ilo panek san an dubol ilasa dugo, Tubun en in̄sen dabai a ipidinai an lo tamolpein ikubiai dileg in̄anen ru an rumok a. Man dugo, aposel uraru an in̄san dabai nek amaiak lo kulob girager funfun digane se ya. ⁴ Taun an san tamolpein ditarpaleg malan uraru. Aenkadi Juda dida dutur, go aenkadi man Pol in̄ Barnabas dida dutur a. ⁵ Tamolpein Juda tia an in̄aned gurman dida, agod a Juda yan in̄aned gurman dam dida Pol in̄ Barnabas da daon̄ dipidinaip pat nam dufup dumat o palañ ad dumari se ya. ⁶ Saen aposel ru an dulon̄ tag, dusol go distrik Likonia na taun uraru Listra in̄ Derbe da, agod panu susumeik an lo dam diau a. ⁷ Ante Jesus san bilaluñ uyan an san fun dufulale se ya.

Pol taun Listra Derbe da lo imado ya

⁸ Listra na tamol ta imado. In̄ tinan tin̄aen lo mi n̄ien imat, agod itor san tia ya. ⁹ Saen Pol ru ifulale dan in̄ dam doup luluñad lo imado dugo kududon

igure se ya. Pol tamol an malan ti ibol go, ilon lo rumok ile yak ninen o ilon ak, Anut tamol an ka ibinawi wa. ¹⁰ Ago tag Pol awan tubun mi irupe, “Masap! Itaot utur!” Agog tamol an gamu nam imasag itur go itor ila iso se ya.

¹¹ Saen tamolpein Pol ago igane yan dile man, inşigned Likonia muroun ru lo duwagin go dubol, “Tubud adi dibilisag, tamol on go idsad na dupalu ya.”* ¹² Barnabas man Seus dubol go Pol man Hemis dubol. Ata wo? Pol man ru bilabal san tamol malan te ya. ¹³ Seus san tempel taun an san ar patun fo yen da. Seus san pris makau tamol ak injal go mor dam isinig, tan san dalawan in tamolpein dida aposel yai digane pidinai o ante dupalu ya.

¹⁴ Saen Pol in Barnabas da tamolpein kulob dug-dugo digane dan dulon ak man, in kagin an dumoi tag inşed tinid fo bioun an dirasisire idug, dumaspalug, doup lulunad lo diladug disasaig dubol, ¹⁵ “An ata wo igo agane dak i? Man dam tamol nek an igo mi a. Man bilalun uyan ak ta Jesus ninen o misini mupalu da. Mansama ru an alon dop kagin sewak agane dan patum apanip, Anut kumaen imado dan mi ubou an ale wa. In keit, tan, beig igane ya. Agod melmel fidian tan fo na, agod beig ilon lo yan fidian idiri a. ¹⁶ Imug mi man in tamolpein yilfu dugo inaned ilobol mi digane na ya. ¹⁷ Gug in pempem mel sisinjaok igane ilasa na yan lo inşen fun ikubiai ale se ya. In ui iganep, keit lop idu da. Nal fom anan iganep ilasa da. Anan

* **14:11:** Grik inşad tubud sewak wei mi. Tubud an sad gurman yan Seus. Agod inşan awan njalan man Hemis.

ipanaŋ dugo ilo uyan dam ipanaŋ da.” ¹⁸ Pol iŋ Barnabas da ru ago dubol gug tamolpein man yai digane mok o yaes ifu da, an niŋen o diabituanai o muruan geig a.

¹⁹ Agog Juda aenkadi Antiok Pisidia provins atna yan, Aikoniam na yan dam dupalug, doup ilod diŋaneg, Pol pat nam dufuni a. Agog diraeg, taun san ar patun fo dilasag, dibal yau a, agog diau a. Ilod lo man imat ak dubol a. ²⁰ Gug saen ilo rumok adi dupalug fun na dutur dulubani dugo, Pol imasag fon imul taun ilon lo iladu ya. Dien dumasag, tidom lom mi iŋ Barnabas da Listra dibiseig Derbe na diau a.

Pol Barnabas da taun Antiok a Siria na yan ante dumul a

²¹ Pol iŋ Barnabas da Derbe na Jesus san bilalun uyan ak dubol ilasag, tamolpein wei mi ilod dibilisag, Jesus san megeloum dilasa ya. Agog uraru an dumul go, Listra nag, Aikoniam nag, Antiok o Pisidia na yan lo dilasa ya. ²² Atna ilo rumok adi iŋaned ilo rumok diabi sakar o tan suek ru durupidai, agog ru en dam durupidai, “Id muruan tubun mi tisini gup, Anut san kagin panek lo tiladu wa.” ²³ Midaeŋ kisaek kisaek lo, tamol a Tubun en niŋen o ilodi rumok dan luluŋad lo Pol iŋ Barnabas da matu aenkadi dipilianai pidinai a. Agog niŋed dugudani wo ananŋ geg diganeg, dugudanig, Tubun en banin lo didirai diau a. ²⁴ Agog dibisawaig Pisidia provins na ditilianig itout go Pamfilia provins na diau a. ²⁵ Taun Perga na Anut san ru dufulale itout go loŋ na diaug taun Atalia na dilasa ya. ²⁶ Murnag wog diŋaneg Antiok a provins

Siria lo yan ante dumul diau a. Aben ante gubak mi Anut san urat banid lo digane dugo inſan ilo panek paen na urat digane wo idiraig dutor nag, gamu wadan dufutani a.

²⁷ Antiok na dilasag ilo rumok adi dutumanaig, Anut urat inſ lo igane na yan san ru durupidaig duloŋ a. Agog Anut tamolpein Juda tia yan ilod lo rumok san dal ipasi an dam dubol duloŋ a. ²⁸ Agog saen milaen mi ante ilo rumok adi dida dumado se ya.

15

Aposel gurman dida Jerusalem na dutumani a

¹ Tamol aenkadi Judea na yak Antiok na diaug, fun diganeg ilo rumok adi dipiteŋanai dugo dubol, “Anŋ Moses san kubiaenŋ ibol dak fo mi tinim suŋulon atute wa. Tia dop, Anut anŋ patum ta ipasi na wa.” ² Pol inſ Barnabas da ru an niŋen o dida tubun mi nug diabi se ya. Ago tag ilo rumok adi Antiok na yan ru kagin igo durupidaig dubol, “Pol Barnabas da, aenta dam dida diaup, Jerusalem na aposel inſ matu gurman adi dida muruan an niŋen o dukubiai a.”

³ Agog midaenŋ didinaig, Jerusalem na diau. Fonisia inſ Sameria da sad dal im turenŋ diabi dugo, tamolpein Juda tia yan ilod lo rumok go ilod dibilisa yan san sae dusue se ya. Ilo rumok adi fidian ru duloŋ an ilod tubun mi uyanan a. ⁴ Saen Jerusalem na dilasa yan aposel adi, matu adi, agod midaenŋ fidian dupalug duyunŋanai se ya. Agog Anut inſ lo dugo igane na yan naod na dubol ilasa dugo duloŋ a.

⁵ Gug ilo rumok aenta in dida ilod ta kisaek na ya. Tamol an imug man in Farisi a. In ilo rumok adi lulunad lo malan kisaek dumado na ya. Tamol emaiak dumasag igo dubol, “Arupidai dulong pe, tinid sunulon dutute dop Moses san kubiaen ibol dan ago mi duri dupani. Kagin an ta dirinani na wa.”

⁶ Ago tag aposel adi in matu dida dutumanig muruan an ninen o dininen a. ⁷ Ninen diganeg yang milaen dugo Pita imasag ibol, “Teig muroug, an lon a. Malan malan mok Anut an lulunam lo nai ipilianag a. Agop tamolpein Juda tia yan nai awag lo Jesus san bilalun uyanan an dulong pe, ilod dibilisap, ilod lo rumok a. ⁸ Ago dugo Anut a idsad bubed lon dan in san rumok Juda tia yak lo dal igo ikubiai dugo mile ya, id gubak mi Urgun ipanad ago mi tamolpein Juda tia yan dam ipidinai a. ⁹ Id Juda, agod a Juda tia yan in malan lo id sensen man tia ya. In o ilod rumok an lo bubed ifulanaig ikok dilasag nek id ago mi a. ¹⁰ Ago yak ninen o an ata wo dal en lo Anut naon akubiani wo agane dak i? An gamu ilo rumok adi Moses san kubiaen burod fo agane isuda wo agane da. Gug wagam id baged muroud, agod gamu idsed dam muruan an tisini san ta idaisuda na ya. ¹¹ Ak man id igo ilod lo rumok, nek ibol Tubun en san ilo panek an lo patud ipasi wak igo won, in dam ago mi patu pasek dinane wa.”

¹² Doup tumanek lo yan fidian awad itaug dumado dugo Pol in Barnabas da tamolpein Juda tia yan lulunad lo Anut in lo kulob girager dugo igane na yan ninen durupidaig dulong a. ¹³ Inaned ru dubol itout man Jems imasag ibol, “Teig taog,

kududom agure! ¹⁴ Anut imug mi Juda tia yan sad na ilasag lulunjad lo tamolpein aenta injal pe injanen yanjan disini wo sad na yau a, an san ru Saimon irupaiad la ya. ¹⁵ Agod ru a Saimon ibol an profet adi sad awad aban da awad dutumani kisaek a. Injsad ru igo ya,

¹⁶ ‘Tubun en ibol, mel en itout gup njai njamul da wa. Agop Dawid san ab yau idu yan fon nabisada wa.

Ab saian an nabisap, afon nususep uyan ilasa da wa.

¹⁷ Ago yak ninen o tamolpein aenta fidian Tubun en abanan diabi wa.

Agod Juda tia yan fidian a njai yanag tinid fo yen dan dam ago digane wa.’

¹⁸ Tubun en mel an fidian, fun log ipalug gamu kuai tem tamolpein dulon san ak idirig, ago ibol ilasa ya.”

¹⁹ Agog Jems fon ibol, “Naisiganeg kankan lo yak nabol da. Id tamolpein Juda tia yan dibilisap naod Anut dupani dop muruan ta tupidinai na wa. ²⁰ Tia, girek ta tigirep ru igo turupidai a. In mel dugon tubud sewak yai digane pani dan diani dop lo sed ilod nun dupani wo dumoi a. Jeit kagin ta digane na wa. Mel a buron dususe gug tinin ilon lo san dar yen dan mudan ta diani na wa. Agod san dar dam ta diani na wa. ²¹ Id ru kagin taida turupidai san urat tia ya. Man dugo, wagam id baged sad saen log ipalug gamu, Moses san kubiaen Sabat nal anen anen Juda sad ubou ab fidian lo dusuti da. Ago dugo injsan ru panu fidian lo dufulale da.”

Injsad girek digire yan san ru

- ²² Agod aposel, agod matu adi dida midaen fidian dutumanaig, awad kisaek gug tamol ta dipilianai Pol in Barnabas da dida Antiok na diau wo dubol a. Agod Sailas, in Judas yan an neinta Basabas dubol dan dipilianai a. Tamol uraru an ilo rumok adi lulan ad lo yan ad da ya. ²³ Girek a digireg disini diau o dupidinai an san ru igo ibol: “An ilo rumok Juda tia yan, Antiok na Siria na agod Silisia na amado dan, man ananem teim taom, aposel agod matu adi dam mananema ilo uyan an sam na migane ipalu da.
- ²⁴ Man malon ak mansama tamol aenkadi an sam na diaug ru dubol an lo an ilo wei dupanan dugo ananem kankan dukubuli a. Man in ago digane wo ru kagin ta murupidai na ya.
- ²⁵ Ago tag man fidian mutumanig iloma kisaek go tamol aenkadi mipilianai midinaig an sam na dupalu da. Idaned turad mok Barnabas in Pol da dida dupalu da.
- ²⁶ Tamol uraru an idsad Tubun ak Jesus Kristus yan disini wo saen wei mi sed tinid dibi-sei se ya.
- ²⁷ Aria, man Judas in Sailas da mipilianai dida dupalu wa. Tamol uraru en ru a migire yan sed awad nam durupaian dop alon a.
- ²⁸ Mansama ilo sou lo, agod Urgun san ilo sou lo dam, mel en mi uyanan a. Man in da sisem murupaian dak, an muruan ta fon kubiaen en subunan tinim fo ta migane isuda na wa. Kagin nek en mi agane wa.
- ²⁹ Anan tubud sewak dupani ak ta ani na wa. Dar ani amoi. Mel ta buron dususeg san dar tinin ilon lo yen dan ta ani na wa. Jeit ta

agane na wa. Kagin naok ago yan lo tinim apirani tap, nek an agane uyanan a. Nek a.”

³⁰ Midaen girek an banid lo diganeg didinaig Antiok na diau a. Antiok na dilasa gug ilo rumok adi fidian dutumanai gug girek an dupidinai a.

³¹ Agog an san ru dusuti a. Dusuti man, san tan suek ru dulon dugo yousai tubun mi digane ya.

³² Judas in Sailas da sisem sad teid taodi ru wei mi nam tan suek ru dupidinaig dabai dupidinai a. Man dugo, tamol uraru en dam Anut san profet mi a.

³³ Antiok na kitek dumado gug ilo rumok adi maror lo mi didinaig dumul go, siganed na diau a.*

³⁵ Ak man Pol in Barnabas da Antiok na dumado dugo, ante tamol aenkadi wei mi dida Tubun en san ru dufulale dugo tamolpein manau dipitejanai se ya.

Pol in Barnabas da ilod ta kisaek na yan lo sensen diau a

³⁶ Murnag Pol Barnabas irupei, “Id taup, teid taod Kris a panu panu imug taug Tubun en san ru turupidai se yan ate tau a. In dugo dumado dan teil a.”

³⁷ Barnabas awok ibol ak gug Jon a yanjan neinta Mak dubol dan dida diau o ilon ibol a.

³⁸ Ak man Pol Jon dijanep ida diau san an ta uyan na yak ago ilo sou igane ya. Man dugo, gubak mi in Pamfilia na urat digane dugo, Jon dida urat digane yau o imoig ibisawaig imul yau a.

³⁹ Ago man ilod ta kisaek na yan lo ru dabai nam nug aen dutog se ya. An lo sensen diau a. Barnabas Jon yanjan neinta Mak injaneg ida wog dijaneg Saipras

* **15:33:** Boi 34 an Grik lo tia ya. v 34 Ak man Sailas gidad in san ilo sou lo aben an ta ibisei na man uyanan a.

nui na diau a. ⁴⁰ Gug Pol Sailas inaneg, ilo rumok adi dutumanig Tubun en san ilo panek lo kagin ipidinai o dugudani gug, urarum didinaig diau a. ⁴¹ Agog in Siria nag Silisia na midaen fidian dabai dupidinai dugo diau se ya.

16

Timoti, Pol in Sailas da luad isag dida diau a

¹ Pol turen ibateg Derbi na agod Listra na yau a. Atna ilo rumok pinein ta yan an Timoti imado se ya. In tinan Juda. Agod in dam ilo rumok pein ta. Gug taman man in Grik tamol. ² Listra in Aikoniam da sad ilo rumok adi fidian Timoti dupitiani da. ³ Pol in Timoti inanep ida diau o ilon yen tag ibol dugo Timoti tinin sunulon dutute ya. Man dugo, Juda panu fidian lo dumado dan dulong, Timoti taman man in Grik tamol. ⁴ Saen panu fidian lo diau se yan kubiaen aposel adi in matu dida Jerusalem na digane yan ilo rumok adi dupidinaig, kubiaen an mi duri dupani wo dubol a. ⁵ Ago yan lo midaen inaned ilo rumok dabai dupanig, midaen fidian nal ate mi tubun ilasa se ya.

Pol malan n̄tun lo Masedonia tamol ta ile ya

⁶ Urgun in Esia san tan fidian lo Anut san ru dubol ilasa wo man geg ipidinai a. Ago tag in Frisia na, agod Galesia na mi turen diabi na ya. ⁷ Saen Misia provins san tom fo dilasag Bitinia provins lo diladu wo digane gug Jesus san Ur awok ta ipidinai na ya. ⁸ Ago tag Misia na diau on go, Troas na dilasa ya. ⁹ Atna tidom lo Pol malan n̄tun lo Masedonia tamol ta itur dugo iwagi dan ileg igo

irupei, “Ete Masedonia na palup maŋ binawama.”
¹⁰ Saen Pol mitilaen an ago ile man, gamu nam maŋ ru kagin irupaia mag Masedonia na mau san aban mukubune ya.* Man dugo, mitilaen an maŋ kankan ipanama yak, Anut maŋ atna maup bilalun uyanan an tamolpein sad na mufulale wo igiama ya.

Filipai na pein ta yaŋan Lidia in ilon lo rumok a

¹¹ Troas na wog miŋaneg tim idudunamag itaot geig Samotres na mau a. Agog maen, mumasag, Niapolis na mau. ¹² Atnag ŋiema nam maug, Filipai na milasa ya. Masedonia distrik lo Filipai in taun malan te ya. Taun an Rom gabman inane ya. Maŋ atna kitek dam mumado ya.

¹³ Sabat nal lo taun mubiseig, you ta aen te mau. Iloma lo Juda sad gudanek aben ta ate mile wak mabol. Agog mumasig, pein ante dutumani ak Anut san ru murupidai se ya. ¹⁴ Pein a ru dulon na yan lulunad lo kisaek ta yaŋan Lidia. In Taiataira pein. In yamel daran naon lak na geig ak inŋan na didad da. Pein an in Juda tia yak gug in Anut o ubou ile da. Saen Pol ru ibol dugo Tubun en iganeg buben isofulale dugo inanen ru inane uyanan go ilon lo rumok a. ¹⁵ Agog Lidia inanen ab samun dida fidian suguek diŋane gug isumianama, “Ananem ilom lo ŋai akubianag ak Tubun en san ru ŋiganuri dan ilom ago isou tap, apalup ŋaisag ab lo tumado wa.” Ago dugo Lidia dabai igane on tag ida mau a.

Pol in Sailas da dusubanai a

* **16:10:** Ete Troas na Luk inŋen luad isag dida diau a.

16 Nal ta maŋ gudanek aben lo mau dugo, dal na urat bigabeg pein ta ipalug iliama ya. Inj ur ta kiai panek san aman da ya. Ur saian an mel murnap ilasa wan pein an awan lo ibol ilasa da. Dal an lo pein an moni tubun mi inanen tirnek tamol adi inane pidinai da. 17 Pein an maŋ Pol da njiema aban irig isasai dugo, igo ibol se, “Tamol en inj Anut lak na geig ak san urat tamol. Inj dal dugo lo patu pasek anane san ak dubol ilasa da.” 18 Nal wei kasik ago iginiamag, Pol tiŋaen saian tag nal ta idanŋsag, ur saian an ipei, “Nai onj nŋurupaio da, Jesus Kristus yanŋan lo pein an biseip lasa wau.” Ago dugo gamu nam ur saiak pein an ibiseig ilasa kisaek onj a.

19 Urat bigabeg pein an san tirnek tamol adi moni diŋane san dal itau an dile tag, Pol inj Sailas da duburoug, diriaig didaen aben lo kot dupidinai o diau a. Ante gurman adi naod na dugunai a. 20 Agog inj Rom san tulek tamol an naod na ru dupidinaig dubol, “Tamol en Juda tamol. Inj idsad taun lo muruan digane da. 21 Inj kagin idsad kubiaen lo geg an tamolpein dipiteŋanai da. Id Rom tamolpein inŋsad kagin dubol dan tiŋane dop tiri san tia ya.”

22 Agog doup tubun an dumasag, Pol inj Sailas da dufu wo fun digane. Tulek tamol an Pol inj Sailas da tinid fo kulos disire idug, bu dupidinai o dubol. 23-24 Agog dufu saian go subanek ab lo didirai a. Tamol a subanek ab ititiani dan isubanai sakar o durupey tag, ibilai galuŋ ilon lo geig ak lo diladug, ai lapan uraru muruadi ak nam nŋiedi ipini a.

25 Tidom luak igo wonj Pol inj Sailas da Anut dugudani dugo bar diabi se ya. Ago dugo subanek

tamol fidian awad dulonj se ya. ²⁶ Agog gamu nam kanaurig tubun ak ilasag subanek ab san fun an iguri dugo, dalawan fidian awad itapas a. Agog njied banid lo sein a ate dsubanai an sed itapas diau a. ²⁷ Subanek ab san titianek yen nag imasa yan, dalawan awad itapas ak ileg, subanek tamol fidian dusol diau ibol go, injsiganen sabiri igursig, nam sen ifuni imat o sumeik a. ²⁸ Ago dugo Pol awan tubun mi iwaginj go ibol, “Se ifuno umoi. Manj tet mi mumado da.”

²⁹ Subanek ab san titianek lam disini dupalu wo iwaginj. Agog isuruwor onj imaspalug iladug, Pol Sailas da njied fun na turun isaluwig idu ya. ³⁰ Agog injal go patun fo dilasag isumianai, “Njai dugo njiganep lo patu pasek njijane wak i?”

³¹ Agog ru naon durupej, “Onj Tubun en Jesus ninen o ilo rumok tap patu ipasi wa. Onjane ab samun dam patud ipasi wa.” ³² Agog Tubun en san ru injanen ab samun dida naod na dufulale ya. ³³ Tidom an lo mi subanek ab san titianek Pol inj Sailas da dufunai na yan sad baob ifulanig ifou pidinai. Injanen samun fidian dida ilod lo rumok go suguek dijaney ya. ³⁴ Agog Pol inj Sailas da injal go ab lo disidag ananj ipidinaig diani. Titianek an injanen samun dida ilod tubun mi uyan a. Man dugo, inj gamu Anut ilod lo rumok.

³⁵ Tidom lom mi tulek tamol adi injsad aikatuk adi didinaig diaug subanek ab san titianek igo durupej, “Tamol uraru an pasaip diau a.”

³⁶ Ago tag titianek tamol an Pol irupej, “Gurman adi onj Sailas da njubusawanj pe alasa wo uyan dubol a. Ago yak ninen o anj maror lo mi au a.”

³⁷ Gug Pol aikatuk an irupidai, “Man mel ta migane saian man tia ya. Agod mel an fun ninen o ta dusumianama na ya. Man bo dam Rom tamol gug kawan geig malak malak bu nam dufunama ya. Agog subanek ab lo diginiama gug, gamu fon pasak nam didinamap mau o digane dak i? Man ta mok mau na wa! Gurman adi in sed mok dupalup, dupasamap milasa gup mau a.”

³⁸ Ago tag aikatuk adi diaug, gurman adi naod na Pol awan aban dubol ilasa ya. Saen gurman adi Pol Sailas da in Rom tamol an dulon man direr saian geig a. Man dugo, kabelan in dam naon dinane banau. ³⁹ Ago tag diaug, Pol in Sailas da naod na in digane saian ak ninen o inaned muruan ilod in aon o dugudani a. Agog dinjal go subanek aben dubuseig dilasag, panu dubuseip diau o dusumianai da. ⁴⁰ Ago tag Pol in Sailas da Lidia san ab lo diau a. Atna ilo rumok adi dumado dugo, tan suek ru durupidaig dubusawaig diau a.

17

Pol Tesalonaika na Anut san ru ifulale ya

¹ Pol in san urat kisaek ak dida turen diabig diaug, Amfipolis nag, Apolonia nag, Tesalonaika na dilasa ya. Atna Juda sad ubou ab ta yen da. ² Pol in san kagin mi irig ubou ab an lo iladug Sabat nal utol tet mi tamolpein dida ru Kristus ninen o Anut san buk lo yen dan ninen o ru dabai lo dida dinin se ya. ³ In mel en ifulale pidinai a, Kristus muruan madai da isinip imat gup fon kumaen imasa da wan an urat anda ya, ago dugo ru ta Anut san buk lo yen dan lo Kristus mel an yabi-riyani san tia geig ak ninen o kuai te ikubiai pidinai o maeg

igane se ya. Ago dugo igo irupidai, “Jesus nek e niñen o ñabol ilasa den inñsen mi Kristus.” ⁴ Juda aenkadi ru a Pol ibol ilasa se yan rumok dupanig Pol inñ Sailas da luad disa ya. Ago dugo Grik tamol aenkadi Anut o ubou dile dan, agod pein yañad anda yak aenkadi dam nek ago mi digane na ya.

⁵ Ak man Juda aenkadi Pol san urat dileg, turak dususa se ya. Ago tag tamol saiadi a taun san tumanek aben lo kawan dumado dan diñal go dutumanai a. Agog inñ tamolpein taun a lo dumado dan fidian bubed diabisag, Jeson san ab digileg, Pol inñ Sailas da abañad diabi se ya. Inñsad ilo sou lo man diliaip duburoup, tamolpein malan tubun an sad na diñal diau o digane. ⁶ Ak man ta dil na tag Jeson inñ ilo rumok aenkadi dida diñal go taun an san gurman adi sad na diau. Agog duwagin go dubol, “Tamol en kubulek tubun kasik digane dugo dutor nag, gamu idsad taun lo dam dupalu ya. ⁷ Agog Jeson tamol an inñal go inñsan ab lo dida dumado da. Inñ fidian Kaisa san kubiaenñ igane yan dipilali dugo, kiñ neinta imado dak ago dubol a. Kiñ an yañan Jesus dubol da.” ⁸ Saen ru an dubol man tamolpein malan tubun an, inñ taun san gurman dam fidian tinjaed saian dugo ta dumado wo uyan se na ya. ⁹ Ago tag gurman adi moni sapita Jeson ipidinai dop diñane wo ida ru dufuni a. Aria, ru a dufuni an ilon lo, Jeson afon tamolpein muruan ipidinai tap, moni an ta inñane da na wa. Agog Jeson moni an inñaneg ipidinai gug, ka diau ak ago dubol tag, Jeson tein taon Kris an inñal go dida diau a.

Beria na tamolpein wei mi Jesus o ilod rumok a

¹⁰ Saen tidom idu dugo, ilo rumok adi Pol in Sailas da didinaig, Beria na diau. Diaug dilasa man Juda sad ubou ab ta lo diladu ya. ¹¹ Juda adi ete dumado den a Tesalonaika na dumado dan ago tia ya, tia, in kankan uyanan ad da ya. Ago yan lo Pol san ru dijane wo yaes ifu se ya. Agod nal pempem ru a Anut san buk lo yan dusuti dugo Pol san ru ifulale se yan ida dibitinae dile se ya. ¹² Amaiak ninen o Juda wei kasik ilod lo rumok a. Grik pein kitek wei mi yanad ad da yak, in Grik tamol dida ilod lo rumok a.

¹³ Saen Juda adi Tesalonaika na yan Pol Beria na Anut san ru ifulale dan dulon tag dupalug, tamolpein ated dusue dugo tinjad saian se ya.

¹⁴ Ago tag gamu nam ilo rumok adi Pol didinig, lon na yau a. Gug Sailas in Timoti da man Beria na dumado se ya. ¹⁵ Tamol a Pol dijaneg ida diau man diaug, Atens na geg gug tamol an afon idinaig Sailas in Timoti da ririan in luan disa wo ru iganeg sad na yau a. Agog saen ru dijane man Beria dibisei kisaek on go in san na dupalu ya.

Pol Atens na ru ifulale ya

¹⁶ Saen Pol Atens na Sailas in Timoti da malad igane dugo, taun an ilon lo tubud sewak an mitilaedi wei mi yil dugo, ilon imasag ilon muruan geig a. ¹⁷ Ago tag ubou ab lo Juda tamolpein, agod tamolpein Juda tia gug Anut ubou an dile dan Anut san ru irupidai dugo, dida tubun mi dijinen ila iso se ya. Nal pempem ensauta daden aben lo dumado tap, tamolpein an dam ru irupidai dop dida dijinen se ya. ¹⁸ Ago dugo manau tamol malan uraru dida dijinen dugo nug aen ditog.

Malan ta yanɗad Epikurian, malan neinta yanɗad Stoik. Malan uraru an luluɗad lo aenkadi igo dubol, “Ak dugo, awa you maɗau an tia amaiak dugo ibol o maeg igane dak i?” Ago dugo aenta dubol, “In tag tubud gol ak niɗedi wo ru ifulale dak boi a.” In ago dubol dan fun man, Pol in Jesus agod inɗan matenɗ lo kumaen imasa amaiak san ru ifulale se ya. ¹⁹ Aria, Atens ilon lo bubun ta yanɗan Ariopagus dubol da. Aben ante taun an sad kaunsil dutumani da. Agog diɗaneg Ariopagus tumanek aben ate diɗaneg diaug durupe, “Onsa pitenanek foun an naoma na ubol ilasa dop ka malon ak i? ²⁰ Onsa pitenanek senamo geig ak kududoma lo ililanan da. Ago yak niɗen o melmel an sad fun malon mok o iloma yen da.” ²¹ Atens tamolpein, agod gol tamolpein aenkadi dupalug dumado dan in melmel foun ilasa dan niɗen o mi nug naon na dubol dop dulon o dumat da. Inaned saen tubun mi ago digane da.

²² Ariopagas gurman a dutumani an naod na Pol imasa itur go ibol, “An Atens tamol kududom agure. Naisag leil lo man, ananem kagin fidian lo tubud adi ubou ad ale wo yaes isofutananɗ da. ²³ Man dugo, saen nɗai anɗsam taun ilon lo nɗiliani nɗator se man, malag yaug melmel a lo ubou amad ale dan nɗeil a. Ago dugo alta ta fufo girek ta igo digire yak nɗile ya. Girek an igo ya, ‘Alta en tubud enti id ta talon na yak san a.’ Aria, gamu tubud a ta alon nag ubou an ale dan, gamu anɗsam na nɗabol ilasa wo da. ²⁴ Anut a tan in keit da iganeg mel fidian ilon lo dam idiri an, inɗen keit agod tan da sad Tubun ak imado da. Agod in tempel tamolpein

banid nam dufou yak lo ta imado na da. ²⁵ Agod in mel o katukan dop tamol banid nam ta dibinawi na da. Man dugo, in sen amaiak tamolpein fidian kumaen di ur, agod mel fidian dam ipidinai da. ²⁶ Tamol kisaek mi igane gug lo tamol naok funfun ilasag, tan fidian lo dumado da. Gamugo iginia i dugo, in sen mi tamolpein warou anen anen saen dumado wak ibalsi pidinai a. Agog tan geg ak anen anen ate mi itarpale pidinai a. ²⁷ In ago igane yan lo, tamolpein fidian Anut abanan diabi wa. In tag mala nouk lo didabdab gup dile wak boi ago digane wo idirai a. Ago bo man Anut man id anen anen sad na asau mi ta imado na da. ²⁸ Man dugo, talpein ta igo ibol,

‘In lo man, id kumaen tumado dugo tala taso da, agod in lo dam idsad madok san fun yen da.’

Taida mi, ananem profet aenkadi dam igo dubol,

‘Rumok, id man in anen malan kubulan.’

²⁹ Id Anut malan kubulan, ago yak ninen o Tubud a rumok an nek ibol mel ta silva, gol pat da nam tamol digane yak on ago ta ilod isou na wa. Mitilaedi an fidian man tamol banid kulob an lo siganed manau lo mel an banid nam didirai ilasa ya. ³⁰ Id fidian tinaon dugo kagin ago tigane na yan san saen lo Anut iliad funad se ya. Gug gamu man Anut ru dabai nam tamolpein fidian irupidai dop, ilod ibileksap in aned kagin saiak an patud dupani wa. ³¹ Man ata wo? Nal ta lo in kagin itaot ak lo mi tamolpein tan tilianek lo dumado dan bitinaek lo idirai an ibalsi la ya. Tamol a in wagen lo bitinaek urat an igane wan ipiliani la ya. In ru e rumok an tamolpein fidian kuai te ikubiaig dile yan san

dal man nek igo ya, tamol a mateŋ lo ifufunig afon kumaen imasa da ama ya.”

³² Saen tamol adi a Ariopagus na yan Pol tamol ta mateŋ lo kumaen imasa da yak san ru ibol dugo duloŋ man, aenkadi kukok an digane se ya, ak man aenkadi dubol, “Maŋ ru e mel an niŋen o ubol den afon nal tap maloŋ a.” ³³ Agog Pol tumanek an ibiseig yau a. ³⁴ Gug tamol aenkadi iŋanen ru ilod lo rumok an lo luan disa ya. Luluŋad lo tamol ta yaŋan Daionisias iŋ Ariopagus kaunsil ta. Agod pein ta yaŋan Damaris, ago dugo tamolpein aenta dida ilod lo rumok a.

18

Pol Korint na Anut san ru ifulale ya

¹ Pol Atens ibiseig Korint na yau a. ² Atna Juda tamol ta yaŋan Akwila ile ya. Tamol an Pontas tamol. Iŋ iwon Prisila da wari na geig Itali dibiseig Korint na dupalu ya. Man dugo, Kaisa a yaŋan Klodias dubol dan, Juda fidian a Rom na dumado dan Rom dibisei wo ru dabai nam ru kagin ago irupidai a. Ago tag Pol Akwila iwon da yil o sad na yau a. ³ Pol man ab sel ak san niganag tamol. Akwila iwon Prisila dam iŋ da urat kisaek a. Fun an lo Pol iŋ dida dumado dugo sisem ab sel diweig didaen lo didiri dugo moni diŋane se ya. ⁴ Ago dugo Pol iŋ Sabat nal anen anen ate mi Juda sad ubou ab lo tamolpein a ate dumado dan dida diŋiŋen dugo nug aen ditog se ya. An lo Juda aenkadi agod Grik tamolpein dam ilod iŋaneg Jesus o ilod rumok a.

⁵ Saen Sailas iŋ Timoti da Masedonia na dupalug Korint na dilasa man, Pol iŋsan ab sel iwei se yan ibiseig saen tubun mi Tubun en san ru ifulale se

ya. In Juda tamolpein mi naod na Kristus man inſen Jesus an irupidai dulon se ya. ⁶ Gug saen in Pol san naon diabi dugo nao futek ru dupani se man, ilon imoi ak ninen o inſan kulos fo gufgaf dien an igigiani idu ya. Agog patun ipidinai ak san ru en igo irupidai, “An adeg au tap, an ananem mel mi a, nſaisag wadan tia ya. Ak ninen o gamu saen e yau den, nſai tamolpein Juda tia yan sad na nſau a.”

⁷ Agog ibisawaig, tamol ta yan an Titius Jastus san ab lo yaug ida dumado na ya. In Juda tia gug Anut ubou an ile da. Inſan ab Juda sad ubou ab giranen na itur da. ⁸ Aria, ubou ab an san gurman yan an Krispas dubol dan Tubun en ninen o ilon rumok a, agod inanen samun fidian dam ilod lo rumok a. Korint tamolpein wei mi Pol awan dulon go ilod lo rumok gug suguek diſane ya.

⁹ Nal ta tidom lo Pol malan nſutun ile dugo Tubun en irupe, “On ta urer na wa. Tia, ubol ilasa dop awa ta mok itau na wa. ¹⁰ Man dugo, nſai on da tumado da. Talpein ta on ifunop saian ipano san tia ya. Ete mado, man dugo, tamolpein wei mi taun en lo dumado dan nſaisag tamolpein.” ¹¹ Ago tag Pol atna ananar kisaek wadan da imado dugo, taun an san tamolpein ilod lo Anut san ru ipiterjanai se ya.

¹² Ak man saen Rom gurman ta yan an Galio dubol dan, Akaia provins san tirnek tamol ilasa man, Juda adi dutumanig kankan kisaek ad da yak lo, Pol kot dupani wo diabig, diſane diaug gabman san kot naon na dugunig ¹³ dubol, “Tamol en kubiaen irinani da. Ata wo? In tamolpein dal senamo yak lo Anut ninen o ubou digane wo ilod

inane wo maeg igane da. Gug dal an kubiaen ta iri na da.”

¹⁴ Pol awan ipuk go inijen o igane ibol ak Galio imasag Juda adi irupidai, “Muruan gamu en kagin saiak san, tia, mala suek saian geig ak san ago tap, an Juda awam nalon san an dal ag da wa.

¹⁵ Ak man gamu an asumianag dak, nai ru ta, yanak, agod ananem kubiaen dam mel naok an mi nibitinae wo abol da. Nai ru naok ago yak ta nibitinaep nukubune na wa. Ago yak ninen o ansem muroum mi ale gup akubune wa.” ¹⁶ Ago ibol dugo ikudaig kot aben dubiseig, patun fo dilasa ya.

¹⁷ Juda tamolpein an fidian in ubou ab san gurman ta yan an Sostenis dubol dan diabig, kot malan lo malak malak dufuni se ya. Ak man Galio ka yilfu on a.

Pol Korint ibiseig Antiok na yau a

¹⁸ Pol nal wei mi ilo rumok adi dida Korint na dumado gug wog inaneg Akwila iwon Prisila da dida Siria na diau a. Wog gamugo inane dugo Senkria na gurman roun ibol dugo dutute ya. Man dugo, inug mi Anut malan lo promis ru ibol an nunon igane yak ninen o insan promis an igane itout a.

¹⁹ Diaug, Efesus na dilasag, atna Pol Akwila in Prisila da ibisawaig, ubou ab lo iladug, Juda dida Kristus ninen o ru lo nug aen ditog se ya.

²⁰ Atna saen milaen mi dida dumado wo dusumiani ak man in imoi. ²¹ Gug saen yau o dugo irupidai, “Anut namul o ibol tap, nai an sam na namul da wa.” Agog Efesus ibiseig iyawai a.

²² Agog Sisaria na ilasag, Jerusalem na isida yau. Atna midaen ilo uyan ru irupidai gug Antiok na yau. ²³ Antiok na kitek imado gug yaug Galesia

ilon lo iladug, Frisia na dam ilo rumok adi fidian dabai ipidinai dugo yau on se ya.

Juda tamol yan an Apolos Anut san ru ifulale ya

²⁴ Saen Pol yau imul dugo Juda tamol ta yan an Apolos, tinan Aleksandria na igansi ak in Efesus na ipalu ya. In ru bilabal nimanau man uyanan geig. Agod Anut san ru girek lo yen dan ilon sinjakaan. ²⁵ In Tubun en san ru dupitenani sinjakaan. Agog buben imasag, Jesus san ru itaot mi ifulale dugo tamolpein ipitenani. Gug in Jon san suguek an mi ilon. ²⁶ Aria, saen Efesus na ilasa man, Juda sad ubou ab lo ru dabai anda ifulale dugo Akwila in Prisila da dulong a. Ago tag dinaneg, insigane ab lo diaug, Anut san dal taidam itaot dukubiai panig ilon a. ²⁷ Agog Apolos Akaia provins na yau o ibol tag, Efesus na ilo rumok adi ilon dabai dupanig dubunawig, girek ta digireg Kris tamolpein ate yak durupidai, “Tamol en an sam na ipalu tap, ayunani wa.” Saen Akaia na ilasa man, tamolpein a Anut san ilo munanek log Jesus o ilod rumok an ibinawai sinjakaan a. ²⁸ Man dugo, insan ru dabai anda ibol se yan lo malak malak ru lo nug aen ditog dugo in Juda ibiai dudu ya. Ago dugo ru Anut san buk lo yen dan isuti se yan lo ikubiai pidinai ak, Jesus man insen Kristus.

19

Pol Efesus na Anut san ru ifulale ya

¹ Saen Apolos Korint na imado dugo, dal ta did fufo mi yau ak Pol irig Efesus na yau. Atna ilo rumok aenkadi dumado dugo yil tag ² isumianai, “Saen an ilom lo rumok an Urgun anane yak i?”

Ago dugo in dubol, “Man ru ta Urgun ninen o kitek malon man tia ya.”

³ Agog fon isumianai, “Ak dugo, an suguek naon dugo yak anane yak i?”

Agog awan diabig, dubol “Man Jon san suguek minane ya.”

⁴ Ago tag Pol irupidai, “Jon san suguek man tamolpein inaned aupasek patud dupani ak san a. In Isrel tamolpein irupidai, ‘Tamol a nai nieg aban fo ipalu dan ilom lo rumok a. Tamol an Jesus.’ ”

⁵ Ru an dulon go Tubun en Jesus yan an lo suguek dinane ya. ⁶ Agog saen Pol banin gurnad fo igane man, Urgun in tinid fufo idu ya, ago dugo muroun ru sensen ak lo dininon dugo, profet ru dam dubol ilasa se ya. ⁷ Tamol an nunod 12 igo won.

⁸ Kalam utol Pol Juda sad ubou ab lo yau imul dugo Juda tamolpein Anut san ru dabai anda irupidai se ya. Agog ru lo dam dida nug aen ditog dugo Anut san kagin panek san fun ifulale ilasa se ya. Ago dop dulon pe ilod lo rumok o ago igane se ya.

⁹ Ak man aenkadi kabunad sakar kasik an lo ru an ilod lo ta rumok na ya. Taida mi in midan malad lo Kris adi sad ilo rumok yan an “Dal En” dubol dan ninen o ru saian dubol ilasa da. Ago tag Pol megeloum foun ak inal go, nal pempem Tiranans san galun tubun ak lo dutumani dugo, a Juda tia yan dam dida Jesus ninen o dininon ila iso se ya. ¹⁰ Ananar uraru nek ago mi igane dugo, Esia distrik lo Juda tamolpein, agod a Juda tia yan dam fidian Tubun en san ru dulon a.

¹¹ Anut kulob girager funfun Pol banin lo iganeg ilasa ya. ¹² Insan silali isuas san yamel boi, urat san

yamel an tamolpein subam amad da yan sad na diñane diaup tinid fo digane dop subam ibisawai se ya. Ur sisaiak amad da yan dam nek ago mi digane se ya.

¹³ Juda aenkadi a ur saiak dukudai diau dugo dutor dan, Jesus yañan lo ur sisaiak an dibitinaep dukudai o ilo sou ago digane. Agog ur saiak tamol tinid lo dumado dan igo dupidai, “Jesus yañan a Pol ifulale dan lo alasap au kisaek oñ o mañ murupaian da.” ¹⁴ Juda pris gurman ta yañan Skeva in nanun 7 kubol an digane dugo dutor a. ¹⁵ Gug saen ta tamol ta ur saian anda yak durupeyi dugo, ur saian awad yabig ibol, “Ñai Jesus ñaloñ. Agod Pol dam ñaloñ. Gug añ en sauta yak i?”

¹⁶ Ago ibol ak tamol ur saian aman da yan imasag, maeg iganeg ifu saian. Tinid daon ipanig sad kulos irasisare idu ya. Agog Skeva nanun 7 an dar ad da nuñod kawan ab lo dilasag dumaspalu oñ go dusol diau a.

¹⁷ Agog Efesus na Juda tamolpein, agod Juda tia yan fidian ru an duloñ go tubun kasik direr. Agog Jesus Tubun en yañan man lak na geig diabisa.

¹⁸ Ilo rumok adi wei kasik dupalug, malak malak mel digane saian man kuai tem dufulale se ya.

¹⁹ Wei tinan buk lo nawir san mañau diñane yan inñsad buk disini dupalug dutumanig, tamolpein fidian malad lo dumari inani yau a. Buk an fidian san naod dutumanig, fifti tausen kina (K50,000) igo ilasa ya. ²⁰ Kulob funfun dabai anda dilasa yan lo, Tubun en san ru nek ago mi ilasag yaug tubun geig dugo, ifufurak go aben fidian lo yau a.

Efesus tamolpein tiñae saiak diabisa ya

²¹ Murnag mel fidian ilasag itout an, Pol yaup Masedonia nap Akaia na gup Jerusalem na yau o Urgan kankan ipanig ibol, “Aben an fidian ate ηau itout gup, Rom na dam ηau a.” ²² Ago tag inſan binawek uraru Timoti in Irastas da idinaig, Masedonia na diau. Agog inſen man saen kitek milaen mi Esia provins lo imado ya.

²³ Saen nek an lo mi muruan tubun ak “Dal En” ninen o Efesus na ilasa ya. ²⁴ Tamol ta, yanηan Demetrius, in silva nam melmel igane da. In silva nam tubud pein ta yanηan Atemis san tempel mitilaen wei mi igane idu ya. Agod inſan bisnis an lo moni tubun mi irae dugo, inηanen urat tamol dam urat an lo moni tim an tubun mi diηane da. ²⁵ Ago tag inηanen urat pinein agod aenkadi inſad urat naon kisaek an dam igiaig itumanaig irupidai, “An tamol gamu atumani an alon ak, idsad moni man urat nek en lo tile da. ²⁶ Agod gamu tamol a Pol dubol dan kulob igane dak anſem dam ale alon a. In ibol, tubud a tamol banid nam digane yan tubud tia ya. Ru an lo Pol tamolpein wei kasik naod yabitig ilod ibilisa ya. Tamolpein fidian Efesus na, agod wei mi Esia provins ilon lo dam, ru an dulonη la ya. ²⁷ Agod muruan tubun ak yen da. Idsad bisnis yen yanηak saian ak inηane wa. Muruan an mi tia. Taidam tubud pein Atemis san tempel mel kawan dubol dop inſan yanηan tubun an fon diabi idu wa. Tubud pein an Esia provins lo, agod tan titin fidian en lo tamolpein ago mi ubou an dile da.”

²⁸ Doup tubun ru an dulonη man tinηaed tubun mi saian tag disasai dugo dubol, “Efesus san Atemis inη tubun a.” ²⁹ Sisein an taun ilon inηane. Ago

dugo doup a taun lo yan Masedonia tamol uraru Pol dida diau an duburoug, tamolpein fidian sad tumanek aben lo diau a. Tamol uraru an Gaias in Aristakus da. ³⁰ Pol inſen ilo rumok tamolpein an ibisawaip, doup tubun an malad lo yaup, ru irupidai o igane yak man, ilo rumok adi diabituan a. ³¹ Provins san tamol gurman aenta, in Pol turan muroun, an dam ru kagin diganeg Pol san na yau. Kabelan tumanek aben lo doup malad lo ilasa banau o dumoi a.

³² Agog saen an tumanek lo doup leiſ tubun kasik digane se ya. Ago dugo tamolpein űneſo lo ru naon sensen disasai ilasa se ya. Man dugo, tamolpein wei kasik tumanek an fun ta dulon na ya. ³³ Juda adi tamol ta yaſan Aleksanda dubol dan doup malad lo dusoduduni ilasa ya. Agog tamolpein aenta doup ilon lo tamol an dududuwig targiraneſ ru ibol ilasa wo durupeſ se ya. Agog in targiraneſ ru tamolpein irupidai o banin nam touad touad igane se ya. ³⁴ Ak man saen in Juda tamol ago dile tag, 2 auwa igo woſ ru naon kisaek an mi disasai dugo dubol se, “Efesus san Artemis in tubun a!”

³⁵ Ago digane yau nag panu san pepa kubunek tamol ta tamolpein sad sisein yabi idug irupidai, “Efesus tamolpein alon! Tamolpein fidian dulon ak, an tubud e Artemis dubol den san tempel, agod pat a gun ak keit log idu yan dam kagin apidinai da. ³⁶ Agod talpein ta in an ta ilon na yak ago ibol san tia ya. Ago yak ninen o kute abol. Burau kagin ta mok agane na wa. ³⁷ An tamol en kawan geig anjal go apalu ya. In mel ta tempel ilon lo yak ta digam na ya. Agod idsad tubud Artemis ninen o

ru saian dam ta dubol na ya. ³⁸ Ago yak niñen o Demitrias inanen urat pinein dida talpein enti ta niñen o ru amad da tap, gurman dumado da. Agod kot dam inanen saen fom pempem ilasa da. Kot lo gup in ka nug dupei ila iso wa. ³⁹ Aria, an ru taida mi amam da tap, idsad tamolpein sad tumanek tubun ak lo aup, kubiaen san dal itaot ak fo mi muruan an akubune wa. ⁴⁰ Man dugo, lein en agane itout a, tia dop Rom gabman ilon pe, id aban daon tupani dan, ru ago ipanad dop isusad a. Man dugo, dusumianad tap, id malan kisaek tutumani ak san fun uyan an tabol san tia ya.” ⁴¹ Ru an ibol itout go idinaig dufurak diau a.

20

Pol Masedonia nag Gris na imul a

¹ Murnag lein an fidian itout go Pol ilo rumok adi igiaig, tan suek ru irupidai gug ibisawaig, Masedonia na yau. ² In gigin an fidian lo yaug, Tubun ak san ru wei mi lo tamolpein tan suek ipidinai dugo itor nag Gris na ilasa ya. ³ Atna kalam utol imado se ya. Agog iyawai Siria na yau o aban ikubune yak man, Juda dufuni imat o palan an dumari an ilon tag, imul go Masedonia na yau. ⁴ Tamol a Pol ida turen diabi dan sad yanadi igo ya: Beria tamol ta yan an Sopater in Pirus nanun. Tesalonaika tamol uraru Aristakus in Sekundus da. Derbi na man Gaias sen kisaek. Agod Timoti, ago dugo Esia provins lo tamol uraru Tikikas in Trofimas da ago fidian mi diau a. ⁵ Tamol an fidian imug diaug, Troas na malama digane se ya. ⁶ Bret yis an tia yak san soubul itout gug man

wog miñaneg, Filipai mubusei a. Nal 5 itout gug Troas na luad masag, ubou kisaek atna mumado ya. ⁷ Mañ Sande* guraian Tubun en san anañ mani wo mutumani a. Pol in salso salso yau ak niñen o tamolpein ru irupidai on go yaug tidom luak. ⁸ Galuñ lak na geig ak lo mumado yan te man lam wei mi dusulanai idug galuñ ilon lo dided se ya. ⁹ Pinein ta yañan Yutikas in ab san gigin fo imasi a. Ago dugo Pol saen milaen kasik inñen se yan lo, pinein an malan iyof go itarsuni dugo imado nag, yen padal dugo tan na yau idu ya. Ago ibol ak dudug imat an diabisa ya. ¹⁰ Ak man Pol idug, tinin fo ibilani idug, yabig ibol, “Arer amoi. En ñutun ta ibisei na ya.” ¹¹ Agog Pol imul ab lo isidag bret yafuteg diani a. Pol nek ago mi inñen dugo yaug salso idu gug ibisawai a. ¹² Pinein an kumaen imado dugo diñaneg inñiganen ab lo diaug ilod tubun mi uyanan a.

Pol Efesus ibisawai o dugo inñsan ru wadan irupidai a

¹³ Mañ Pol mibiseig imug wog lo misidag miyawaig Asos na mau. Man dugo, Pol in mañ da ru mufuni an lo, in ñien nam yau dop Asos na gup miñane wo ibol a. ¹⁴ Saen Asos na milasag mile man miñaneg Mitilini na mau a. ¹⁵ Atnag fon miyawai dag salsog nui Kaios ate milasa ya. Agog nal kisaek itout go nui Semos na misasau a. Salso idug afon miyawai dag Mailitas san loñ na miladu ya. ¹⁶ Pol Esia Provins lo saen ibidani man imoi tag, Efesus miriñani wo ilon yen a. Man dugo,

* **20:7:** Nal an man ubou san nal malmalan.

idaisuda tap, in ririan Jerusalem na Pentikos saen fo mok ilasa wo ilon ago yen a.

¹⁷ Pol Mailitas na imado dugo Efesus na ru iganeg, midaen san matu adi dupalup dutumani wo ibol a. ¹⁸ Dilasag dutumani gug irupidai, “An alon ak, saen malmalan nai Esia provins lo nilasag, naisag madok saen fidian nai an da tumado na yan ale alon. ¹⁹ An alon ak, naiseg ibiag nadu dugo, Tubun en san urat malag turon ag da, muruan ag da urat an nigane se ya. Juda adi dam dutumanig nai malag dusue wo dinjen se ya, an lo muruan in madai da dupanag an dam nsini se ya. An dam alon uyanan a. ²⁰ Agod alon ak, nai mel ta idunan san ak nabol ilasa san njen o ta nusuksuk na ya. Tia, nai malak malak lo, agod ansiganem ab lo ru nfulale dugo nipitenan se ya. ²¹ Juda igom Juda tia yan ru dabai anda nurupidai se ya. Ilod dibilisap, naod Anut dupanip, idsad Tubun en Jesus njen o ilod rumok o nabol dugo dulon a.

²² “Aria, Urgan nai isubanag go Jerusalem na nau o ibol a. Gug ante ata nai o ilasa wan ta nalon na ya.

²³ Mel kisaek en nalon la ya, taun fidian ate nilasa dan te Urgan irupaia ak Jerusalem na madai agod muruan wei mi malag igane da. ²⁴ Naisag ilo sou lo naisiganeg madok an mel tubun tia ya, agod naiseg tinig o kankan ta nigane na da. Tia, nai Jesus Tubun en urat ipanag an nigane itout o yaes ifunag da. Urat an man, nai Anut san ilo panek tubun mi tamolpein fidian njedi wo yen dan nfulale san ama ya.

²⁵ “Nai an fidian lunam lo nator dugo Anut san kagin panek san ru nfulale na ya. Gug nai nalon ak, mitep an fon nai naog ta ale na wa. ²⁶ Ago

yak niŋen o ŋai gamu ŋurupaian da. An en ta adeg au tap an ŋaisag ai wadan tia ya. ²⁷ Man dugo, Anut san ilon fidian ŋai irupaiaŋ go ŋaloŋ an fidian ŋurupaian o an niŋen o ta ŋasuksuk na ya. ²⁸ Sem kagin ipanaŋ dop Urgun sipsip malan tubun banim lo igane yan dam kagin apidinai uyanan a. Sipsip an Anut iŋanen Nanun san dar lo iŋal a. An Tubun en san midaeŋ sad titianek adi ak niŋen o afutai o uyanan a. ²⁹ Ŋai ŋaloŋ ak, saen ŋai ŋubusawaŋ dop tamolpein goun kasik igo woŋ ak dupalup, sipsip an ilod ta isou na wa. ³⁰ Agod aŋ luluŋam lo tamol aenkadi dilasap siganed ru sewak lo ru rumok an dukubuli dop senamo geig ilasa wa, an lo dop ilo rumok adi dirawai dop ŋied abad diri wa. ³¹ Ago yak niŋen o kagin agane dop ilom isou. Anaŋar utol malag turon anda tidom ad aŋ kagin agane san ru kagin ŋurupaian na ya.

³² “Gamu Anut banin lo ŋidiraŋ da. Agod iŋsan ilo muŋanek san ru aloŋ an ibunawaŋ pe, aŋanem ilo rumok dabai ipani wa. Ru an dam iganep aŋ tamolpein a Anut idiraig gun dilasa yan dida Anut san wasar an sisem mi aŋane san idaisuda geig a. ³³ Ŋai talpein ta san silva boi, tia gol boi, tia tinin san biouŋ boi, banin na ŋiŋane wo malag ta isi na ya. ³⁴ An fidian aloŋ ak, ŋaiseŋ banig en nam urat ŋigane dugo, mel lo ŋai turag dida katuk amama yak sema ibunawama se ya. ³⁵ Mel fidian ŋai ŋigane se yan lo ŋukubiai panaŋ, ago mi aŋ urat wagai agane dop lo talpein ta iŋ dabai ad tia yak abinawai a. Jesus, idsad Tubun en, ru ibol ak ilom isou. ‘Talpein mel pani dan san ilo uyan man oŋse mel ŋane dak san ilo uyan iriŋani a.’ ”

³⁶ Saen Pol ru ibol itout man, turun isaluwig fidian dida dugudani a. ³⁷ Tamolpein fidian ditatag, tinin diamisi dugo musuk dupani se ya. ³⁸ Inj afon naon dile san tia ibol ak niĵen o ru an ilo sou man diganeg, ilod tubun mi saian. Agog fidian diĵaneg, wog lo diaug, iyawai yau a.

21

Pol Jerusalem na yau a

¹ Maĵ Efesus tamolpein banid mabig, mubusawaig, itaot miyawaig, nui Kos na ate mau. Ate maen mumasa gug, nui Rodes na madu ya. Atna gug Patara na mau a. ² Patara na wog ta Fonisia na yau o igane dugo mile tag fo misidag miyawaig mau a. ³⁻⁴ Maug malama yaug Saipras mile dugug wog naon ŋas lo dibilisag, Siria na mau a. Agog Taia sad loĵ na misasau a. Atna wog biouĵ kadi ipasi wo tag ilo rumok adi abanĵad mabig aenkadi meil go dida ubou kisaek mumado se ya. Urgun ilo rumok adi Pol Jerusalem na muruan ile wo ikibiai pidinai ak niĵen o Pol Jerusalem na ta yau na wo durupeĵ a. ⁵ Gug mau san saen idu ya. Agog inj fidian inĵaned peĵin nanuk dida diĵiliamag Taia mubiseig loĵ na madug, maĵ fidian lul fo turuma misaluwig mugudani. ⁶ Agog maĵ banid mabig wog lo misida dugo inj fon dumul siganed ab lo diau a.

⁷ Maĵ fon miyawaig Taia mubiseig maug, Tolemes na madu ya. Atna ilo rumok adi aenkadi meil go banid mabig, dida nal kisaek mumado ya. ⁸ Salsog Tolemes mibiseig, Sisaria na mau a. Atna Anut san ru bilabal tamol ta yaĵan Filip

dubol dak san ab lo maug ida mumado ya. Tamol 7 a Jerusalem na dipilianai an Filip dam luluᅇad lo imado ya. ⁹ Inᅇ nanun pein iwoiwo iwod tia dumado dan profet ru dubol ilasa da. ¹⁰ Maᅇ nal aenta atna mumado dugo, Judea na profet ta Agabus dubol dan ipalu ya. ¹¹ Inᅇ maᅇ sama na ipalug, Pol san let iᅇaneg sen ᅇien banin isubanig ibol, “Urgun igo ibol, ‘Let en muroun mitep Jerusalem na Juda adi nek igo dusubanip, tamolpein Juda tia yan banid lo digane wa.’ ”

¹² Maᅇ ru an malonᅇ go ilo rumok adi ate dumado dan dida Pol Jerusalem na ta yau na wan ilon miᅇane wo maeg migane ya. ¹³ Gug Pol awama yabig ibol, “Aᅇ ata wo aᅇsam tinaᅇ en lo ᅇai ilo muruan apanag dak i? ᅇai dibiag pe dusubanag ak niᅇen o ta ᅇarer na da. An mi tia ya. ᅇai Tubun en Jesus yaᅇan lo ka dufunag ᅇamat a.”

¹⁴ Maᅇ ilon miᅇane sisi tia tag mabol, “Gidad, Tubun en ilon ibol dak ago mi igane.”

¹⁵ Atna kitek mumado gug abanᅇ mukubuneg Jerusalem na mau a. ¹⁶ Sisaria na ilo rumok adi aenkadi dam dida maug, tamol ida mumado wak san ab lo diᅇiliama ya. Tamol an yaᅇan Nason. Inᅇ Saipras tamol, agod Kris tamolpein imug mi ilod lo rumok ak luluᅇad lo inᅇ tamol kisaek ta.

Pol Jems ile wo yau a

¹⁷ Saen maᅇ Jerusalem na milasa man ilo rumok adi ilo uyan lo diᅇiliama ya. ¹⁸ Agog maen go tidomi Pol da Jems mile wo mau a. Jerusalem midaᅇn san matu fidian saen an malama digane se ya.

¹⁹ Agog Pol ilo uyan ru irupidai, ago gug Anut inᅇ

lo tamolpein Juda tia yan luluᅇad lo urat igane na yan ibol dugo duloᅇ se ya.

²⁰ Matu adi ru an duloᅇ go Anut yaᅇan diabisa ya. Ago gug Pol durupeᅇ, “Oᅇ uloᅇ ak, Juda wei kasik ilod lo rumok a. Agod iᅇ fidian Moses san kubiaeᅇ bubed ᅇtudi fidian lo duri dupani da.

²¹ Gug talpein ta ru en oᅇ niᅇ wo durupidai dugo duloᅇ a. Oᅇ Juda tamolpein gigin aenkadi lo dumado dan Moses san kubiaeᅇ dumoi o piteᅇanai da. Ago dugo iᅇaned nanuk tamol ak dam tinid suᅇulon dutute dumoi o ubol da, agod Juda sad tamol kagin dam ta digane na wo ubol da. ²² Ak niᅇn o dugo tigane wak i? Oᅇ palu yan san ru ifufurak yau dan lo milaen tiap ru an duloᅇ mok a. ²³ Maᅇsama ru en uloᅇ pe uri. Tamol iwoiwo gamu etna dumado dan, promis ta ru dabai anda yak lo Anut dupani an paen na dumado da. ²⁴ Iᅇ promis an digane itout san saen gamu ya. Ago yak niᅇn o dida aup, promis digane itout dan san midaeᅇ lo aladup, malak malak lo dida gun alasa wa. Ago dop iᅇsad promis itout san naon sapta dubol dop udad pidinai a. Ago dop iᅇ ka gurnad didawi yau a. *

An lo dop tamolpein oᅇsa ru fidian duloᅇ na yan rumok tia yak dubol a. Man dugo, oᅇse dam oᅇ Moses san kubiaeᅇ kagin pani da. ²⁵ Gug ilo rumok tamolpein adi iᅇ a Juda tia an, maᅇ ru kagin igo migireg murupidai a. Iᅇ anaᅇ a tamolpein tubud sewak adi dupidinai dan ta diani na wa. Dar dam geg. Agod mel burod dususe yak sad dar ta ilasa na yan dam ta diani na wa. Agod jeit kagin dam ta digane na wo mabol a.”

* **21:24:** Gurma dawek man promis itout amaiak san kob a.

²⁶ Ago tag dien dumasag Pol tamol an injal go Anut malan lo sed idiraig gun dilasa ya. Murnag Pol tempel lo iladug, inşad midaeñ an itout san nal kob ipani wo pris ta irupeï a. Nal 7 itout gup, in anen anen Anut yai digane pani o dam irupeï a.

Juda adi Pol dusubani a

²⁷ Nal 7 an itout o sumeik dugo Juda aenkadi Esia provins lo yan Pol tempel lo dile ya. Agog tamolpein fidian ated dusueg Pol diabig, ²⁸ awad tubun mi disasai dugo dubol, “Isrel tamol! Abunawama! Tamol nek en aben fidian lo itor dugo tamolpein Juda adi dil saïadi wo ipiteñanai se ya. Ago dugo Moses san kubiaeñ nuñon tia yak ago ibol dugo, tempel dam ta gun na yak ibol se ya. Agod gamu en tamol Juda tia yak injal go tempel lo diladug, aben gun en nun dupani a.” ²⁹ Man dugo, Efasas tamol Trofimas in Pol da Jerusalem ilon lo dutor dugo dil an niñen o ilod lo Pol tamol an inañeg ida tempel lo diladu yak, ago ilo sou digane se ya.

³⁰ Agog uñaon tubun kasik Jerusalem ilon lo ilasag tamolpein dumaspalug, Pol tempel san tu-manek aben lo imado dugo diraeg, patun fo dilasa ibol ak tempel san dalawan dufutanai a. ³¹ Doup tubun an Pol dufuni imat o digane dugo, Rom san yu tamol adi sad gurman tubun an ru inane, “Jerusalem ilon lo tamolpein fidian silei digane da.” ³² Gamu nam gurman tubun an yu gurman in paen na yan injal, yu tamol aenta dam injal go doup tubun an sad na dumaspalug diau. Saen tamolpein Rom san yu gurman tubun an yu tamol adi dida dupalu dugo dil tag Pol dufuni an dumoig

dibisei a. ³³ Yu tamol sad gurman tubun an Pol san na yaug yabig ibol dugo sein uraru nam dusubani a. Agog tamolpein isumianai, “En so tamol ta i? Agod in dugo igane ak i?” ³⁴ Ago dugo tamolpein ru naon gidigheid dubol dugo uñaon tubun kasik yen. An lo yu tamol sad tubun an ru fun ta ilon na ya. Ago tag Pol dijanep yu tamol sad njon ab sakar ak lo digane wo ibol. ³⁵⁻³⁶ Agog yu tamol adi Pol dijane diaug, tet fun te gug diabisag, lak na disini a. Man dugo, tamolpein malan tubun Pol adi njied fo dupalu dan dufuni imat o dutur. Ago dugo disasaig dubol, “Afuni imat!”

Pol doup malad lo sen ipirani a

³⁷ Pol ab an lo dijane diladu wo digane dugo, yu tamol sad gurman irupei, “Dugo, nai ka on ru ta nrupaio wak i?”

Agog yu tamol sad gurman Pol irupei, “On Grik ru ulon ak i? ³⁸ Nai nabol on Igipta tamol ta imug doup tubun injal go gabman ida ager dumado wo igane amaiak nabol a. Agog tamol foa tausen banid yu dumui anda injal go tan kawan ak lo diau a.”

³⁹ Ago dugo Pol awan yabig ibol, “Nai man Juda tamol, Silisia na taun yanjan Tarsus dubol dak lo njilasa ya. Nai taun yanjan anda yak san tamol. Ak dugo, nai tamolpein ru ka nrupidai ak i?”

⁴⁰ Yu gurman an uyan ak ibol tag Pol tet fo imasa itur go tamolpein awad itau wo banin nam toutou igane ya. Aban fidian yaug malin idu dugo Pol Hibru lo tamolpein ru irupidai.

22

¹“Naisag teig muroug, tamag muroug, kududom agurep, naisag ru itargiranag san naom na ninen dop alon.”

²Saen Pol Hibru lo ru irupidai dugo dulon man, aban fidian kute ibol a. Agog Pol ibol, ³“Nai man Juda tamol, Silisia na taun yanjan Tarsus dubol dak lo nilasa ya. Gug etna Jerusalem na tamol njigane ya. Gamaliel in naisag girek manau. Nai idsad tubud baged sad kubiaen nuri nupani san ru dabai geig nalon se ya. An Anut awan ari apani dak ago mi nai dam awan nuri nupani da. ⁴Nai nabol dugo, tamol Jesus o ilod rumok an mala suek nupidinai dugo, aenkadi duburoug subanek ab lo didirai a. Agod aenta dufu dumat na ya. ⁵Pris malan te yak, in kaunsil fidian dida ru rumok nabol dan dulon a. Ak ninen o ka dubol dop alon a. In nai girek dupanag go idsad Juda tamolpein Damaskus na dumado dan sad na nisini nau. Girek an tamolpein nuburoup sein nam dusubanaip, nanal pe, Jerusalem na mupalup muruan disini san ibol a.”

*Pol Kris ilasa yak ninen o ibol a
Apo 9:1-18; 26:9-18*

⁶“Gug nal ta ad titinae Damaskus sumeik nupani dugo, lilaman ta malan geig ak irakilawi. ⁷Agog tan na nau nadug, awan ta iwagin go ibol, ‘Sol, Sol! Ata wo nai malag sue dak i?’

⁸“Agog nai nusumiaen, ‘Tubun en, on enti?’ ”

“Agog awag yabig ibol, ‘Nai Jesus, Nasaret tamol amaiak malag sue da.’ ⁹Tamol nai dida mau an lilaman dile gug awak a nai da mininen an awan ta dulon na ya.”

¹⁰ “Agog ηusumiani, ‘Tubun en, dugo ηigane wak i?’ ”

“Agog Tubun en irupaiag, ‘Masap, Damaskus na wau gup, Tubun en san ilon on lo dugo isou dan fidian durupaio ulon a.’ ¹¹ Lilaman an malan kasik an lo ηai malag tidom tubun, agog aban ηile san tia ya. Ago tag turag muroug dida mau an banig te diabig dida Damaskus na mau a.”

¹² “Agog tamol ta yanηan Ananaias, in pempem Anut san ubou ile da. In idsad kubiaen kagin ipani da. Juda tamolpein Damaskus na dumado dan in Ananaias yanηan diabisa da. ¹³ In ηaisag na ipalug, sinjireg na itur dugug ibol, ‘O teig Sol, mala ipuk pe aban ule.’ Ago ibol ak nek saen an lo mi malag ipuk go in ηile ya. ¹⁴ Agog irupaiag, ‘Id tubud baged sad Anut on inηan ilon ulon o ipiliano ya. Ago dugo inηanen Tamol Itaotan an ule san, agod inηanen awan ulon o dam ipiliano ya. ¹⁵ Man dugo, melmel a ule ulon na yan, in patun fo utur dop tamolpein fidian ta dulon na yan rupidai dulon a. ¹⁶ Ago yak ninen ata wo mala gane dak i? Masap, suguek ηanep, inηanen yanηan lo gudani dop, onηane aupasek ipasi yau a.’ ”

¹⁷ “Agog ηai ηamul Jerusalem na ηaug, tempel lo ηugudani dugo, malag ηutun ηile ya. ¹⁸ Malag ηutun lo Tubun en ηaisag na inηenη dugo ηile ya. Agog ibol, ‘Ririan Jerusalem bisei. Man dugo, tamolpein etna ηai nineg o ubol ilasa dan uyan ta dupani na wa.’ ”

¹⁹ “Ago tag ηai awan ηabig ηabol, ‘Tubun en, in dulon ak, ηai ubou ab fidian ilon lo ηiladu ηilasa dugo, tamolpein on o ilod rumok se yan ηibiaig ηafu idu na ya. ²⁰ Agod saen Stiven pat nam dufuni imat

man, ηai inη sinired na ηatur dugo uyan ηupidinai a, ago dugo a dufuni se yan sad kulos kagin ηupani se ya.’ ²¹ Gug Tubun en irupaiag, ‘Wau. ηai ηidinop, asau geig tamolpein a Juda tia yan sad na wau a.’”

Pol Rom tamol ta

²² Tamolpein fidian Pol san ru an dulonη yau nag, ru ta a tamolpein Juda tia yan niηedi wo ibol an dulonη go ilod imoi geig a. An lo afon awad tubun mi disasai dugo dubol, “Agane imat. Tamol naon ago man imado san ta idaisuda na ya.” ²³⁻²⁴ Tamolpein fidian disasaig, inηsad kulos dubal dugo gufgaf dam disinig lak na dubal isida se ya. Ago tag Rom san yu gurman an ibol dugo Pol diηaneg, yu tamol sad ηionη ab ilon lo diladu ya. Yu gurman an inηsan yu tamol irupidaig, Pol rasau nam dufuni dop ata mel niηen o doup disasai se yan fun ibol ilasa dop ilonη o ago igane ya. ²⁵ Gug dirae didarig bu dupani wo digane dugo, Pol yu gurman ta siniren na itur dan isumiani, “Dugo, kubiaenη dugo ibol dak i? Rom tamol ta kot lo sumianek gamugo pani dop ka funi wak i?”

²⁶ Yu gurman ru an ilonη tag Rom san yu gurman tubun an san na yaug isumiani, “Onη dugo gane wo dak i? Tamol an inη Rom tamol.”

²⁷ Ago tag yu gurman tubun an Pol san na yaug isumiani, “Rupaiag ηalonη. Onη Rom tamol ak i?”

Agog Pol ibol, “Awo.”

²⁸ Rom san yu gurman tubun an irupei, “Moni naon lak na yak nam Rom gabman ηupani dugo ate Rom tamol igo ηilasa ya.”

Agog Pol ibol, “ηai tinag tamag inη Rom tamolpein, ago yak niηen o ηai dam mi Rom tamol.”

²⁹ Ago ibol ak yu tamol a Pol bu dupani wo dutur an gamu nam dusuksuk diau a. Rom san yu gurman tubun an dam irer saian. Man dugo, Pol Rom tamol ak gug sumianek tia ka ibol dugo sein nam dusebani an ilo sou man inane ya.

Pol Juda sad kaunsil malad lo itur a

³⁰ Yu gurman tubun an ata mel ninen o Juda tamolpein Pol dufuni imat o disasai na yan fun aban ile wo igane. Ago tag tidom lom mi ibol dugo pris gurman adi in kaunsil dida dutumani a. Agog Pol banin na sein digane yan dupasig, dinane diaug naod na dugunig itur a.

23

¹ Agog Pol Juda kaunsil yil dugo ibol, “Teig taog, nasag madok ipalug gamu saen en, Anut malan lo malak malak ka nabol a, naineg kankan mel saian ak ta niganey yak ninen o ilog ta issue na dugo miai dam ta ifunag na da.” ² Pris malan te yak, yan Ananias, ru an ilon go tamol a Pol sinjiren na dutur an kudanug dugufute wo irupidai a. ³ Ago dugo Pol ibol, “Anut dam on ifuno wa. Ata wo? On nek ibol mutou pen milkouk ak nam bala dupani dugo ilon man saianan ak igo won. On ete masi dugo nai kubiaen iri panim kot panag o igo gug onse dam kubiaen pilalig, nai kudanug dugufute wo ubol dak i?”

⁴ Agog tamol Pol sinjiren na dutur an durupe, “On Anut san pris malan te yak ru saian ak nam pei dak i?”

⁵ Ago tag Pol ibol, “Teig taog, nai in pris malan te yan ta nalon na ya. Anut san ru girek lo yan ago

ibol, ‘Onjane gurman adi niñedi wo ru saian ak ta ubol na wa.’”

⁶ Pol tamol dutumani an aenkadi Farisi dugo aenkadi Sadyusi ilonj tag, awan tubun mi kaunsil irupidai, “Teig taog! Njai Farisi, agod naj tamag inj dam Farisi. Njai gamu kot lo njatur den san fun man, naj tamol dumat ak kumaen dumasa da wan ninen o ilog lo rumok go, mel an ilasa wak o mala nouk njumado da.”

⁷ Saen inj ru an ibol go dulong an Farisi inj Sadyusi dida nug diabi se ya. Agog inj nug ditarpaleg malan uraru dilasa ya. ⁸ Man dugo, Sadyusi inj dubol, tamol dumat ak kumaen dumasa san tia ya. Agod id fidian njutud tia yak dubol da. Agod enjel dam ta dumado dak dubol da. Gug Farisi adi man inj mel utol an rumok ak dubol da. ⁹ Agog nug tubun mi dububunani dugo kubiaen san girek manjau aenkadi Farisi patud fo dutur dan dumasag, ru dabai anda dubol, “Id tamol en mel igane saian ak ta fun tile san tia ya. Nag ur uyan ak boi, tia enjel ta boi, awan lo ilonj go ago injinen da!”

¹⁰ Ninen jaug dabai dugo Rom san gurman tubun an ago ileg ilon idu ya. Kabelan Pol daon dupani banau. Ago tag injsan yu tamol idinaig, doup lulonjad lo dudug, afon Pol dinjane diaug injsad njonj ab lo digane iladu ya.

¹¹ Tidom an lo Tubun en Pol giranjen na itur dugo irupej, “Dabai njane! Onj Jerusalem na naj ninjeg o ubol ago mi Rom na dam nek ago mi ubol a.”

Pol dufuni imat o palanj an dumari a

¹² Salso idug Juda aenta dutumanig Pol dufuni imat o awad dutumani a. Agog Anut malan lo ru

lak na geig ak lo sed isubanai a. In anan you da lo sed geg ipidinai dumado dop, saen Pol dufuni imat mok gup, anan diani wa. An lo subanek ru an paen na sed idirai a. ¹³ Tamol kitek 40 irinani ago kulob an digane ya. ¹⁴ Agog pris gurman adi in matu dida sad na diaug durupidai, “Manjsema anan you da lo geg ipanama dugo Anut yanjan mupateg lo manjanema ru dabai mupani a. Manj Pol mufuni imat mok gup anan mani dop you maluk a. ¹⁵ Ago yak ninen o anj kaunsil dida ru aganep Rom san gurman tubun an san na yau. Anj imug irawip, Pol igane ipalu dop anj kitek taidam asumianip ru ibol an san fun alonj o uyan ak ago arupei. Gug manj man dal te tawanj mumado wa. Pol ente ta ilasa na dop dal na mufuni imat a.”

¹⁶ Ak man Pol nigainab injsad ru an ilonj tag yaug, yu tamol sad njon ab an ilon lo iladug, Pol njinen an irupei ilonj. ¹⁷ Ago tag Pol injsad yu gurman ta iwagig irupei, “Pinein en njanep ida anjam tubun en san na au. In ru aman da yak ibol ilonj o da.”

¹⁸ Ago tag yu tamol sad gurman pinein an injaneg injsad tubun en san na diaug ibol, “Subanek tamol Pol amaiak igiag go pinein en onsa na njinane njupalu ya. Man dugo, in ru aman da yak ibol ulonj o da.”

¹⁹ Ago tag yu tamol sad gurman tubun en pinein an injaneg gigin na diaug isumiani, “Onj so ru ta ama da i?”

²⁰ Agog pinein an ibol, “Juda gurman adi dutumanig awad kisaek go dubol. Gabulop diraek pe kaunsil adi Pol dusumianip ru fun dulonj uyan o dupalup dusumiano wa. ²¹ Gup awad wabi umoi. Man dugo, tamol 40 dimianuk ak dumado da. In

geg dabai ak lo dumado da. Sad geg san fun man igo ya, Pol dufuni imat mok gup in anan diani dop you duluk a. In fidian aban dukubune yak tawan dumado da. On mi dugo ubol ak o mala digane da.”

²² Agog yu gurman tubun en pinein an irupej, “Waup, ru naj naog na ubol an gidigheid ta mok ubol na wa.” Agog pinein an idinig yau.

Pol dupasig Sisaria na yu tamol dida diau a

²³ Agog yu tamol sad gurman tubun en yu gurman uraru in paen na yan igiaig dupalug irupidai, “Yu tamol 200 sabiri ad da yak anjal pe, 70 taidam hos san, agod 200 yu amad da yak dam anjal pe, 9 kilok tidom Sisaria na Pol da au. ²⁴ Pol ninen o hos taida akubuniaip, anjal pe, provins san gurman Filiks san na au. Pol kagin apani uyanan dop anane au a.” ²⁵ Agog yu gurman sad tubun en Filiks san na girek igo igire,

²⁶ “O tamol tubun, Filiks. Adian. Naj Klodias Lias onsa na girek en ngire da. ²⁷ Juda adi tamol en diabig dufuni imat o digane se ya. Ak man saen naj in Rom tamol ago nile nalon tag, naisag yu tamol dida maug patu pasek mupani a. ²⁸ Naj ata mel ninen o in ru dupani se yan fun mok nalon o ilog ibol tag, ninaneg, Juda sad kaunsil sad na mau. ²⁹ Ago gug ru fun nile yak man, in mel ta igane saian pe ninen o dufuni imat san nile man tia ya. Mel ta ninen o subanek lo migane san dam ta nile na ya. Mel ninen o ru dupani se man insigned kubiaen ninen o mi ru dupani se ya. ³⁰ Agog saen Juda aenkadi dufuni imat o palan an dumari dan san ru ninane tag, onsa na nidinig ipalu da. Tamol a

in̄ kot an digane dan, dupalup on̄ nao na gup, kot digane wo n̄abol n̄urupidai a.”

³¹ Yu tamol in̄aned tubun en ibol ago mi digane ya. Tidom nek an lo mi Pol dijaneg diaug, Antipatris na dilasa ya. ³² Tidom lom mi yu tamol n̄ied nam mi an dumul abed na dupalu dugo, yu tamol adi hos fo yan Pol dijaneg diau a. ³³ Pol dijaneg Sisaria na dilasag, Rom san gurman tubun an girek dupani dugo, Pol dam banin lo digane ya. ³⁴ Gurman tubun en girek an isutig, Pol so distrik ta lo ipalu amaiak ilon̄ o isumiani a. Agog Pol Silisia distrik lo ipalu yan ilon̄ tag ibol, ³⁵ “Saen tamol on̄ kot a digane yan dupalup dilasa dop, on̄sa kot n̄alon̄ a.” Agog Pol gabman Herod san ab san galuñ lo bitinaek diganed amaiak lo imado dop tawan̄ an dumado wo Filiks ibol a.

24

Filiks Pol san kot ilon̄ a

¹ Murnag nal 5 itout go pris malan te yañan Ananias, in̄ matu aenkadi dida, agod tamol ta Tertulus dubol dak ida Sisaria na diaug, Filiks naon na Pol kot an digane ya. Tertulus in̄ n̄in̄en san kaman̄ tamol, ago yan lo Juda awad in̄aneg kot lo in̄in̄en o dipiliani a. ² Agog Filiks Pol iwagig ipalu gug, Tertulus fun iganeg Pol n̄in̄en ipanig ibol,

“O Filiks, tamol tubun en! On̄sa kankan milaen an lo saen milaen mok mañ maror lo mi mumado da. Agod kagin foudi a panañ an lo gamu mañsama tan lo melmel wei mi kubuneg dilasa uyanan a. ³ Mañ aben fidian lo mel an n̄in̄en o mamat da. Agod niñe wo iloma tubun kasik

uyan dugo onjane binawek minjane dan dam ninjen o iloma uyanan da. ⁴ Nai onjane saen ta njobidani na wa. Ago yak ninjen o nsumiano da, gidad, ilo panamap tamol en sad awad ninjane la ya, ago yak ninjen o sad ru katukan en njabol dop ulonj. ⁵ Manj tamol en mile yak inj fun saian. Juda tamolpein aben fidian dumado dan silei digane wo ated isue da. Agod inj biatitek ta yanjad Nasarin dubol dan injsad gurman ta. ⁶ Inj dam tempel lo iladug Anut malan lo nun ipani wo igane dugo ante mabi a. Agog manjsiganema kubiaenj iri panim muruan en mukubune wo migane se ya. ⁷ Ak man yu tamol sad gurman tubun ak Lisias dubol dan ipalug silei nam banima na injane ya. ⁸ Agog Lisias irupaiaama, tamol en onj nao na kot an migane wo ibol. Onse tamol en sumiani gup, mel fidian ninjen o mabol dan ulonj a.”

⁹ Agog Juda fidian awad dutumanig, Tertulus san ru dabai dupani se ya.

Pol Filiks naon na sen ipirani a.

¹⁰ Agog Rom gurman Pol injinjenj o tuad ipani tag Pol ru fun iganeg ibol,

“Nai njalonj ak, onj saen milaen mok tamolpein en sad ru tulek mado yak ninjen o naj onj nao na njatur dop seg ipiranag o ilog uyan da. ¹¹ Isop onj sumianai gup ka ulonj a, nal ¹² gamugo yau dugo, naj Jerusalem na Anut yai njigane pani wo njisida njau a. ¹² Juda adi naj tempel lo tamolpein dida nug aen matog dugo ta diliag na ya. Injsad ubou ab fidian lo, agod Jerusalem na dam tamolpein ated njusueg unjaonj ilasa wo ago njigane ta dubol na wa. ¹³ Agod gamu ru e onj nao na naj dupanag den

dabai dupani san in dal ad tia ya. ¹⁴ Gug mel en ninen o nai malak malak nabol ilasa san an ninen o miai ta ifunag na da. Naisiganeg ubou leil Anut nupani duman, ilo rumok san dal e 'Dal En' dubol demaiak iri panim, tubum bagema sad Anut ubou an mi nile da. Juda adi ilo rumok san 'Dal En' in biatitek dubol da. Gug naisag ilo sou lo man an biatitek tia ya. Nai ru kagin fidian Moses san kubiaen lo, agod ru fidian profet adi digire yan dam fidian ninen o ilog rumok da. ¹⁵ Nai Anut ninen o mala nouk numado dak ago mi Juda adi e dutur den insad mala nouk dam naon kisaek mi a. Mala nouk nek en lo, mitep nal ta ilasa dop lo tamolpein itaot ak, agod a ta itaot na yan dam fidian maten lo dumasa da wa. ¹⁶ Ago yan lo nai pempem igo maeg nigane da, mel ta Anut in tamol dida nigane pidinai an ninen o naisag kankan muruan ta ipanag na da.

¹⁷ "Nai wagam mi Jerusalem nubiseig nator se ya. Ananar kitek wei mi ibisawag gug, afon namul o dugo, moni a Juda tia yan dutumanig dupanag go nisinig nupalu ya. Moni an lo Juda adi mel ta lo katukadi dop lo nibinawai san an nisinig Jerusalem na nupalu ya. ¹⁸ Saen an lo, nai midaen lo ikok nilasa la gug tempel lo nator dugo diliag a. Ago dugo nai atna doup ta dida mumado man tia, agod lein dam tia ya. ¹⁹ Gug Juda aenkadi Esia provins lo yan saen an dumado dugo nai nineg o ilod saian a. Ak ninen o naisag muruan ta dile tap insed dupalup on nao na kot digane wa. ²⁰ Tia tap, tamol amaiak sumianai dop, saen nai Juda kaunsil naod na nator dugo naisag muruan dile tap, dubol dop

ulonj. ²¹ Nek mel kisaek en mi kaunsil naod na njatur dugo njabol, 'Nai gamu kot lo njatur den san fun man, nai tamol dumat ak kumaen dumasa da wan ninjen o ilog lo rumok a.' Naisag muruan tag nek an mi a."

²² Ago ibol ak, Filiks inj Kris sad ilo rumok san dal an ilonj ak ninjen o kot an ituteg, irupidai, "Yu tamol sad gurman tubun Lisias ipalu gup, anjam kot en san nunjon njabol alonj a."

²³ Agog Filiks yu gurman irupeig tamol diti-tianig dumado dan dijnane diaup, aben nam digane wo ibol. Subanek kadi diginiaai dak ago ta digane na ya. Inj turan muroun man ka dupalup dile dop mel ninjen o katukan dop lo ka dubinawi wak ago ibol irupidai a.

Pol Filiks iwon Drusila da naod na injinjen a

²⁴ Nal milaen tiag Filiks iwon Drusila da dupalu ya. Inj Juda pein. Agog ru igane dugo Pol dijnane dupalug ilo rumok Jesus lo yan ninjen o injinjen se ya. ²⁵ Pol inj Filiks agod Drusila ago njinjen en igo dijninjen se ya, kagin itaot, tinid ditirni san kagin, agod Anut san bitinaek murna ipalu wan, fidian ninjen o dukubiaai ila iso se ya. Pol mel an ninjen o injinjen dugo, Filiks irer tag Pol irupeai, "Njinjen gamu san nek gane ya. Ka wau a. Nai saen kawan ak ta da dop njigio da wa." ²⁶ Saen an lo Filiks inj san ilo sou lo Pol inj moni ta ipani wak ibol. Ago yan lo pempem iwagi dop ida dijninjen se ya.

²⁷ Anajar uraru itout gug Pokias Festus, Filiks aben injane ya. Filiks Juda tamolpein ilod uyan san ninjen o Pol ipasi an imoig, subanek lo mi imado se ya.

25

Pol Festus naon na itur a

¹ Festus Filiks aben inaneg nal utol yau, agog Sisaria ibiseig Jerusalem na yau. ²⁻³ Atna pris gurman adi, in gurman aenkadi dida Festus nao na Pol kot an digane. In Festus ilon dinane, agop inaned ilod ibol dak ago iganep Pol Sisaria ibiseip Jerusalem na yau o dubol. Man dugo, in gubak tam palaŋ an dumari la ya. Dal na dop dufuni imat o dubol. ⁴ Agog Festus awad yabig ibol, “Pol in Sisaria na subanek lo imado da. Agod ŋai dam nek atna ŋau o sumeik da. ⁵ Ago yak ninen o ananem gurman ŋai dida maup, tamol an mel ta igane saian tap, dubol dop ŋaloŋ.”

⁶ Festus nal 8 boi tia 10 boi, atna imado gug imul Sisaria na yau a. Yen imasag tidomi kot duloŋ dak aben lo imasi gug, Pol dinane dupalu wo ibol. ⁷ Saen Pol ipalu yan Juda Jerusalem nag dupalu yan dutur dulubanig muruan tubun kasik igane ago dubol. Gug inŋsad ru an dabai dupani san dal tia ya.

⁸ Ago dugo Pol sen ipiranig ibol, “Ŋai Juda sad kubiaen, tempel san kubiaen ta ŋupilali man tia ya. Kaisa dam lo ŋigane saian man tia ya.”

⁹ Festus in Juda adi binawek kitek ipidinai o imat an lo Pol isumianig ibol, “On Jerusalem na waup, ru dubol na yan iri panim onsa kot ŋaloŋ o umat di?”

¹⁰ Ago dugo Pol ibol, “Ŋai Kaisa san kot lo ŋatur da. Ete mi ŋaisag kot uloŋ a. Ŋai Juda dugo ta ŋiginiai saian man tia yan onse uloŋ la ya. ¹¹ An lo ŋai mel ta ŋigane saian agop ŋamat o kubiaen ibol

tap, ηai ηasol o dal ta abanη ηabi na da. Ak man inηsad ru ηai ninjeg o dubol dan, fidian sewak tap, talpein ta ηai inη banid lo iginiag san tia ya. ηai Kaisa ηuwagip ηaisag kot ilonη a.”

¹² Agog Festus inηanen kaunsil adi dida dinηinηen gug Pol ru naon irupeig ibol, “Onη Kaisa onηsa kot ilonη o wagi ak ninηen o inηsan na wau a.”

Festus Pol ninηen o kinη Agripa naon na inηinηen a

¹³ Murnag Kinη Agripa inη Bernaisi da Sisaria na Festus duyunηani wo dupalu ya. ¹⁴ Atna kitek dumado yak ninηen o Festus Pol ninηen o Kinη Agripa naon na ibol, “Filiks tamol ta etna subanek lo igane yak imado da. ¹⁵ Agog saen ηai Jerusalem na ηaug, Juda sad pris gurman adi, agod gurman aenta dida dupalug, ηai tamol an igane saian ak san fun ηabol pe ηabi idu kisaek onη o dusumianag a. ¹⁶ Gug ηai ru naon igo ηurupidai. Maη Rom sama kagin man, subanek tamol ta inη tamol a kot lo diabi an da nug naon dupanip ta dinηinηen na dan daonη mupani san an maηsam kagin tia ya. Maη saen mupani dop, inηsan muruan an ninηen o ru dupani dan ilonη pe, sen ipirani na gup, dal dugo kot iri dan ate mi mupani wa. ¹⁷ Amaiak ninηen o saen etna dupalu man, ηai saen ta ηibidani na ya. Maen mumasag kot dulonη dak aben lo ηumasig, tamol an dinηane dupalu wo ηurupidai a. ¹⁸ Tamol a inη kot an digane yan dumasa dutur ak man, ηai muruan tubun geig ak ninηen kot an digane wak ηabol gug ago ta digane na ya. ¹⁹ Inηiganed ubou ninηen o, agod tamol ta yanηan Jesus dubol dak mi ninηen o nug diabi se ya. Tamol an imat gug Pol man inη imasag kumaen imado dak ago ibol da.

²⁰ Njai muruan naok ago yak njukubune san dal ta njile man tia tag, Pol Jerusalem na diñane diaup ru dubol an fom kot dupani wo ago nsumiani a. ²¹ Ak man Pol Kaisa inñen san kot ilonj o subanek lo mi imado yau o ago isumianag a. Ago tag dititiani dumado yau nap naj dal ta njile gup njidinip Kaisa san na yau ak njabol a.”

²² Agog Agripa Festus irupei, “Naiseg mok tamol an inñenj dop njalonj o ilog ibol da.”

Agog Festus awan yabig ibol, “Gabulo gup awan ulonj a.”

Pol kinj Agripa naon na itur a

²³ Dien dumasag Agripa inñ Bernaisi da yousai lo mugurunj mi dupalug, yu gurman, inñ taun san tamol tutubun an dida tumanek ab lo diladu ya. Agog Festus tamol idinaig Pol diñaneg diladu ya.

²⁴ Agog Festus imasag ibol, “Kinj Agripa, agod anñ fidian gamu etna amado dan, tamol en ale, Juda tamolpein etna dumado dan, agod Jerusalem na yan tamol en ninjen o naj naog na kot digane ya. Inñ disasaig dubol, ‘Tamol en fon ta imado na wa.’

²⁵ Gug inñ mel ta igane saian pe ninjen o imat san njile man tia ya. Agod inñen dam Kaisa inñsan kot ilonj o ibol ak ninjen o naj njiganep yau o njabol a. ²⁶ Ak man naj ru ta inñsan muruan ninjen o itaot njigirep Kaisa njupani san tia ya. Ago yak ninjen o naj onñ Bernaisi da naom na njigane ipalu ya. Onñ kinj Agripa nao na itur dop onñ naj da sisem tusalemianip, inñen ninjen o inñenj dop talonj a. An lo inñsan muruan dugo yan tile talonj gup, naj anñ njigirep Kaisa san na njigane yau a. ²⁷ Man dugo, naj ata wo kawan geig subanek tamol ta mel igane saian an fun ta njufulale uyan

na gup ηidinip yau ak i? Nai an ηukubiani dak man uyan tia ya.”

26

Pol Agripa naon na sen ipiranig ru ibol a

Apo 9:1-18; 22:3-16

¹ Agog Agripa Pol irupei, “Gamu onse niηe wo ru ka ubol a.”

Ago tag Pol banin yabisag, ru en ibol, ² “O Kiη Agripa, ηai ilog tubun mi uyan da. Man dugo, ηai gamu on nao na ru fidian Juda ηai niηeg o dubol na yan niηen seg ipiranag a. ³ On dam Juda adi sad kagin, agod sad ae tutog dam fidian ulon ηiηaokan a. Ago yak niηen o kagin panag dop, ηaisag ru ulon.

⁴ “Juda fidian ηai pineinag lo ηumado ηator na yan dulon. Fun lo Isrel ilon lo, agod Jerusalem na ηumado ηator na yan, saen milaen ηai fug dulon uyanan a. ⁵ Saen milaen mok iη dulon uyanan ak, maηsama midaeη Farisi dubol dan san geggeg wei kasik an ilon lo ηumado dugo sad kagin fidian an ηiri na ya. Tag an dubol ilasa wo dumoi boi.

⁶ Agog gamu etna sumianek lo ηatur dan fun man, ηai Anut maηsama tubum bagema promis ipidinai amaiak ilog lo rumok go san nuηon ηile wo mala nouk ηumado dak niηen o ete ηatur da. ⁷ Isrel san gugoi 12 an promis nek amaiak nuηon ilasap dile wo tidom ad Anut o ubou dile da. O tamol tubun en, ηai promis an san nuηon ηile wo mala nouk ηumado dak, Juda adi dam nek ago mi digane da, ak gug kagin nek amaiak niηen o ηai ηigane saian dak ago dubol da! ⁸ An ηidial, ata wo Anut tamol mater η lo ifufunaip kumaen dumasa da wan, ida ta isuda na yak ago ilom isou dak i?

⁹ “Naiseg dam ilog lo dal fidian lo njanep Jesus Nasaret tamol an yanan njabid idu wak njabol a. ¹⁰ Njai Jerusalem na ago njigane se ya. Njai pris gurman adi awok dupanag go Tubun en san tamolpein wei kasik subanek ab lo njidirai se ya. Dufu dumat o dubol dop, njai dam awok njupidinai se ya. ¹¹ Nal wei kasik ubou ab fidian lo njabol dop bu dupidinai se ya. Ago dugo njai in Jesus yanan malan dusue wo maeg njigane dugo nududuwai se ya. An mi tia, tinjag tubun kasik wananan anda, njibiaip daon njupidinai wo abanad njile se ya, Isrel ilon lo agod taun gol ak lo dam mi a.

¹² “Njai nek urat an ninjen o Damaskus na pris gurman adi awok dupanag go njau a. ¹³ O tamol tubun en, dal na ad titinjaem itur dugo njai lilaman ta tubun geig ad san mididan irinjani ak tamol dida mau an tinima fo isapudade ya. ¹⁴ Man fidian mau madug, njai awan ta Hibru lo irupaiag, ‘Sol! Sol! Ata wo njai malag sue dak i? Mel en ilo isou. Makau titianek yu luon geig ak nam makau imaspalu wo issue dop, makau an madai ikubianip njien ipar imul da, ago dop yu an njien issue ilon lo yaup madai tubun geig ak ikubiani da. On nek ibol makau amaiak on a. Saen on njaisag tamolpein malad sue dugo, kagin saiak a gane dan san miai isio gug, on pare imul san on o muruan geig a.’

¹⁵ “Ago dugo njai njusumiani, ‘Tubun en, on enti?’ ”
 “Ago tag Tubun en awag yabig ibol, ‘Njai Jesus nek e malag sued ama ya. ¹⁶ On masap utur. Njai onsa na njilasa yan on njaisag urat tamol mado wo njipiliano ya. On mel gamu ule yan, agod a mitep njukubiai pano wan dam aenta naod na ubol dop dulon a. ¹⁷ Saen onsigane tamolpein daon dupano

wo digane dop, ηai banidi lo ηupaso wa. ηai Juda tia yak sad na ηidinop wau o da, an ninen o in banid lo dam ηibinawo wa. ¹⁸ On in malad wafutep, tidom tubun lo yak lilaman lo dupalu wa. Satan san tuon lo yak Anut san na diau a. Agop in sad ilo rumok ηai lo inaned aupasek isasi pidinai a, agod tamolpein a Anut itaot idirai dilasa yan luluηad lo aben ta diηane wa.’ ”

Pol in san urat san sae isue ya

¹⁹ “Ago yan lo, Kiη Agripa, tamol awan a mala ηutun leil an lo ηaloη amaiak ta ηuparsisali na ya. ²⁰ Malmalan mok Damaskus na ru ηufulale se ya. Murnag Jerusalem nag, Judea sad gigin fidian log, Juda tia yak lo dam ηaug, ru ηufulale se ya. In bubeη dibilisap, inaned saian patud dupanip, naodi Anut dupanip kagin saiak patud dupani an nuηon kuai te digane ilasa wak san ru ηufulale se ya. ²¹ Fun amaiak ninen o ηai tempel lo ηumado dugo Juda adi dibiag go dufunag ηamat o digane ya. ²² Fun lo ipalug gamu en, binawek a Anut san na ipalu yan ηai da yen da. Ago yak ninen o gamu gidad an yanam tubun ak boi, yanam tia yak boi, ηai ete naom na ηabol ηatur dugo, Moses in profet dida mel ilasa wak ninen o dubol na yan mi gamu ηabol da: ²³ Kristus in muruan isinip imat mok a. Agop in tamol malmalan mok mateη lo kumaen imasa da wa. An lo dop in Juda adi agod Juda tia yak dida dal dugon lo Anut san patu pasek diηane wan ikubiaip dile wa. An in sad leil lo man nek ibol sul san lilaman ak on a.”

²⁴ Pol sen ipirani san ru ago ibol dugo, Festus awan tubun mi isasaig ibol, “Pol! Burau ifuno da.

Onsa ulon an tubun kasik an lo yaug burau ipano ya.”

²⁵ Agog Pol awan yabig ibol, “O tubun en Festus, nai burau ta ifunag na da. Ru a nabol ilasa dan, an rumok agod kankan milaen ak san a. ²⁶ Kin Agripa, in mel amaiak fidian ilon sinjakaan ak ninen o nai njalon ak in naon na seg ipiranag dop njinjen o ta njarer na wa. Nai ilog isou ak, dugo ilasa yan fidian lulunad lo mel ta kisaek man, kin Agripa mel an ninen o ta injaon na ya. Man dugo, mel an fidian mianuk lo dilasa man tia ya. ²⁷ O Kin Agripa, on profet adi sad girek ilo lo rumok ak i? Nai njalon ak, on ilo lo rumok a.”

²⁸ Agog Agripa Pol irupei, “Dugo, on gamu saen katukan en lo mi nai giniag pe Kris njilasa wak ubol di?”

²⁹ Agog Pol ru naon irupei, “Nal katukan boi, tia, milaen mi boi, on agod aenta gamu ru alon dan an fidian Jesus ilom lo rumok o njugudani da. An nai igo njumado dan igo won an dam amado wo ilog ibol da. Gug mel kisaek sein nam nai dusubanag pe an lo yen man njamoi.”

³⁰ Agog kin, in gurman tubun Festus da, Bernaisi, agod tamolpein fidian dumado yan dumasag, dilasa ya. ³¹ Agog nug naon na dubol, “Tamol en mel ta igane saian pe ninen o imat san tia ya, subanek ab lo imado san dam ta igane na da.”

³² Agog Agripa Festus irupei, “Tamol en in san kot Kaisa ilon o ibol a. Ago ta ibol na yak man subanek lo tupasi wa.”

27

Pol wog fo diɲane Rom na diau a

¹ In awad kisaek go maɲ Itali na mau o dubol tag, Pol in subanek aenkadi dida Rom yu gurman ta doup “Kaisar san sawar” dubol dak san gurman, yaɲan Julius, banin lo didirai a. ² Agog maɲ Adramitium na wog ta fo misida ya. Wog an Esia provins lo panu loɲ na dien dan lo idu dop yau san. Agog miyawai a. Masedonia na taun ta yaɲan Tesalonaika dubol dan san tamol, yaɲan Aristakus, dam ida mau a. ³ Nal tinin te Saidon na misasau a. Julius in Pol lo uyan, ago yak ninen o Pol yaug turan yil dugo mel lo katukan ak dupani a. ⁴ Agog milasag mau dugo tim imasa tag Saipras nui giranen na tim an tia yak lo mi mau a, man dugo, tim naoma yabi se ya. ⁵ Silisia in Pamfilia da sad loɲ mubiseig Lisia na taun yaɲan Maira dubol dak lo milasag misasau a. ⁶ Agog atna yu gurman an wog sen ak abanjan yabi a. Agog wog ta Aleksandria na yak Itali na yau dak ile tag, iginiamag wog an lo musuda ya.

⁷ Tim naoma yabi a, ago yak ninen o nal aenta man pasak nam mau se ya. Agog Naidas panu sumeik mupani dugo, mile tag maeg migane gug atna ta madu na ya. Tim san dabai tubun kasik, agog naon fom mau san tia tag, Krit nui giranen malin ak lo maug Salmone damon mirinani a. ⁸ Maeg miganeg loɲ im mau nag taun ta Lasia dubol dak giranen na ilon ta yaɲan Ilon Malin dubol dan lo miladu ya.

⁹ Maɲ atna saen milaen mok mumado yaug wein mabi san muruan. Man dugo, Juda sad anan

waliŋ san nal itout la ya, agod saen an lo beig saian da. Ago tag Pol tamol ru kagin en irupidai, ¹⁰ “Tamol aloŋ, idsad turenj etnap tau dan man muruan geig a. Naisag ilog lo ŋukubiani ŋile yak, id tau oŋ dop man, muruan wei mi ilasa wa, wog san biouŋ dideg diau a, wog daonj iŋanep tamol aenta dam dumat a.” ¹¹ Ak man yu gurman iŋ keptan agod wog muroun da sad ru ilon lo rumok a. Agod Pol san ru man niŋen o kankan ta igane na ya. ¹² Madid saen dop ilon lo mumado san madok ta uyan na yak niŋen o tamol wei kasik mau an awad kisaek dop, milasap fon miyawaip Finiks na madu wo ilod ibol a. Krit na ilon an tim naon fo ta yen na da. Agod madid saen dop ate ka mumado wa.

Dal na beig tubun kasik ifu ya

¹³ Agog karag ifure gug dabai an tia tag iŋ ilod lo ilon a ilod isou an lo ka mau ak dubol. Ago tag anŋa dirae isidag Krit san loŋ aen mi murig mau se ya. ¹⁴ Saen milaen tiag tim dabai yarti dubol dan nui log mayau itor pani a. ¹⁵ Tim ipalu yan wog iŋaneg, wog dutuli san ta isida na tag, tim naon mi dirig diau se ya. ¹⁶ Maŋ nui nanun Koda dubol dan giranjen aen ate muri dugo, diŋgi mabisa wo wagai miganeg, mirae isidag miyati a. ¹⁷ Agog wog rasau nam tinin dufou sakar. Kabelan Libia san loŋ na gugor atna yak fo wog isida banau o, lai dupasi dugo tim mi wog idudunig mau a. ¹⁸ Beig saian geig an nek ago mi yen tag, salsog wog tinin san biouŋ aenkadi diabi beig lo idu ya. ¹⁹ Maen mumasag nek ago mi tag, wog san biouŋ biouŋ aenkadi iŋsed banid nam dupasig diabiau a. ²⁰ Nal kitek wei mi, ad, patui ta meil na ya. Agog tim nek

yen ago mi yen dugo, maŋ binawek mile san ilo isou migane yan fon iloma iŋaon a. In dideg diau o ilod isou se ya.

²¹ Tamol dida mau an nal wei mok anaŋ tia dumado tag, Pol imasag naod na itur dugo ibol, “An ŋai awag amoi ak niŋen o Krit tibiseig, tiyawai tupalug, biouŋ biouŋ tititale da. Ago tia ak man, biouŋ tititale yan tia wa. ²² Ak man ŋai an ilom kisaek mi wo ŋusumianaŋ da. Sem dabai ipanaŋ. Man dugo, id en kisaek ta imat san tia wa. Wog mi gup man saian a. ²³ Tidom na ŋaisag Anut niŋen o in ubou ŋile dan san eŋel ta ŋaisag na ipalug ibol, ²⁴ ‘Pol, on urer umoi! On Kaisar naon na utur o Anut ilon ago yen. Inŋsan ilo muŋanek lo tamol dida au dan kisaek ta ideg yau san tia ya.’ ²⁵ Ago yak niŋen o sem dabai panaŋ. Man dugo, ŋai Anut o ilog lo rumok, agod ŋai ru ŋalon an ago mi iri panim ilasa wa. ²⁶ Gug id man taup nui ta fo tisida wa.”

²⁷ Agog ubou uraru itout go tidom an lo beig tubun, yaŋan Edria, an lo tim inŋiliamag mau. Tidom luak igo woŋ wein tamol adi tan sumeik mupani dak dubol a. ²⁸ Ago tag mel muruan ak kam fo dususeg beig lo diganeg idu yaug, beig san kuror 35 mita igo woŋ dile ya. Kitekan maug, fon ago mi digane man beig san kuror 25 mita. ²⁹ Kabelan wog pat fo isidap ipuk banau anŋa iwoiwo patun na dubal agog salso idu wo dumosiai dop inŋsad tubud ilon o dubol. ³⁰ Agog wog san wein tamol adi wog dubiseip dusol o digane yak niŋen o in wog san diŋgi beig lo digane idu ya. In diraek go wog ŋudun fo anŋa* ta dususe wo digane da. ³¹ Ak man

* **27:30:** Pitiau

Pol yu gurman an irupeï, “Wog san wein tamol adi wog fo dumado wa. Tia tap, an adeg au a.” ³² Ago tag yu tamol adi dingi san kam dututeg ifot yau a.

³³ Salso idu wo sumeik dugo, Pol tamol anan diani wo isumianai, “An nal 14 malam aganeg anan ta ani man tia ya. ³⁴ Ago yak ninen o anan ani wo nurupaian da. An tinim dabai ipani wa. Man dugo, an lulunam lo tamol ta kisaek in san gumuran san roun kitek ta mok ideg yau na wa.” ³⁵ Pol in ru an ibol itout gug bret kisaek in aneg fidian malad lo Anut ilo uyan ipanig yafuteg in sen fun iganeg yani a. ³⁶ Fidian ago dile tag sed dabai ipidinaig bret di aneg diani a. ³⁷ Man wog fo mau an nunoma 276. ³⁸ Saen tamol fidian anan dianig, luad ipuk go, wog pasauman o diganeg, wit diabi beig lo idiau a.

Wog gurgor fo isida ya

³⁹ Salso idu an wein tamol adi lon ta dileg di naon. Gug ilon ta lul anda yak dile tag wog di ane diaup lul an fo isasau wo dubol. ⁴⁰ Ago tag an ga san kam dututeg, an ga nunon beig lo yen. Agog ulum san fei andam san kam dupasi a. Agog wog nudun fo lai an diraeg, tim wog idudunip, lon na yau wo digane se ya. ⁴¹ Ak man wog gurgor fo isidag iririd yen se ya. Agog nudun man isasau dugo wadan man tamun ipalug igile ifurak idiri yau se ya.

⁴² Ago dugo yu tamol adi subanek an fidian dufu dumat o dubol. Kabelan dulog lon na diaup dusol banau. ⁴³ Ak man yu tamol sad gurman Pol imat man imoi tag, subanek adi ta dufu dumat na wo ibol a. Tamol dulog san idaisuda man imug

dusukalik beig lo dudup, dulog lonj na disila diau o ibol a. ⁴⁴ Gug aenta dulog san tia man, wog san abau an disinip fo dulog disila diau o ibol a. Ago miganeg fidian lonj na itaot misida ya.

28

Nui yanjan Molta dubol dak fo misida ya

¹ Manj fidian itaot lonj na misida gug nui an yanjan Molta dubol go malonj. ² Nui an san tamolpein manj lo uyanan mok a. Ui idug abanj madid tag yai dutuni panamag, tinima isue ya. ³ Agog Pol ai itueg yai fo idiri wo igane dugo, mot ta yai inani guguleg ilasag Pol banin te iratig banin ipuljani a. ⁴ Nui an san tamolpein Pol banin te mot iyuk dugo dileg, sed nug durupei, “Tag tamol en tamol ifu dumat da. Inj beig lo ta imat na gug, naon panek san tubud gamu naon ipani da.” ⁵ Gug Pol mot an ikupari yang yai lo idu ya. Mot an Pol tinin ta igane saian man tia ya. ⁶ Agog fidian dutur an Pol tinin isusanip yau idup imat dop dile wak dubol go tinid digane se ya. Ak man saen milaen mok mel ta ilasa dop dile wak dubol gug, mel ta ilasa man tia tag, kankan dibilisag dubol, “En man tubud ta boi.”

⁷ Aben mumado yan giranjen na man tamol ta yanjan Pablius inj nui an san gurman ak injsan tan atna yen. Inj manj lo uyanan a. Agog injiliamag nal utol atna kagin ipanamag ida mumado se ya. ⁸ Pablius taman man ifuruk da, agod tinin wananan tubun kasik go yen da. Ago tag Pol injsan galonj lo iladug Anut igudanig, banin tinin fo igane yan subam ibisei a. ⁹ Tamolpein fidian mel ilasa yan dulonj tag, subam adi nui lo yan fidian

dupalug iginiaig uyadi. ¹⁰ Inj melmel wei kasik man dupanama ya. Agog miyawai san saen dugo weinj mabi san biabi wog lo didiri a.

Molta mubiseig Rom na mau a

¹¹ Kalam utol atna mumado dugo Aleksandria sad wog ta njudun fo tubud urarum nug tein, ta yanjan Kastor, neinta yanjan Poluks dubol dak sad mitilaed yen dak fo misidag mau a. Wog an madid saen lo nui an lo yen. ¹² Agog maug, taun yanjan Sairakyus na milasag, nal utol mumado se ya. ¹³ Taun an mubiseig miyawaig, panu ta yanjan Regium na madu ya. Maen mumasag tidom lom mi karag fun iganeg ipalu dugo, nal uraru lo mi panu yanjan Putioli dubol dak lo milasa ya. ¹⁴ Agog atna ilo rumok adi aenkadi meil go dida ubou kisaek mumado wo dusumianama ya. Ago tag dida mumado gug Rom na mau a. ¹⁵ Ilo rumok adi Rom na yan yanama dulonj go Apias Didaenj Aben geg an diliama wo dupalu ya. Ago dugo aenta Lou Ab Utol geg an dam diliama wo dupalu ya. Saen Pol ilo rumok adi yil go Anut ilo uyan ru ipanig, inj sen dam sen dabai ipani a. ¹⁶ Saen manj Rom na milasa man, Pol inj sen kisaek mi, yu tamol kisaek ititianip ida dumado wo dubol a.

Pol Juda adi Rom na yan itumanai a

¹⁷ Murnag nal utol itout go Juda atna dumado dan sad gurman dutumani wo Pol ru iganeg sad na yau. Saen dupalug dutumani dugo irupidai, “O teig taog, naj bo idsad tamolpein, tamol kagin id tubud baged dupanad an kisaek ta njigane saian man tia ak gug, Jerusalem na dibiag go subanek diginiag a. Agog Rom banid lo diginiag a. ¹⁸ Inj naj

dusumianag ak man mel ta njigane saian ak ninjen o njamat san dile man tia ya. Ago yak ninjen o dupasag o dubol a. ¹⁹ Ak man Juda adi in an dumoi tag, naj dabai nam Kaisa njaisag kot ilonj o njabol. Gug naj Juda tamolpein mel digane saian ak ninjen o Kaisa naon na njabol san ta amag da man tia ya. ²⁰ Ago yak ninjen o naj anj da tininjen o njigianj a. Naj tamol a Isrel tamolpein ninjen o tinid digane dan ilog lo rumok an lo gamu naj sein ag da njumado da.”

²¹ Agog in durupej, “Manj Judea na onj niñe wo girek ta miñane man tia ya. Agod Juda taidam dupalup onj niñe wo ru ta dubol saian dop malonj man tia ya. ²² Ak man biatitek en ninjen o onjane ilo sou miñane malonj o iloma tubun mi ibol da. Man dugo, manj malonj ak, tamolpein aben fidian lo dumado dan biatitek emaiak ninjen o ru saian mi dubol da.”

²³ Ago tag Pol dida nal diganeg tamolpein wei kasik mok saen an aben Pol imado dak ate dilasa ya. Agog Anut san kagin panek san ru tidomi fun iganeg yaug, tidom idug naod na ifulale pidinai se ya. In Moses san kubiaen, agod profet sad girek lo dam ru boi sensen ak injal go, Jesus ilod lo rumok anen ru irupidai se ya. ²⁴ Aenta injsan ru an dulonj go ilod lo rumok a, ago dugo aenta man ilod ta rumok na ya. ²⁵ Ago tag fidian ru naon sensen dubol se man ab dibisei a. Gug diau o dugo Pol ru wadan en ibol, “Urgun profet Aisaia awan lo rumok geig anj tubum bagem ibol igo irupidai,

²⁶ ‘Waup, tamolpein en igo rupidai:

Saen anj ru alonj man, ka alonj onj se ya, ak man san fun ta anjane na ya,

agod saen aban ale man, malami ka yau on se ya, ak man ilom ta itarpasi na ya.

27 Man dugo, tamolpein en sad bubedi dabai geig dilasa ya,

in kududodi ta dulon uyan na ya,

agod maladi ikilakil pasi a.

Tia tap, maladi nam in ka aban dile wak,

kududodi nam ka dulon ak,

agod ilodi nam manau ka dinane wa.

Ago dop an lo ilod ibilisa dop didansap naisag na dupalu dop nukubuniai a.' ”

28 “Ago yak ninen o an alon. Anut in san patu pasek san ru iganeg tamolpein Juda tia yan sad na yau da. In ru an dulon pe ninen o kududod dugure wa!” 29 [Saen Pol ru an ibol go itout an Juda in sed in sed mi nug dupeig dufurak go diau a.]*

30 Ananar uraru Pol sen ab ta idad go lo imado se ya. Ab an lo imado dugo tamolpein fidian dile wo dupalu se yan ilo uyan lo inal dugo imado se ya. 31 In Anut san kagin panek ninen o ru ifulale dugo, Tubun en Jesus ninen o tamolpein manau ipitejanai se ya. Ru fidian ta yabituani man tia ya. Agod Rom gabman an ninen o ta ipadau na ya.

* 28:29: Boi 29 Grik lo tia ya.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 22 Feb 2024 from source files dated 31 Aug 2023

757b3e4e-2023-5b45-893a-ee9294ddeb9d